

淵鑑類函

卷三十三之卷三十三

淵鑑類函卷三十

地部八水總載

水總載一

**增**春秋元命苞曰水之爲言演也陰化淖濡流施潛行也故其立字兩人交一以中出者爲水一者數之始兩人譬男女言陰陽交物以一起也

**原**易說卦曰坎爲

水潤萬物者莫潤乎水 毛詩曰揚之水不流束薪

尚書曰湯湯洪水方割蕩蕩懷山襄陵浩浩滔天 又

曰人無以水監當以人監 禮記曰水曰清滌 又曰

今夫水一勺之多及其不測鼃鼃蛟龍魚鼈生焉貨財

殖焉

左傳曰潢汙行潦之水可薦於鬼神可羞於王

公

穀梁傳曰水北爲陽水南爲陰

論語曰智者樂

水

又曰子在川上曰逝者如斯夫不舍晝夜

孟子

曰觀於海者難爲水遊於聖人之門者難爲言

又曰

性猶湍水也決諸東方則東流決諸西方則西流人性

之無分於善不善也猶水之無分於東西也

爾雅曰

水中可居者曰洲

亦曰譚音達旱反

小洲曰渚小渚曰汙

亦曰汙

曰坻又小

凡水邊皆曰垂曰涯曰畔曰干曰濱曰濱

上下坦曰濬

一曰濬

重涯曰岸岸上地曰澣曲涯曰澳

一曰

隈

水草交曰濬裨增水邊土人所止曰澨水曲曰汭水

出山石間曰潏

音

石絕水曰梁築土遏水曰塘

又曰隄

大防曰墳廣澤曰衍澤曲曰臯障曰陂水本曰源深水

曰潭急水曰流沙石上曰瀨

亦曰湍曰瀨曰積

水別流曰派風

吹水湧曰波

亦曰浪

小波曰淪平波曰瀾直波曰涇水朝

夕而至曰潮風行水成文曰漣水波如錦文曰漪水行

曰涉逆流而上曰泝洄順流而下曰泝游

亦曰浴流

絕流而

渡曰亂以衣涉水曰厲繇膝以下曰揭繇膝以上曰涉

渡水處曰津

亦曰濟

潛行水下曰泳

自水中可居以下並出爾雅釋名說文三

書水神曰天吳

山海經云天吳人首十八尾亦曰水伯

大波之神曰陽侯

博物志曰昔陽國侯

濤之神曰靈胥

博物志云昔吳相伍子胥爲吳王夫

水部

水部

水部

二



洪鑑卷四卷三十一  
二  
差所殺浮之於江其神爲濤

尚書大傳曰非水無以準萬里之平非

水無以通遠道之重任也 韓詩外傳曰夫水者緣理

而行不遺小間似有智者動而下之似有禮者蹈深不  
疑似有勇者鄣防而清似知命者歷險致遠似有德者  
天地以成羣物以生國家以寧萬事以平此智者所以  
樂於水也 又曰夏不數浴非愛水也冬不數煬非愛  
火也 **增**管子曰水者地之血氣如筋脉之通流者也  
故曰水具材也 又曰水者萬物之準也是以無不滿  
無不居也集於天地而藏於萬物產於金石集於諸生  
故曰水神 又曰水有大小又有遠近水之出於山而

流入於海者命曰經水水別於他水入於大水及海者  
命曰枝水山之溝一有水一無水者命曰谷水水之出  
於他水溝流於大水及海者命曰川水出地而不流者  
命曰淵水 又曰齊之水道躁而復故其民貪麤而好  
勇楚之水淖弱而清故其民輕果而賊越之水濁重而  
洎故其民愚疾而垢秦之水泔最而稽淤滯而雜故其  
民貪戾罔而好事齊晉之水枯旱而運淤滯而雜故其  
民諂諛葆詐巧佞而好利燕之水萃下而弱沈滯而雜  
故其民愚戇而好貞輕疾而易死宋之水輕勁而清故  
其民簡易而好正是以聖人之化世也其解在水治於

世也其樞在水

**原**

晏子曰景公問廉政何如對曰其

行水也美哉水乎其濁無不塗其清無不灑

老子曰

上善若水水善利萬物而不爭處衆人之所惡故幾於

道 莊子曰水靜則明濁則混水靜猶明而况精神聖

人之心靜乎 又曰秋水時至百川灌河涯涘之間不

辨牛馬於是河伯欣然自喜以天下之美爲盡在已

又曰夫水之積也不厚則其負大舟也無力 墨子曰

古語曰君子不鏡於水而鏡於人鏡於水見面之容鏡

於人則知吉凶

**增**

呂氏春秋曰輕水所多禿與瘦人

重水所多種與鬻人甘水所多好與美人辛水所多疽

與瘞人苦水所多尪與偃人

**原**淮南子云積陰之氣

爲水

又曰土地各以類生人是故清水音小濁水音

大湍水人輕遲水人重

**增**又曰白水宜玉黑水宜砥

青水宜辟赤水宜丹黃水宜金清水宜龜汾水濛濁而

宜麻濟水通和而宜麥河中水濁而宜菽雒水輕利而

宜禾渭水多力而宜黍漢水重安而宜竹江水肥仁而

宜稻 又曰夫光可見而不可握水可循而不可毀

**原**尸子曰凡水其方折者有玉其圓折者有珠清水有

黃金

淮南子亦云詳珠玉

文子云水之道上天爲雨露下地爲

江河

又曰混混之水濁可以濯吾足青青之水清可

地部

水總載

水總載

日

以濯吾纓

事具離騷云滄浪之水

又曰水之性欲清沙石穢之

人之性欲平嗜欲害之

漢書云書稱水曰潤下坎為

水位在北方終藏萬物者也為政令順時陰陽調和終始相成十二月咸得其氣則水得其性此之謂潤下若政令逆時霧水暴出百川流溢壞鄉邑溺居人及淫雨傷稼是為水不潤下

**增**

國史補云凡物有水水由土

地故江東宜綾紗宜紙鏡水故也蜀人織錦初成必濯於江水然後文彩煥發鄭人釀酒近邑水重斤兩與遠郊數倍

南部新書曰天下貢賦惟長安縣貢土

萬年縣貢水

**原**

元中記曰天下之多者水焉浮天載

地高下無不至萬物無不潤

**增**物論云所以立天地

者水也夫水者天地之本也吐元氣發日月經星辰皆由水而興九州之外皆水也 述異記曰漢沔會流處

岸上有石銘云下至水府三十一里皆傳李斯刻石於

此天下水府一十八處 柳子厚袁家渴記曰楚越之

間方言謂水之反流者爲渴音若衣褐之褐 夢溪筆

談曰水以漳名洛名者最多今略舉數處趙晉之間有

清漳濁漳當陽有漳水灑上有漳水鄆郡有漳江漳州

有漳浦亳州有漳水安州有漳水洛中有洛水北地郡

有洛水此概舉一二耳其詳不能具載予考其義漳謂

兩物相合有文章且可別也 續述征記曰睢渙二水

波若五色有文章 華陽寶錄高安鳴水碧澗飛流空

谷振響絕頂有石高數丈以物扣之其聲如鼓因以名  
之 方輿記曰蜀青城常道觀其南有六時水以代漏

刻於陽時即洒然而下陰時即無晝夜凡六時洒水故

名 又曰葛瓚化宮之西巨石之下有丁東水出於崕

腹滴窪石竅中人或污之立涸 水經注曰桂陽郴縣

萬歲山上悉生靈壽木下即千秋水也水側民居號萬

歲邨 又曰郴縣南湘波邨有圓水廣圓可二百步一

邊煖一邊冷冷處極清綠煖處水白且濁厥名除泉其

猶江乘之半湯泉也 西征記曰伊水上源經新城陸

渾二縣男女無少長皆病瘦俗云水土所致伊水不可  
飲也 博物記云酒泉延壽縣南有山石出泉水大如

莒蘆注地爲溝其水有肥如煮肉洎羹羹如不凝膏燃  
之極明不可食縣人謂之石漆 筆談雜志云鄜延脂

即延安石油也生於水際沙石土人以雉尾裹之入缶  
中頗似淳漆燃之如麻以爲煙墨松脂不及 埤史帝

王世紀云沁水南歷猗氏又南與羸羸水合因以聲稱  
之羸音彪 秦州紀曰成紀縣有白中水深數尺水旱無

增減故名其地爲天水郡 郡國志云湓水昔有人此



處洗銅盆水暴漲失盆乃投水取盆見一龍銜盆奪之而去故曰溢水 杜陽編曰滄州山下出澄綠水其水流一百步亦謂之流綠渠投之金石終不沉沒 隴右記曰武都紫水有泥其色紫而粘貢之用封璽書故詔誥有紫泥之說 述征記曰臨淄牛山下有女水齊人諺曰世治則女水流世亂則女水竭 又曰泰山郡水皆名曰汶汶凡有五曰北汶瀛汶牟汶柴汶浯汶皆源別而流同汶陽有田即春秋齊人歸魯以謝過者 寰宇記曰豐水在縣西南亦名窮水 漢地理志曰呼蠶水出南羌中

**原**湘中記曰湘水至清深五六丈下見

底了了然石子如樗蒲大五色鮮明白沙如雪霜赤岸  
如朝霞

**增**

潛確類書曰壻水在漢中府城固縣南相

傳唐公房城固人學仙得道入雲臺山合丹服之白日  
升天升仙之日壻行未還約以此川爲居言無繁霜蛟  
虎之患其俗因號爲壻鄉故水亦即名焉

**原**

博物志

曰有八流水出名山渭出鳥鼠漾出蟠冢洛出熊耳潁  
出少室汝出燕泉泗出陪尾溜出月台沂出泰山 永

嘉郡記曰有柘林泉

出建安吳興縣

有梧桐水

有兩源一出松陽

有桃

枝水

出東陽長山縣桃林之下

**增**

集仙傳曰九疑之峰各有一水

九江分流其下以注六合周而復始沂上以灌天河上

下流注周於四海九水者一曰銀花水二曰復淑水三  
曰巢水四曰許泉水五曰歸水六曰沙水七曰金花水  
八曰永安水九曰晉水 元史云水至彭湖漸低近琉  
球謂之落際際者水趨下不回也凡西岸漁舟到彭湖  
遇颶風作漂流落際回者百無一二 **原**山海經曰刺  
山有獸焉名曰合窳見則天下大水其上有水焉甚寒  
而清帝臺之潒水也 **增**又曰大荒之隅有山而不合  
名曰不周有寒暑之水 又曰空桑之山有獸曰軫軫  
其狀如牛而虎文其鳴自叫見則天下大水 又曰崇  
吾之山有鳥一翼一目相得乃飛其名蠻蠻見則天下

大水玉山有鳥其狀如翟而赤名曰胜遇見則其國大水  
路史云西海島間水如脂而黑他物盛之皆滴漏  
惟牛角可置南海以媒野象塗少許于樹葉間象拂著  
身必遲廻不去崑崙奴亦塗身便乘之而歸若家畜焉

水總載二

**原**淮南子曰往古之時四極廢九州裂水浩瀚而不息  
於是女媧積蘆灰以止淫水 左傳曰共工氏以水紀

官故爲水師而水名

注共工受命於水

穆天子傳曰天子飲

於滄水之上

**增**瑞應圖云蒙水瑞水也君乘土而王

其政太平則蒙水出於山焉

瑯環記曰西施舉體有

異香每沐浴竟宮人爭取其水積之罌瓮用松灑於帷  
幄滿室俱香罌瓮中積久下有濁滓凝結如膏宮人取  
以曬乾香踰於水謂之沈水製錦囊盛之 水經注曰  
沫水自蒙山至南安而溷崖山脉漂疾故害舟船歷代  
爲患蜀郡太守李冰發卒鑿平崖河神巖怒冰乃操刀  
入水與神鬪遂平溷崖 又曰趙人有琴高者善鼓琴  
爲康王舍人遊碭郡入碭水取龍子謂弟子曰待我於  
水傍果乘赤鯉而出 又曰蜀有廻復水江神嘗溺殺  
人文翁爲守祠之勸酒不盡拔劍擊之遂不爲害 洞  
冥記曰甜水去虞淵八十里有甜溪水味如蜜東方朔

得數斛以獻帝投水於井水嘗甜而寒洗浴則肌理柔滑獨異志云前漢劉子光西征過山渴無水子光在山南見一石人問何處有水石人不答乃拔劍斬石人須臾窮山水出汝南先賢傳曰陽安令趙規與朗陵太守黃明爭水規割指詛曰隨血所流入陽安界荆州記曰南陽菊水其源傍悉芳菊水極甘馨居民飲此水者上壽百二十三中壽百餘漢司空王暢太傅袁隗爲南陽令縣月送三十餘石太尉胡廣父患風羸飲此水疾遂瘳謝承漢書云沛國陳宣字子興建武十年雒水出造津城門校尉欲奏塞之宣諫曰昔王尊正

身金堤水退况聖主耶言未絕而水去

**原**續述征記

曰梁鄒城西有籠水云齊孝婦誠感神明湧泉發於室內潛以績籠覆之繇是無負汲之勞及家人疑之時其出而搜其室試發此籠而泉遂潰湧流漂居宇故曰籠水抱朴子曰左慈以氣禁水水爲逆流一二丈禁水著中庭露之大寒不冰華陽國志曰朱倉少受學於蜀郡屑豆飲水以諷誦同業等憐其貧給米肉倉終不受搜神記曰漢末零陵太守有女悅門下書佐使婢取盥手水飲之而有娠旣而生子至能行太守抱兒使求其父兒直上書佐膝書佐推之兒仆地爲水

**增**又

曰漢時永昌郡不韋縣有禁水水有毒氣唯十一月十  
二月差可渡自正月至十月逕之無不害人不見其形  
其作有聲中木則折中人則害土俗號爲鬼彈故郡有  
罪人徙之禁防不過十日皆死也 蒲元傳云諸葛孔  
明時有蒲元者術鑿同歐冶風胡常爲孔明鑄刀劔蜀  
惟江水爽烈是天分其野大金之元精也漢水鈍弱及  
涪水皆不任淬或以涪水雜江水輒能辨之 南史曰  
范栢年漢中人嘗謁宋明帝言次及廣州貪泉因問栢  
年卿州中復有此水不答曰臣州中惟有文川武鄉廉  
泉讓水又問卿宅在何處曰廉讓之間帝善其對 南



齊書曰荊州城內有沙池常漏水蕭穎胄爲長史水乃不漏方輿勝覽曰八功德水在江寧梁天監中有龍爲胡僧措水俄山湧一洑繼有西僧至云西域八池已失其一乃知竭彼盈此也八水者一清二冷三香四柔五甘六淨七不壻八蠲疴自梁以前御用取給焉

**原**

車穎秦書曰王猛攻鄴慕容評距猛而恒賣水與軍人衆思爲亂猛因得破之

**增**天中記曰符堅時長安有

水影遠觀若水視地則見人至堅晚年而止唐書云孔若思嘗謂人曰仕至郎中足矣及遷庫部郎乃置一石止水於座右示足足之意酉陽雜俎曰唐僧一行

嘗至天台國清寺門有流水聞院中僧於庭布算謂其  
徒曰今日當有弟子來求吾算法又謂曰門前水合却  
西流弟子當至一行承言而入稽首請法盡受其術焉  
而門水舊東流今忽改爲西流矣 元結水樂記曰元  
子於山中尤所耽愛者有水樂水樂是南礮之懸水淙  
淙然聞之多美於耳 唐書云汴宋觀察使令狐楚言  
亳州聖水出飲者疾輒愈裴度判曰妖由人興水不自  
作命在所禁塞 芝田錄云李德裕在中書喜常州惠  
山井泉自毘陵至京置水遞有僧詣謁德裕曰爲相公  
通常州水脉京師一眼井與惠山寺泉脉相通吳天觀

常住庫後是也李乃以惠山一甕昊天一甕雜以餘水  
八瓶遣僧辨析僧取惠山寺與昊天餘水乃同味德裕  
大奇之因停其水通 玉泉子曰宣皇在藩時常從駕  
隨馬雪中寒甚因渴求水於巡警者曰我光王也及以  
水進舉杯悉變爲芳醪 舊唐書云輔公柘據江東反  
命河間王孝恭擊之孝恭自荊州趣九江將發與諸將  
宴集命取水忽變爲血在坐者皆失色孝恭舉止自若  
徐諭之曰公柘惡積禍盈今承廟算致討益中之血乃  
公柘授首之後徵遂盡飲而罷時人服其識度而能安  
衆 續仙傳曰張志和酒酣爲水戲鋪席於水上獨坐

飲酌嘯咏其席來去遲速如刺舟聲 河東記云韋浦

遇鬼客歸元景云早給事馮六郎於河中浦曰六郎何人歸曰馮六郎名彛即河伯軒轅天子之愛子也浦曰馮何得第六曰馮水官也水成數六耳 夢溪筆談曰

慶曆中河北大水仁宗憂形於色有走馬承受公事使臣到闕即時召對問河北水災何如使臣對曰懷山襄陵上默然既退即詔閣門今後武臣上殿奏事並須直說不得過爲文飾至今閣門有此條遇有合奏事人即預先告示 睽車志云熙寧時王荆公當國有人授泗州盱眙令自陳乞改名雍觀怪問其故云夢中神告如

此後之官沒於淮水事聞朝廷荆公云向疑此人無故改名及閱山海經乃知其爲水官之名固慮其有水厄後縣僚或夢雍觀騶從甚盛往來淮岸避暑錄曰蘇子美卜居吳下前有積水即吳王僚開以爲池者作亭其上名曰滄浪雖意取濯纓然似以滄浪爲水渺瀰之狀若以爲地名則失之矣聞見後錄曰王荆公好言利有小人譎曰決梁山泊八百里水以爲田其利大矣荆公喜甚徐曰策固善決水何地可容劉貢父在坐中曰自其旁別鑿八百里泊則可容矣荆公笑而止

水總載三

**原包天**

**帶地**

春秋元命苞曰水者天地之信由生王彪之水賦

曰水帶地而壤潤月流天而霄炯陸

**流溼**

**潤下**

曰

士衡詩曰逝矣經天日悲哉帶地川

尚書五行

**習坎**

**盈科**

易曰水洊至習坎君

子曰以常德行習教事

孟子曰水之爲物

**至清**

**滋**

也

不盈科不行趙岐曰盈滿也科坎也

**萬頃**

**尺波**

黃叔度

萬頃之陂

**投石**

**浮天**

運命論以水投石莫之

下見元中記

**川上**

**隴頭**

上見論語歌曰隴頭流水鳴聲幽咽

**秋涸**

**冬凝**

禮記

冬之月水始涸

淮南子

**原委**

**灌浸**

文子云原泉

曰夫水向冬則凝而爲冰

**紀官**

**隨器**

共工氏見前

所聚也漢書溝洫志云

**洗耳**

**濯足**

許由事滄浪之水清兮

必隨其方圓

滯於物在器

水總載

兮可以濯吾足

竹箭

桃枝

慎子曰西河下龍門其流駛疾於竹箭東陽有桃枝水

滎河

温洛

尚書中候曰堯即政七十載修壇河洛仲月辛日昧明禮備禁先出河鄭元注滎光

五色從河水中出易乾鑿度曰帝盛德之應洛水先温九日乃寒五日變爲五色元黃

碧海

絳河

東方朔十洲記曰東有碧海廣狹浩瀚與東海等水不鹹苦正作碧色王子年拾遺記曰絳河去

日南十萬里波如絳色多赤龍赤色魚肥美可食上仙得服之

粉水

錦流

盛弘之荆州記

曰筑陽縣西有粉水巴郡亦有此水取水爲粉華陽國志曰成都道西城故錦宮也錦濯江中則鮮明

八水

三川

戴延之西征記關內入水一涇二渭三霸四滻五滂六瀆七澧八瀉一涇二渭三霸

伊曰三川九河

八海

尚書曰九河既道孔安國注曰河水分爲九道平原以是也

令內傳曰須彌山東南有山曰莫崙在八海內

三江

五湖

尚書曰三江既

周禮曰揚州之浸曰五湖

增六時

百脉

上見前水一縣故城以百泉俱出故

名百脉水

千秋

三泖

上見前水一

松江府大泖長泖

四德

八諫

顧彛子與子華游于東池于華曰水有四德仁義

趙括之將入諫於軍中而括不從因自刎

聖水

上見前水一

唐傳李

水上其水在潞安入諫山之下

帝漿

聖水

德裕鎮浙西浮屠詭言

若聖水也肉當如故須臾肉爛妖尋敗露

聖水

惑人德裕命市中置釜取水煮猪肉曰

龍吟

雞浴

肇慶府開建縣有唐狀元莫宣卿讀書堂水流清

響人呼為龍吟水廉州府石康縣有金雞水相

雞浴

響人呼為龍吟水廉州府石康縣有金雞水相

藻渙

狀

左傳有酒如澠陳琳云

游唯渙者學藻績之絲

傳金雞

酒澗

藻渙

狀

左傳有酒如澠陳琳云

游唯渙者學藻績之絲

吉

象巴

吉水狀若吉字

修仁

旌信

曲江有修仁水齊范雲為

太守酌而賦曰且飲修仁水

舞渝

卜筮

渝水出

巴縣皆

劉孝標絕交論指白水而旌信

實人善舞漢高詔樂府習之世稱巴渝舞

卜筮

渝水出

巴縣皆

實人善舞漢高詔樂府習之世稱巴渝舞

四川廣安州其年豐水紋宛成篆籀土人以卜歲

流桑

承瓠

九江口有桑落洲昔江水漲流一桑樹於此瀟水盛以金鐵器皆漏惟瓠葉不漏

地部

州監領百卷三十

水總載

古



見博物志

止淫

流恨

上見水二

杜詩

民狎

人輕

人輕見前傳

一滿水

**原**利萬物

成百事

上見老子

文子曰水之

道也大不可極深不可測萬

君子觀

小人溺

孫卿

物不得生百事不得成

孔子觀於東流之水子貢問曰君子見大水必觀焉何

也孔子曰夫水偏與諸生而無為也似德其流也卑下

居句必循其理似義浩浩乎不居似有道其延萬仞之

谷不懼似勇主量必平似法盈不求槩似正綽約微達

似察以出以入就繁似善發源必東似志是以君子見

大水必觀焉禮記曰小人溺於水君子溺於口夫水

近於人而

易以溺人

澡孝水

酌貪泉

河南王勃滕王閣序酌貪泉而

曾孫詠鍾山八功德水

波負娘

浪妬女

山東魚臺

曰數斛俱廚替八珍

浪妬女

有谷亭水

山西平

其波洶湧昔有孝子負母以渡名曰負娘河

浪妬女

有谷亭水

山西平

定州有澤發水婦人靚妝過此必發波浪故又名妬女

覺爽

飲上池

釀下筭

史記長桑君出懷中藥與扁鵲飲以上池之水

白樂天詩勞

將下筭忘憂物寄與江城愛酒

易牙嘗

德裕辨

潘

翁下水筭溪水釀酒最美在湖州

**原**積成江海

上為雨露

桓寬鹽鐵論曰水積而成江海

臭過椒蘭

利穿金石

列子曰禹治水土迷之一國無風雨霧露不生鳥獸山名壺嶺頂有口若圓環名曰

滋穴有水湧出名曰神瀆臭過椒蘭味過醪醴淮南

然利穿金石

浮天載地

懷山襄陵

並詳

清濟濁

河元灞素漑

袁宏北征賦曰其南也則有洪川巨瀆黃

水濁河潘岳西征賦曰北

竊壤以堙

積灰而止

有清渭濁涇西有元灞素漑

親而不尊

狎而不翫

地部

水總載

水總載

禮記曰水之於人也親而不尊左傳鄭子產謂子太叔曰水懦弱民狎而翫之則多死焉至柔

之性善利之功增方玉圓珠浮金沈羽上見前

杜陽編云滄州山下有澄綠水投金石不沒廣志弱水在夫餘北其流不能勝一毛羽祕省極

佳濠梁最樂茶錄唐祕省中有水極佳號祕水鳳

魚樂處汀南關西貢東章北水皆東南流惟汀水南流

丁於文爲汀漢張鸞言于關水皆西北此二水合爲頰水誰

把相思可憐無定鄭州東有相思水唐令狐楚題壁

來多圖水在安寨縣一名無定河唐梅銷封侯

詩可憐無定河邊骨猶是深閨夢裏人龍澄獲印封侯水源在南康以梅銷列營水濱封侯故

上帝授禹治水治後藏大川可尊請身填慈能

亟投元處澄如其言後登上第

氣禁

漢書王尊爲河東守河水泛濫尊祭水請以身填金隄水勢稍退魏左慈能以氣禁水詳水二

畫扇投席

出白覆籠

吳猛遇至人授神方以羽扇畫水而渡投席事見前水二

走

伊尹母夢神告曰白出水而東走明日果然覆籠事見前水二

李冰壓怪

王商

止訛

秦李冰爲蜀守以岷江爲四瀆之首水時爲患乃作三石牛以壓水怪漢建始中訛言大水至王

不信

子瞻符取

鴻漸杓揚

蘇軾愛玉女洞水破竹爲符使寺僧藏其一以

爲往來之信謂之

揚水曰

唐李季卿遇陸鴻漸取南泠水試茶陸以

時平乃清

風起輒動

吳儆水賦新豐則時平乃清臨

城自標井地掘得漢潁陽侯灌嬰故井遇江中風浪起此井水輒動

原冠五行之始

居六府之先

洪範五行一曰水六府水火金木土穀

融而爲川瀆

流

而爲江海

通爲川塞爲淵

氣之導水之鍾

李蕭遠云水通

之斯爲川塞之斯爲淵 國語云古之長民者不防川不竇澤川氣之導也澤水之鍾也

### 水總載四

**增**象罔得珠

黃帝遊於赤水北登崑崙之丘遺其元珠使督索之而勿得離朱索之而勿得縈溝

索之而不得也乃使象罔得之 黃帝曰象罔乃可以得珠乎哉

**原**朝宗

汙彼流水行

險

易曰行險而

澹

禮記君子之交澹如水小人之交

如醴君子澹以成小人甘以壞

明水

司烜氏取

禁川游

周禮禁川游備溺也

禁沈澤

雍氏禁沈澤謂

毒水

飲

論語飯蔬

**增**楚望

左傳江漢沮漳楚之望也

臺駘障

澤

左傳金天氏有裔子昧爲元冥師生允格臺駘臺駘能世其官宣汾洮障大澤帝用嘉之封諸汾川

**原**流惡

左傳有汾澮以流其惡

沈氣

國語水

止水

莊子人莫

當監於

急

莊子曰呂梁之險懸水三千仞流沫三千里魚鼈不能進急之甚也

**增**萬

折必東

荀子夫水其萬折也必東

**原**成淵

孫卿子曰積水成淵吞舟之魚生焉

**增**

康浪白石

寧戚歌康浪之水白石

解裘涉溜者

戰國策曰

田單為齊相過淄水有老人涉淄不能行坐沙中單乃解裘於淄水之上

懸釜

韓魏圍晉陽決晉水

以澀之城巢居懸釜而炊

巢樹

漢書古今注光武六年大雨

**原**感

姜詩至孝有泉化出味如江水以養其母

綠波

文選春水綠波

**增**橫塘查

下

晉都建業治秦淮築堤謂之橫塘吳都賦所謂橫塘查下樓臺之盛天下莫比

地鏡

宋文帝元

嘉二十五年青州城南遠望見地中如水有影謂之地鏡

水牒

謝莊詩山經巫旋覽水牒倦數尋

絹一疋水二石

蘇容評距王猛賣水與軍人因此眾亂見水二

投金瀨

唐孟郊調

溧陽尉縣有投金瀨郊日坐水傍徘徊賦詩

東西瀨

杜詩瀨東瀨西一萬家

七種

水說

陸龜蒙張又新為水說七種其二惠山泉三虎丘井云

洪州瀑第八

宋歐

陽修論水以洪州瀑布爲第八

青衣江畔

青衣水在眉州青神縣蘇軾詩想見青衣江畔路白

魚紫筍不論錢

清湘欸乃聲

長沙志涉千里聞漁父吟如相和其聲清遠所謂汲清湘燃楚

竹欸乃一聲

辰酉二水

辰在辰州府沅陵縣圖經云以方位而名也

**原**

山川動色

谷無以盈

**增**神水

金門歲節記午日午時有雨則急斫一竿竹竹

湧出竭將恐竭

救水長水石

聞見後錄曰瀉鶴能救水故水宿物

節中必有神水海取以獲肝爲丸治疾莫能害鷓有長水石故龍泉中畜魚水不涸也

水總載五

**原**詩

梁孝元帝登隄望水詩曰驅馬河隄上非謂城隅

遊懷山殊未已徒然勞九愁旅泊依邨樹江槎擁戍樓

高岸翻成浦曲港反通舟棗野良知歎瓠河今可儔願

假宣尼術泗水却橫流 梁劉孝綽太子沃落日望水  
詩曰川平落日迥落照滿川張復在淪波地派別引沮  
漳耿耿流長脉熠熠動輕光寒鳥逐槎汎驚鶻拂浪翔  
臨流自多美况此還故鄉榜人夜理楫懼女闇成裝欲  
待春江曙爭塗向洛陽 後梁沈君攸賦得臨水詩曰  
開筵臨桂水攜手望桃源花落圓文出風急細流翻光  
浮動岸影浪息累沙痕滄波自可悅濯纓何用論 陳  
釋慧標詠水詩曰曾添疎勒井經涌貳師營玉津花色  
亮銀溪錦磧明舟如空裏汎人似鏡中行持將符上善  
利得動高情 祖孫登詠水詩曰驪泉紫闕映珠浦碧



沙沈岸澗蓮香遠池清雲影深風潭如拂鏡山溜似調  
琴請君看皎潔知有澹然心 又蓮調詩曰長川照落  
日深浦漾清風弱柳垂江翠新蓮夾岸紅船行疑泛迥  
月映似沈空願逐琴高戲乘魚入浪中 隋李巨仁賦  
得方塘含白水詩曰白水溢方塘森森素波揚疊浪搖  
鳧影漣漪寫雁行長堤柳色翠夾岸荇花黃觀魚自有  
樂何必在濠梁 孔德紹王澤嶺遭洪水詩曰地籟風  
聲急天津雲色愁悠然百川滿俄爾萬頃浮還似金堤  
溢翻如碧海流驚濤遙起鷺迴岸不分牛徒知懷趙景  
終是倦陽侯木梗誠無託蘆灰豈暇求思得乘槎便蕭

然河漢遊

張文琮詠水詩曰標名資上善流派表靈

長地圖羅四瀆天文載五潢方流含玉潤圓折動珠光  
獨有蒙園吏棲偃玩濠梁

**增**

唐張九齡湖口望廬山

瀑布水詩曰萬丈紅泉落迢迢半紫氛奔流下雜樹灑  
落出重雲日照虹霓似天清風雨聞靈山多秀色空水

共氤氳

唐儲光羲詠山泉詩曰山中有流水借問不

知名映地爲天色飛空作雨聲轉來深澗滿分出小池  
平恬澹無人見年年長自清

唐杜甫春水詩曰三月

桃花浪江流復舊痕朝來沒沙岸碧色動柴門接縷垂  
芳餌連筒灌小園已添無數鳥爭浴便相喧

唐司空

曙望水詩曰高原晴見水楚色藹相和野極空如雪天  
遙不辨波永無人跡到獨有鳥聲過况在蒼茫外殘陽  
照更多 唐薛逢大水詩曰暴雨隨驚雷從風忽驟來  
浪驅三島至江拆二儀開勢恐圓樞折聲疑厚軸摧冥  
心問元化天眼幾時回 唐馬戴遠水詩曰蕩漾空沙  
際虛明入遠天秋光照不極鳥影去無邊勢引長雲斷  
波凝片雪連汀洲杳難到萬古覆蒼煙 唐鄭谷西蜀  
淨衆寺題水詩曰竹院松廊分數派不空清泚亦逶迤  
落花相逐向何處幽鳥獨來無限時洗鉢老僧臨岸久  
釣魚閑客卷綸遲晚晴一片連莎綠悔與滄浪舊有期

唐羅鄴流水詩曰漾漾悠悠幾派分中浮短艇與鷗  
羣天街帶雨含芳草玉洞飄花下白雲靜稱一竿持處  
見忽愁孤館覺來聞隋家柳畔偏堪恨東渡長淮日又  
曛 宋謝翱觀水詩曰積陰生壑雨野水學江流對屋  
見燈火相望南渡頭浮槎到高樹白黿起滄洲變怪若  
不測神功安能尤稍退見涯涘及來痕沫收崩濤出白  
石隱隱如博投水楊洗荒根素髮生古愁見此倏若化  
故流還膠舟荒源不可詰欲盡山雲求 宋張耒漣水  
詩曰孤舟逆水上野靜聞水聲鷗飛不遠水寒浪濺霜  
翎夜氣岸兼木夕光潭照星長吟弄雙槩知有魚龍驚

又泊舟候水詩曰一水悠悠斷復連卸帆終日小灘  
前青旂招飲篙工醉五兩欵風賈客眠樹色遠分芳草  
路鳥行斜斷夕陽天漁舟慣伴危檣宿饋我霜鱗不用  
錢 宋王禹偁別丹水詩曰曾經瀾漫濯吾纓忍別潺  
湲月夜聲便入紅塵染詩思吟魂猶合數年清 宋范  
成大漸水詩曰黃河日夜向南風道出封丘處處逢紫  
蓋黃旗在湖海故應河伯欲朝宗 明高啓隴頭水詩  
曰人間何處無流水偏到隴頭愁入耳夜雜羌歌明月  
中秋驚漢夢空山裏隴坂崎嶇九迴折聲隨到處長鳴  
咽欲照愁顏畏水渾前軍曾洗金創血回頭千里是長

安征人淚枯流不乾  
明李東陽橫塘春水詩曰君家  
住在橫塘北長見洲邊春水生窈窕斜通山澗曲分明  
直與釣磯平比隣鶯鳴應無數近渚鳧鷖亦有情明日  
看花到南岸小舟搖蕩不須撐

**原賦**魏文帝臨渦賦曰建安八年經東國遵渦水相佯  
乎樹下駐馬舒鞭作臨渦之賦曰蔭高樹兮臨曲渦微  
風起兮水增波魚頡頏兮鳥透迤雌雄鳴兮聲相和萍  
藻生兮散莖柯春水繁兮發丹華 晉左九嬪涪漚賦  
曰覽庶類之肇化何涪漚之獨靈稟陰精以運景因落  
雨而結形不係根於獨立故假物以資生體珠光之皎

皎若凝霜之初成色鮮熠以熒熒似融露之將溽亡不  
長消存不久寄其成不欲難其敗亦以易也 東晉王  
彪之水賦曰寂閑居以遠詠託上善以寄言誠有無而  
大觀鑒希微於清泉泉清恬以夷澹體居有而用元渾  
無心以動寂不凝滯於方圓湛幽邃以納汙泯虛柔以  
勝堅或滋浪於無外或織入於無間故能委輸而作四  
海決導而流百川承液而生雲雨涌凝而爲甘泉 **增**  
唐梁洽水德賦曰大哉乎茲水獨靈長以利貞分位象  
於八卦得柔謙於五行混之不濁流之不盈蓄恬澹以  
凝潤含虛無而洞清其近窺也若冰鮮而玉潔映曙空

而內澈其遙視也如雨罷而日晶澄遠氣於初晴德之  
深與上善而均美讓之大居下流而不爭處地爲泉源  
江漢朝宗之義立在天爲霧露陰陽燮理之功成辨涇  
渭於九流雖衆不雜察蚩妍於萬象在隱皆明 又水  
彰五色賦曰原夫被物如濡霑頰載渥狀暮山而翠疊  
法朝景而霞駁遠同墨氏類素絲之屢遷尚想蜀江嘉  
貝錦之斯濯飾袞衣而煥爛成繡服之葳蕤何采章之  
不昧由浸潤之所資漸以化成能令素以爲絢期於敷  
演孰謂湟而不緇不假濯於滄浪寧同資於碧海凝瑞  
霞之炫燿發慶雲之光彩寫補天之績鍊石之資必該



圖應聖之祥威鳳之儀咸在

呂溫鑒止水賦曰若乃

廻塘月皎高岸環合泥滓湛而自沈金沙爛其不雜同  
道德以虛而受異川澤唯汙是納有斐君子此焉明徵  
氣隨浪息心與源澄端形赴影如木從繩其表微也挂  
金鏡而當晝其索隱也隔玉壺而見冰爾其色必洞澈  
光無滉養不蒸翳鬱之氣不激潺湲之響百丈在目千  
仞指掌惡每自乎中見美實非乎外獎鑒形之始方似  
以身觀身得意之間乃同求象忘象觀其下列星漢上  
披煙雲守其常而性將道合居其所而物以羣分君鑒  
之以平心臨下必簡臣鑒之以勵節在邦必聞妍媸無

形兮惟人所召物我兼進兮水無不照廉士以之洗心  
至人以之觀妙 劉清止水賦曰若乃湖稱青草澤若  
雲夢淺深濛濛表裏寒洞當朱陽之夏晚遇白露之秋  
仲紫關之鴻鴈飛來綠浦之蓮舟風送既能止而利物  
所以歸之者衆亦有鳳凰之沼明月之潭每澄流於庭  
院常下注於東南蒙寮窠之玩洽渾琴酌而相參以遊  
以賞如液如涵若英賢之取則類貞咸之是湛屈夫玉  
宇初晴風颺載寢籠碧天而似鏡展紅霞而若錦納衆  
影而不遺比羣情而特甚用使至人觀之而心察智者  
樂之而情審達士愛而欲臨高節聞而願飲 楊炯浮

漚賦曰若乃空濛采褰浩汗浮天流平舊沼派溢新泉  
分容對出吐映均鮮觸流萍而欲散礙浮芥而還連光  
陵虛而半動影倒水而分圓始參差而別趣終宛轉以  
同浴歷亂踟躕漂沸縈紆細而察之若美人臨鏡開寶  
靨大而望也若馮彝剖蚌列明珠逐風波而澹泊乃變  
化而須臾迹均顯晦妙合虛無同至人之體道亦隨時  
而不拘 錢起尺波賦曰激灑駭水淪淪始波引分寸  
之餘風從一勺激尋常之內無爽盈科勢將全湧迹異  
盤渦蹙跬步以無數蕩分陰而自多觀其日色遙臨風  
生未已圓規可驗疑沈璧之舊痕前後相侔若浮書而

競起跡疊相近萍縈有餘促漣漪之散漫擁跳沫以虛  
徐流脉中移類蠖影求伸之際浮光上透若雪華呈瑞  
之初

**原**

贊晉顧愷之水贊曰湛湛若凝開神以質乘風擅瀾

妙齊得一

晉庾肅之水贊曰湛湛涵淥清瀾澄澹妙

質柔明雲深液潤

晉殷仲堪水贊曰大象無形氣以

分麤澹澹中津質有雖虛清瀾可瀨明激弗渝孰能懷  
之汎然靡拘 晉孔寧子水贊曰澄鑒無虛積之成川  
湍飛瑩谷激石冷然 晉郭璞釋水贊曰川瀆綺錯渙  
瀾流帶潛潤旁通經縈華外殊出同歸混之東會 又

弱水贊曰弱出崑山鴻毛是沈北淪流沙南映火林惟  
水之奇莫測其深 戴逵水贊曰水德淡中泉元內鏡  
至柔好卑和協道性止鑒標貴上善與詠爰有幽人擁  
輪來映

淵鑑類函卷三十

淵鑑類函卷三十一

地部九

泉  
冰

温泉

泉一

**原**爾雅曰泉一見一否爲灑濫泉正出正出湧出也沃泉懸出懸下出也沆泉仄出仄出旁出也 又曰水源

曰泉泉所出同所歸異曰肥異出同流曰灑 周易曰

山下出泉 又曰井冽寒泉 毛詩曰有灌者泉

**增**

又曰我思肥泉 **原**禮記曰天不愛其道地不愛其實人不愛其情是以地出醴泉 **增**齊記曰齊地泉中或

出瓦上有天齊字晏子曰吾聞江深五里海深十里此

泉乃與天齊也 漢書云赤雁歌象載瑜白集西食甘

露飲榮泉注榮泉言泉有光華 **原**應劭漢官儀曰酒

泉城下有金泉泉味如酒故曰酒泉 **增**三輔舊事曰

昔有犢失母哀鳴甚苦地爲發泉因名鳴犢泉今天旱

祭之降雨在馮翊 **原**白虎通曰醴泉者美泉也狀如

醴酒可以養老 十洲記曰瀛洲有玉膏山出泉如酒

味名爲玉酒 淮南子曰崑崙四水者帝之神泉以和

百藥以潤萬物 **增**抱朴子曰崑崙及蓬萊其上鳥獸

飲玉泉皆長生不死 輿地記云諸葛泉在鶴慶府南

武侯駐師之地出泉均爲二流昔人有欲兼利之者引

而爲一至雞鳴其水復分 寰宇記曰潯陽縣落星山  
澗有五松橋昔惠遠法師與殷仲堪席間談易於此而  
樹下泉湧號聰明泉 謝靈運山居賦曰飄丹砂於紅  
泉又題華子岡銅陵映碧澗石磴瀉紅泉 宋孝武赦  
詔曰思散太極之泉以福無方之外

**原**宣城記曰臨

城縣南四十里有蓋山百許步有舒姑泉昔有舒女與  
其父析薪於此泉女因坐牽挽不動乃還告家比還唯  
見清泉湛然女母曰吾女好音樂乃作絃歌泉涌洄流  
有朱鯉一雙今人作樂嬉戲泉故湧出

**增**湘山野錄

曰齊州城西有金線泉池心南北有金線一道微起水



面或以杖亂之線輒不見水止如故 潯陽記曰雞籠

山下朝夕有泉溢出如潮水時刻不差號爲潮泉

**原**

盛弘之荊州記曰夷道縣句將山下有三泉傳云本無此泉居者苦遠汲人人多賣水與之有一女子孤貧繼縷無以貿易有一乞人衣麤貌醜瘡痍竟體邨人見之無不穢惡唯女子獨加哀矜割飯飴之乞人食畢曰我感姬行善欲思相報爲何所須女答曰何恩可報且今所須之物非君能得固問所須女子曰正願此山下有水可汲乞人乃取腰間書刀刺山下三處即飛泉湧出因便辭去忽然不見

**增**

西吳記曰金沙泉在顧渚山

碧泉湧沙粲如金星唐學士毛文錫有記唐貢泉用二  
銀瓶 張君房脞說曰湖州長興縣啄木嶺金沙泉每  
歲造茶之所居常無水湖常二郡守至境具牲祭泉其  
夕清溢造御茶畢其水即微減太守造畢即涸 桑喬  
山疏云谷廉泉在康王谷中王元之序云泉爲石崖所  
東班布如瓊簾懸注三百五十丈 唐陸羽品泉以廬

山谷簾泉爲第一慧山泉居第二 水記云劉伯藹以

揚子江水爲第一李秀卿以揚子江南零水爲第七

又曰濟南名泉七十二以趵突爲上

趵音豹

**原**廣志曰

新城縣有冷泉泉冷如冰在湖縣有鹽泉煮則爲鹽有

醴泉用之愈疾

**增**夢溪筆談曰信州鉛山縣有苦泉

流以爲澗挹其水熬之則成膽礬烹膽礬則成銅水能

爲銅物之變化

桂海虞衡志云古辣泉乃賓橫間民

以墟中泉釀酒既熟不煮但埋土中日足取出色淺紅

味甘而致遠暴日中而不壞

酉陽雜俎曰珠崖一州

其地無泉民不作井皆仰樹汁爲用

地理志曰西受

降城北三百里有鸛鵲泉

又曰坊州中部州郭無水

東北七里有上善泉

**原**括地圖曰負丘之山上有赤

泉飲之不老神宮有英泉飲之眠三百歲乃覺不知死

**增**

又曰凡天下之泉三億三萬三千五百一十有九

其在遐荒絕域殆不得而知

泉二

**增**三輔舊事曰姜泉在岐山縣酈道元注水經云炎帝長於姜水即此 遁甲開山圖榮氏解曰女狄暮沒石紐山下泉水中得月精如雞子愛而含之不覺而吞遂有娠十四月生夏禹 **原**呂氏春秋曰太公釣於滋泉

論語撰考識曰水名盜泉仲尼不漱

**增**荊州記曰

城東北三百步有孔子泉其水甘馨雖帝漿無以過也 酉陽雜俎曰華不注泉齊頃公取水處方圓百餘步 北齊時有人以繩千尺沈石試之不窮 春秋定公元

年晉魏獻子合諸侯之大夫于翟泉將以城成周 漢志曰漢高帝入彭城爲楚所困漢兵渴乏帝以劍插地拔即泉涌出至今水不溢旱不枯土人呼爲龍湫 金周義記曰韓信將下趙聞陳餘不用李左車之計引兵出井隘口師患無井筮之得蒙知山下有泉遣胡將索之見二白鹿觸地有泉湧出后人於泉左立胡王祠祀之 梁州異物志云漢貳師將軍李廣利伐大宛還士衆渴乏廣乃引佩刀刺山飛泉湧出三軍賴以獲濟

**原**東觀漢記曰耿恭爲校尉居疎勒匈奴來攻城中穿井十五丈無水恭曰聞貳師將軍拔佩刀刺一作山而

飛泉出今漢德神靈豈有窮乎乃正衣冠向井拜有頃  
井泉噴出 又曰光武中元元年上幸長安祠長陵還  
洛陽宮是時醴泉出於京師郡國有醴泉者痼疾皆愈  
獨眇蹇者不瘥

**增**

水經注曰若耶溪東有寒溪溪北

有鄭公泉泉深數丈冬溫夏涼漢太尉鄭公弘宿居潭  
側因以名泉

**原**

晉安帝紀曰吳隱之性廉爲廣州刺

史界有一水謂之貪泉古老云飲此水者廉士皆貪隱  
之始踐境先至水所酌而飲之因賦詩以言志曰若使  
夷齊飲終當不易心清操逾厲

**增**

宋書曰王彭盱眙

人少喪母元嘉初父又亡家貧力弱營葬鄉人助作甗

甄須得水天旱穿井數十丈無水一旦甄竈前忽生泉用之事畢復竭助者嗟歎元嘉中改其里爲通靈里

隋書曰豆盧勣隋初拜渭州刺史甚有惠政烏鼠山俗呼爲高武隴絕壁千尋由來乏水諸羗苦之勣馬足所踐忽飛泉湧出百姓因號其泉曰玉漿唐孝友傳曰

宋思禮蕭縣簿會大旱井池涸母羸疾非泉水不適口思禮憂懼具禱忽有泉出諸庭味甘寒日不乏汲縣人異之玉海曰雍熙二年五月癸酉鳳翔府言岐山縣

周公廟有泉忽湧出耆舊相傳時平則流世亂則竭唐安史之亂竭至大中年復流號德潤泉自後又涸今忽

又湧澄甘異常因圖之以進晏殊爲贊曰隱顯以時靈符孔彰 輿地記曰范仲淹知青州有惠政溪側忽湧醴泉遂以范公名之今醫家汲此丸藥號青州白丸子 滁通判呂元中記曰歐陽公旣得釀泉一日會客有以新茶獻者公敕汲泉瀹之汲者道仆覆水僞汲他泉代公知其非釀泉詰之乃得一泉於幽谷山下因名豐樂泉 輿地記曰惠通泉在瓊州府城東三山庵之下蘇軾過此品泉曰味類惠山因名 又曰澹庵泉在臨高縣宋胡澹庵謫崖時過此遇旱覓得之泉甘且冽 又曰宋元符間鄒浩謫居平樂所居嶺下忽有泉湧出



因名感應銘之曰有穹其山有澄其淵動惟厥時以出  
斯泉沛然莫遏其源我感我應其來自天及將北歸數  
日泉乃涸 統志云度軍泉在揚州府如臯治西地名  
聖井欄泉雖淺而不竭擊其欄則大溢出昔岳飛經略  
通泰領兵過此數千人飲之泉亦如故因名爲度軍井  
元淮南王聞其異取欄置庭中 明初金華宋濂敘錢  
塘虎跑泉云唐元和十四年性空大師栖禪其中尋以  
無水將他之忽神人跪告云自師駐錫我等徼惠柰何  
棄去南岳有童子泉當遣二童移來翼日乃見二虎跑  
山出泉甘冽勝常師因留乃建寺于此客欲觀泉者僧

爲舉楚唄泉即感沸而出若聯珠然

泉三

**原莫浚**

**載清**

詩莫浚匪泉  
彼泉水載濁載清

又相

**藏珠**

**漱玉**

珠藏

於泉

文選  
飛泉漱鳴玉

**穿石**

**流淇**

太山之溜穿石  
流于淇

詩

**蟻**

**躍**

**馬踐**

文選  
黑蟻躍重石下見泉二

**吐溜**

**湧湍**

文選  
泉涓涓而吐溜又

湧湍於石澗

**增龍迴**

**鳳躍**

蘭州龍泉其文迴作蛟龍狀  
郿縣鳳泉人取療疾泉躍

時清則愈濁無驗

**鹿觸**

**虎跑**

並見泉二

**霹靂**

**參斗**

大庾嶺有霹靂

泉因禱致雷雨泉湧於竇  
州有參斗泉相傳參斗二星

湖廣均

**明月**

**白雲**

吳洞

庭山縹緲

峰下有泉唐天祐中刺史曹珪以明月  
名之白雲泉在吳縣天平山白樂天題絕句

**白**

**道**

**紅泥**

水經注長城白道嶺土穴出泉即古詩飲馬  
長城窟處臨洮府蘭縣有紅泥泉出阜蘭

地部

淵鑑類函卷三十一

泉

七

山之谷簾石白谷簾泉在南康府詳見前圖經

君子老翁宋孟震亨為黃州通判時稱君子庭有泉東坡因名之黃庭堅詩雲夢澤邊君

子泉水無名字托人賢蘇明允嘉祐集云月夜見一老翁偃息泉上就之則隱入于泉因梵石建亭而為老

翁泉一人七賢金陵鍾山有泉僅容一杓挹之不

山陽西社有七賢喜客惠民滁州劍菱山有泉客

泉指竹林七賢也刺山拜井並見泉二隱劍擲

北門外有泉名惠民槍蜀五丁開山有劍隱在路旁忽生一泉遂名隱劍

菩薩羅漢東坡序寒溪西山寺有泉白而甘號菩薩

故撫掌定心撫掌見前喜客泉注定心泉在粵

忽見老人指石曰但定其卓錫投金唐僧盧能自

心何慮無泉因繫石得水黃梅縣傳衣

鉢往曹溪五百僧追奪之至大庾嶺渴甚能以錫卓石  
泉湧清甘衆駭而退遂名卓錫泉 涪州久視山下出

澄綠泉投之金 跳五眼 發百脉 漢志蘭州五泉水  
石終不沉沒 在卑蘭山下泉有

五眼躍湧 宋曾鞏云歷下諸泉皆盛陰 判雌雄  
伏流所發西則鈞突爲魁東則百脉爲魁

別男女 夔州多喜山有雌雄泉春夏左盈右竭秋冬左  
竭右盈 梧州陸川縣有泉二左男泉右女泉

性温冷 味甘酸 興縣有圓泉冷處極清温處極濁

雲都東慈陽觀內一泉間 杜康釀酒 陸羽試茶  
日甘酸甘日汲以釀酒至美 一升重二十三銖相傳杜

杜康泉在歷城 景陵縣西北有文學泉陸羽以此試茶  
康釀酒于此

常懷十九 近銘六一 泉在鞏昌府成縣杜詩近接

文忠自號六一居士杭州詩僧惠勤受知于公後公與  
僧俱遊勤弟子書六一公像并勤像而祀之有泉出講

堂下東坡守杭遂本勤意 穿巖越壑 落石縈莎 詩  
名曰六一泉因爲之銘

虛部 泉

唐宣宗微時以武宗忌避迹爲僧與黃藥禪師同觀瀑  
布泉師一聯云穿巖越壑不辭勞到底方知出處高宣  
宗續曰溪澗豈能留得住終歸大海作波濤 王介甫  
水簾泉詩淙淙萬音落石巔鄭谷石門山泉詩一脉清  
冷何所之紫萼  
漱薛入僧池

### 泉四

**原動**

禮冬至後五日水泉動

**湧**

王者德及地則醴泉湧

**感沸**

詩感沸檻泉感沸泉

出

**浸蘄薪**

有冽沈泉無浸蘄薪

**浸苞稂**

冽彼下泉浸彼苞稂

**增滌源**

書九川

**沈濫**

小泉也

**原濫觴**

宗詒江出岷山其源可以濫觴

**飲楚辭**

山中人兮飲石

**玉酒**

記洲

**挹**

謝靈運詩跋飛泉

**冽清**

元泉冽

**湧溜**

石泉湧溜於陰

**傷玉趾**

寒泉傷玉趾

**吸**

**微液**

吸飛泉之微液

**增虞泉**

目薄於虞泉是謂黃昏

**三泉**

漢書始皇慕銅三泉

言其深也

**原醴泉**

美泉也水之精也崑崙山有醴泉華池君乘土而王其政太平則醴泉出湧來

水而王其政和平則醴泉為漿堯之世德茂清平則醴泉出

夏后之時俊又在官醴泉出漢 **增** 流寶盃 江州有寶

宣帝二年醴泉流滂枯槁榮茂 **增** 開玉峽 飛出白玉龍

文泉流寶盃 **原** 玉漿 泉二 **增** 開玉峽 飛出白玉龍

隨憶溢城 **池** 開半月泉 西溪叢語曰李仲題法華山天衣寺詩

下雖月圓池 **太白浣筆** 泉在濟寧州東門外 **天澤**

上止見其半 **原** 白泉 瑞應圖曰泉色白

韓愈燕喜亭記泉之源曰 **增** 紫泉 紫泉漱珠 **丹泉** 餘杭大有

則澤谷之白泉出 **增** 紫泉 紫泉漱珠 **丹泉** 餘杭大有

飲之使人長壽 **增** 紫泉 紫泉漱珠 **丹泉** 餘杭大有

丹泉其源自天柱而下殷殷若雷聲至大漣洞西乃出

有方池緒焉天字清明則有赤光四旁苔蘚皆紫暈

**碧泉** 湘潭西南有碧泉唐天寶中泉忽湧出色如

地部 拖藍投物其色皆碧宋胡安國建碧泉書院

黑泉

在灣甸樂葵州水漲時飛鳥過蟬墜以拭盪盂人食立死

五色泉

江西南昌縣淨慧院

有泉五色

石泉槐火一時新

東坡記略僕在黃州夢與參寥子賦詩有寒食

清明都過了

石泉槐火一時新之句後七年守錢塘而

參寥子卜居智果院有泉甘冷宜茶寒食之明日自孤

山謁參寥汲泉鑽火烹之而所

夢兆于七年之前因名參寥泉

苦竹寺有竹泉宋至和初有僧浚井得一筆後黃庭堅

謫黜過此視筆曰此吾蝦蟇墓培所墜也

墓培

題東西楹

衡州府北甘泉寺有萊公泉當寇之南遷也題於東楹曰平仲酌泉經此

相望北闕黜然而去未幾丁謂過此

知時盈涸

望道州

門內有知時泉夏至則盈秋分

誰家女何處僧

方輿勝覽

昔有僧夜坐忽一女子過之僧叱之曰窻外誰家女此

女即應曰堂中何處僧僧起逐之女投入地掘之得泉

因名幽瀾泉在浙

蘆花泉

在楚之咸寧白望山下昔有白衣男子告邑人禱雨

西嘉善東景德寺

處指蘆花  
為識即此

梅花泉

錢塘有泉湧地作梅  
花澗若可掇拾云

咄泉

寰宇  
記安

豐軍咄泉在淨戒寺北人至泉  
旁大呼則大湧小呼則小湧

**原**水本

水源

泉五

**增**

唐劉長卿一公新泉詩曰東林一泉出復與遠公

期淺石春流處空山暮落時夢間歸細響慮澹對清漪

動靜皆無意唯應道者知 李端山下泉詩曰碧水映

丹霞濺濺露淺沙暗通山下草流出洞中花素色和雲

落寒聲遶石斜明朝更尋去應到阮郎家 姚合僧院

引泉詩曰泉眼高千丈山僧取得歸架空橫竹引鑿石

透渠飛洗藥溪流濁澆花雨力微朝昏長遠看護惜似

地部

增

泉



傳衣 章孝標方山寺松下泉詩曰石脉綻寒光松花

噴曉霜注瓶雲母滑漱齒茯苓香野客偷煎茗山僧惜  
淨牀三禪不要問孤月在中央 曹松商山夜聞泉詩  
曰瀉月聲不斷坐來心益閒無人知落處萬木冷空山  
遠憶雲容外幽疑石縫間那辭通曙聽明日度藍關

鄭谷石門山泉詩曰一脉清泠何所之縈沙漱蘚入僧  
池雲邊野客窮來處石上寒猿見落時聚沫遶槎殘雪  
在迸流穿樹墜花隨煙春雨晚間吟去不復遠尋皇子  
陂 皇甫曾山下泉詩曰漾漾帶山光澄澄倒林影那  
知石上喧却益山中靜 宋朱文公詠泉詩曰一水從

中來蕩滴如九折倏至走長蛇捷來翻素雪 曾鞏金

線泉詩曰玉甃常浮潏氣鮮金絲不定路南泉無風到底塵埃盡界破冰綃一片天 明王弼遊趵突泉詩曰

濟南歷下多白泉白沙幾處涵風煙郭西趵突更神異平地一朵白玉蓮浪花滾起千層雪此中疑是蛟龍穴靈藏歲久變妖怪精氣上湧成涎沫餘波散漫淵復渟溪風冷冽山雨青微霜初下雁秋浴落月漸低猿夜聽窮源我欲遡川陸舊誌虛傳自王屋冥茫難測造化情聊寄泉亭漱寒玉 高啓寒泉詩曰遠絡叢峰間平流盤石上月照欲成潭風吹不生浪聲兼寒葉下色映秋

苔漲野客照羸顏曾來倚筇杖 高棟山泉詩曰羣嶂  
橫秀氣飛流落雲中陰厓寫古雪月壑垂長虹洄注石  
鏡淨秋臨遙天空孤賞憶謝朓青山度松風 何景明  
玉泉詩曰行遊金口寺坐愛玉泉名雲去隨龍女風來  
動石鯨入宮朝太液穿苑象昆明却望天河水迢迢萬  
古情 鄒緝玉泉垂虹詩曰碧嶂雲巖噴玉泉平流寧  
似瀑流懸遙看素練明秋壑却訝晴虹飲碧川飛沫拂  
林空翠溼跳波濺石碎珠圓傳聞絕頂芙蓉殿猶記明  
昌避暑年 王履鏡泉詩曰微漣不動見容成忘却蟬  
鳴與鳥鳴忽有小風輕颭過暗移清影上巖屏

**原賦**晉傅咸神泉賦曰余所居庭前有湧泉在夏則冷涉冬則溫溫則水物冬生冷則冰可以過每夏遊之不知歲之有暑耳惟茲神泉厥理難原在冬則溫既夏而寒混混洋洋載清載瀾遂乃壇以文石樹之柳杞密葉雲覆重蔭蔽沍氣泠泠以含涼風肅肅而恒起于時朱明紀運旭日馳光鬱鬱隆暑赫赫太陽盪玉體於素波身淒焉而自清不知天時之有暑忽謂繁霜之墮庭逮至是秋既逝司寒騁節六合蕭條嚴風凜冽河洛輟流太陰凝結彼澄澄而含凍此灼灼而含熱綠竹猗猗荇藻青青是託斯茂是殖斯榮

**增**唐浩虛舟舒姑泉賦

淨色含虛清輝皎如煙凝泪以香起苔欄斑而錦舒浦  
水光搖似動橫波之末岸莎風靡如存鬢髮之餘想夫  
紈質已銷陰靈未謝濯衣彩於花晝洗鏡光於月夜冷  
泠不濁殊畫地而俄成滴滴無窮類拜井而潛化 吳  
鎬廬山雲液泉賦曰坤元孕氣潛暢成泉冠五行之首  
爲萬物之先爰有清泚出此山側處蒙險以難知猶井  
滌之不食我搜靈泌載披載登見其地僻至潔源深有  
恒凝寒不爲之損暑雨不爲之增乃考室以飲而樂在  
枕肱甘侔元玉之膏滴乃雲華之液疚可蠲生可益引  
充狎翫惟意所適懸之則素皎壅之則澄碧晝浮光以

悠揚夜含響以浙瀝

**增表**張說奏慶山醴泉表曰臣所部萬年縣令鄭國忠稱縣界六月十四日有慶山醴泉出其山平地湧拔周回數里列置三峰齊高百仞山見之日天青如雲異雷雨之遷徙非煙岬之騫震樹木隆崇巍然蔥鬱阡陌如舊草樹不移驗益地之祥圖知太乙之靈化山南又有醴泉三道引注三池分流接潤連山對浦各深丈餘廣百步味色甘潔特異常泉比僊醴於軒后均愈疾於漢代臣按孫氏瑞應圖曰慶山者德茂則生臣又按白虎通曰醴泉者義泉也可以養老常出於京師禮斗威儀

曰人君乘土而王其政太平則醴泉湧潛潭巴曰君臣和德道度叶中則醴泉出臣竊以山爲鎮國水實利人縣有萬年之名山得三仙之類此金堦景福寶祚昌圖邦固不移之基君永無疆之壽自永昌之後迄於茲辰地寶屢昇神山再聳未若連巖結慶並泌疏甘羣瑞同區二美齊舉高視今古曾無擬議信可以紀元立號薦廟登郊彰賁億齡愉衍萬宇

**增**銘唐魏徵九成宮醴泉銘曰上天之載無臭無聲萬類資始品物流形隨感變質應德效靈介焉如響赫赫明明雜還景福葳蕤繁祉雲氏龍宮龜圖鳳紀日含五

色烏呈三趾頌不輟工筆無停史上善降祥上智斯悅  
流謙潤下潺湲皎潔萍肯醴甘冰凝鏡澈用之日新挹  
之無竭道隨時泰慶與泉流我后夕惕雖休弗休居崇  
茅宇樂不般遊黃屋非貴天下爲憂

溫泉一

**原**博物志云凡水源有石流黃其泉則溫或云神人所  
煖主療人疾 水經注云漁陽郡北有溫泉 述征記  
曰東萊郡出溫泉 臨川記云臨川縣出溫泉 安成  
記云宜陽南鄉出溫泉 梁州記云漢水南出溫泉  
又漢水記曰漢水有溫泉方圓數十步冬夏常沸湧望



見白氣冲天能瘥百病 盛弘之荊州記曰新陽縣惠澤中有溫泉冬月未至數里遙望白氣浮蒸如煙上下采映狀若綺疏又有車輪雙轆形世傳昔有玉女乘車自投此泉今人時見女子姿儀光麗往來倏忽 又荊州記云銀山縣出溫泉耒陽縣出溫泉 潯陽記云雞籠山下出溫泉 吳郡錄曰始興有始興山山出溫泉 又曰零陵縣有溫泉 丹陽記曰江乘縣有湯山出溫泉三所可以淪雞 江乘地記曰縣東南三十五里有湯泉半冷半溫共同一壑謂之半湯泉 廣志曰溫泉西者在新豐北者在廣平有美泉出漑種出穀香美

在汲郡 幽明錄云艾縣輔山出溫冷二泉 博物志

云不周雲川之水温如湯凡諸溫泉咸能療疾遠近歸之

**增**

水經注曰溫水出太乙山其水沸湧如湯桂彥

達曰可治百病世清則病愈世濁則無驗 江乘地記

曰棗陽縣界有溫泉其下有田資以浸灌一年三熟

伏琛齊地記曰曲城東七里有溫水水如湯沸可療

百病煮物無不熟也 潛確類書曰漂水西南水温有

香氣亦名香泉昭明太子嘗浴于此 又曰招遠縣城

東二泉並出一寒一溫土人甃石爲池而注之名曰新

泉 又曰黃山東峰下有硃砂湯泉新可點茗春時即

色微紅 又曰沔池縣有溫泉水發山北平地方周止  
數十步泉源沸湧冬夏湯湯望之則白氣浩然能已百  
病赴集者常以百數 又曰澄城溫泉其源有三奇川  
鴻瀉西注於洛漢武時穿以合於龍首渠 又曰安寧  
州有溫泉色如碧玉可鑿毫髮 又曰藍田西南有地  
雪落即融唐時有異僧見之曰必溫泉也已而掘之果  
然凡病者浴之輒愈後有白魚之瑞神女屢降立玉女  
堂于泉側明皇賜名大興湯院

溫泉二

**原**辛氏三秦記云驪山湯舊說以三牲祭乃得入可以

去疾消病俗云秦始皇與神女遊而忤其旨神女唾之  
則生瘡始皇怖謝神女爲出溫泉而洗除後人因以爲  
驗 漢武帝故事云驪山湯初始皇砌石起宇至漢武  
帝又加修飾焉

**增**明皇雜錄曰天寶六載更溫泉曰

華清

地理志

上于華清宮新廣一湯制度宏麗安祿山於

范陽以白玉石爲魚龍鳧雁仍以石梁及石蓮花以獻

雕鐫巧妙殆非人工上大悅命陳於湯中仍以石梁橫  
亘湯上而蓮花纔出水際上因幸華清宮至其所解衣  
將入而魚龍鳧雁皆若奮鱗舉翼狀欲飛動上甚恐遽  
命撤去而蓮花今猶存又嘗於宮中置長湯一十六所

嬪御之類浴焉環回甃以文石為銀樓谷船及白香水船致于其中至檝棹皆飾以珠玉又於湯中壘琴瑟及沈香為山以狀瀛洲方丈唐史補曰安祿山入朝楊國忠兄弟姊妹延之新豐給玉石至湯泉將校皆賜浴

溫泉三

**原** 盪邪

流惡

魏都賦溫泉誌涌而自浪華清盪邪而將老惡穢也

溫泉

暖溜

水經曰溫泉即溫泉下見唐高宗詩

靈液

神泉

文選據神泉而吐溜

如沸

若湯

周景式廬山記曰主薄山在胡郎廟南山下有溫泉穴口周圍一丈涌出如湯沸冬

夏恒熱

梁州記云漢水南有溫泉周圍數千步冬夏沸湧若湯其熱可熟鷄子未至二十里便望見白氣衝

天 爛鳥

游魚

郭緣生續述征記曰東萊郡有溫泉恒沸鳥墜輒爛始興記曰靈水源

有溫泉涌溜如沸時有細赤魚出游莫有獲者

温谷

湯山

上見劉義恭詩下詳見前

愈疾

流穢

注袁山松宜都山川記曰銀山縣有溫泉注大溪夏纒煖冬則大熱上常有霧氣

百病久疾入此水多愈

潮泉

神井

張僧鑿詩陽記曰雞籠山下澗中有

數十處累石若有人功水常尺餘朝夕輒有湧泉溢出如潮水時刺不差朔望尤大號為潮泉常如沸湯下

見張衡賦序

蠲慝

攘寒

上見張衡賦半冷共同一壑張勳云冷水夏

濯可以清暑温水冬浴可以攘寒

湯雞

淪卵

常療華陽志曰斯史入南山洞温水穴冬

夏常熱其源可以湯雞脉下湯澡洗療宿疾王真洛都賦曰雞頭温水魯陽神泉不費自沸熱若焦然爛毛

鮮卵黃絹濯淪音藥

痊疴

保性

王真洛都賦曰痿瘵疴病浸之則痊功邁藥石魚著

不言張衡賦下

暄波

灼水

上見劉義恭詩注曰温湯水出漁陽郡北

山温溪即温源也廢疾者不能澡以其過灼故也

温濤

炎液

上見曹植遊

劉義恭詩

分寒水 會冰泉

零陵縣記云縣有溫泉泉中有伏石分流其陰清水常寒

其陽溫泉涌沸飛霧如煙雪霜無以敗其熱 劉義慶幽明錄曰艾縣輔山有溫冷二泉發源相去數尺熱泉

可煮雞豚冷泉常若冰雙流數丈而合俱會於一溪

濯日月

飛煙霧

上見張衡賦

下見前分

曾龍煖水

蟲疑冰

王建溫泉詩朝元門向山上起城繞青山

龍煖水

主介甫溫泉詩人游不附火蟲出亦疑冰

白礬微

丹砂沈

周王褒

銘白礬上徹丹砂下沈

薄虎鬚

狀魚目

秦少游湯泉賦薄爲虎鬚狀爲魚目

丹井火

鑑池蓮

俱見熊鼎浴溫泉詩

秦皇餘石

漢帝舊陶

俱見庾信牌

榆莢同流

桃花俱下

上見同

熒惑蒞上

燭龍隱中

俱見秦少游游湯泉賦

焦源沸水

湯谷揚濤

並見周王

褒碑

色如碧玉

煙似綺疏

見前溫泉一中

繡谷春融

金

波月滿

熊鼎浴溫泉詩云云

華清駐老

天寶遺蹤

上見周上

下見熊鼎

衡賦褒銘

秦游蘇詠

漢張衡有溫泉賦周玉褒作溫

浴溫泉詩

湯碑銘

宋秦少游賦遊湯泉蘇東坡有惠州湯泉詩

**原**合水火之德澤浸萬

人

倍藥石之功蠲除六疾

潔華清之流豈同禱洛

救痾癢之疾寧比浴沂

溫泉四

**原**湯泉

湯液

慈彼溫泉

湧於地脉

溫源愈出

靈液徐清

**增**神女唾

秦皇事見溫泉二

三牲祭

見同上

壯秦麗漢

宋劉義恭詩秦都壯溫泉漢京麗湯泉

**原**萃士女

見張衡溫泉賦

邁藥石

見上注王廙賦

**增**溫濤若焚

見曹植迷行賦

灑胃滯腸興

地部

洞鑿頁山卷三十一

溫泉



羸起瘠

見庚信温湯碑

煙青銅浦色白鉛溪

見同上

立玉女

堂

見前藍田温泉事

大興湯院

唐明皇賜名於藍田湯

半湯

即江乘縣半湯

泉見前

長湯

唐明皇於宮中別置長湯一十六所以供嬪御浴

供奉兩湯

專供

明皇及貴妃浴見鄭嵎津陽門詩注

蓮花湯

即華清宮中裝飾石蓮花於池上見前明皇雜錄

湯各別

王建宮詞宮前內裏湯各別

將校賜湯

見前唐史補

爨玉

池付一洗

見後朱熹温泉詩

此泉名不播

宋晁冲之詩不見汝海之南魯山左

亦有此泉名不播

說湯頭

征夫問路說湯頭見同上

瓦碧魚鱗合

階

青雁齒封

溜傾銀菡萏

波浸玉芙蓉

色流五雲

之漿

味結三危之露

非醴泉而消疾

過神水之

蠲痼

溫泉五

**原**詩宋劉義恭溫泉詩曰秦都壯溫谷漢京麗湯泉炎

德潛遠液暄波起茲源北齊劉逖浴溫湯詩曰驪岫

猶懷土新豐尚有家神井堪消癘溫泉足蕩邪紫苔生

石岸黃沫擁金沙振衣殊未已翻能停使車唐高宗

過溫湯詩曰溫渚停仙蹕豐郊駐曉旌路曲迴輪影巖

虛傳漏聲暖溜驚湍駛寒空碧霧輕林黃疎葉下野白

曙霜明眺聽良無已煙霞斷續生越王貞奉和過溫

湯詩曰鳳輦騰宸駕驪籞次乾遊坎德疏溫液山隈派

暖流寒氛空外擁蒸氣沼中浮林凋帷影散雲斂蓋陰

收霜郊暢元覽參差落景道 王德貞奉和過湯泉詩

曰握圖開萬寓屬聖啓千年驪阜疏緹騎驚鴻映彩旃

玉霜鳴鳳野金陣藻龍川祥煙聚危岫態水溢飛泉停

輿興睿覽還舉大風篇 楊思元奉和過溫湯詩曰豐

城觀漢迹溫谷幸秦餘地接幽王壘流分鄭國渠風威

肅文衛日彩鏡雕輿遠岫凝氛重寒叢對影疎迴瞻漢

章闕佳氣滿宸居 鄭義真奉和過溫湯詩曰洛川方

駐蹕豐野暫停鑿湯泉恒獨湧溫谷豈知寒漏鼓依巖

畔相風出樹端嶺煙遙聚草山月迥臨鞍日用誠多幸

天文遂仰觀 **唐**王建溫泉宮詩曰十月一日天子

來青繩御路無塵埃宮前內裏湯各別每箇白玉芙蓉  
開朝元門向山上起城繞青山龍暖水夜開金殿看星  
河宮女知更月明裏武王得仙王母去山雞晝鳴宮中  
樹溫泉泱泱出宮流宮使年年修玉樓禁兵去盡無射  
獵日西麋鹿登城頭梨園弟子偷曲譜頭白人間教歌  
舞 郭汭溫泉即事詩曰天仗星辰轉霜冬景氣和樹  
含溫液潤山入繚垣多丞相金錢賜平陽玉輦過接輿  
來自楚朝夕值行歌 又同崔貞外湯泉即事詩曰輦  
輅移雙闕宸遊整六師天迴紫微座日轉羽林旗霜氣  
寒戈戟軍容壯武貔弓鳴射雁處泉暖躍龍時惠化成

觀俗謳謠入賦詩同歡王道盛相與詠雍熙 宋朱熹

溫湯詩曰連山西南來中斷還崛起干霄幾千仞據地  
三百里飛峰上靈秀衆壑下清美逮茲勢力窮猶能出  
奇偉誰燃丹黃燄爨此玉池水客來爭解帶萬劫付一  
洗當年謝康樂絃絕今久矣水碧復流溫相思五湖裏

王安石溫泉詩曰寒泉詩所詠獨此沸如蒸一氣無  
冬夏諸陽自廢興人遊不附火蟲出亦疑冰更隱驪山  
下歎然雪滿塍 明王格驪山溫泉詩曰咸闕無雕輦

驪山尚浴泉湯池同野壑水殿祗寒煙月冷新豐路沙  
沈渭浦田行人漫投足誰識濯龍年 熊鼎上巳日浴

溫泉詩曰驪山宮殿鎖溫泉天寶遺踪故宛然繡谷春  
融丹井火金波月滿鑑池蓮玉顏承寵專恩澤翠輦來  
遊惜暮年我亦逢時修禊事白頭空負麗人天

**原賦**後漢張衡溫泉賦曰陽春之月百草萋萋余在遠  
行顧望有懷遂適驪山觀溫泉浴神井風中巒壯厥類  
之獨美思在化之所原感弘澤之普施乃爲賦云覽中  
域之珍怪兮無斯水之神靈控湯谷於瀛洲兮濯日月  
乎中營蔭高山之北挺處幽屏以間清于是殊方跋涉  
駿奔來臻士女熠其鱗萃紛雜還其如煙亂曰天地之  
德莫若生兮帝育蒸民懿厥成兮六氣淫錯有疾癘兮

溫泉汨焉以流穢兮蠲除苛慝服中正兮熙哉帝載保  
性命兮 魏曹植述行賦曰尋曲路之南隅觀秦政之  
驪墳哀黔首之罹毒酷始皇之爲君濯余身於神井偉  
溫濤之若焚 **增**宋秦觀游湯泉賦曰大江之濱東城  
之野有泉出焉直回峰負深谷分埒引源迤邐相屬晨  
夜有聲涵雲注玉薄爲虎鬚洑爲魚目鱗介莫潛遇者  
斯浴此何水也哉野老告余曰泓泓涓涓莫虞歲年不  
火而燠其名溫泉嗚呼豈非熒惑蒞於上耶燭龍隱於  
中耶旁通咸池日御之所經耶幽精沈魄陰償其負耶  
丹砂黃硫金石之氣酷悍之所激耶

**原**碑周王褒温湯碑曰原夫二儀開闢雷風以之通響  
五材運行水火因而並用炎上作苦既麗純陽之德潤  
下作鹹且協凝陰之度至於遷陵熱谿沈魚涌浪炎州  
燒地穴鼠含煙火井飛泉垂天遠扇焦源沸水衝流迸  
集甘州浴日跳波邁椒丘之野湯谷揚濤激水疾龍門  
之箭故以地伏流黃神泉愈疾云云其銘曰挺此温谷  
驪岳之陰白礬上徹丹砂下沈華清駐老飛流瑩心谷  
神不死川德愈深 庾信温湯碑曰咸池浴日先應綠  
甲之圖砥柱浮天始受元彛之命仁則滌蕩埃氛義則  
激揚清濁勇則負山餘力弱則鴻毛不勝仲春則榆莢



同流三月則桃花共下其色變者流爲五雲之漿其味  
美者結爲三危之露煙青於銅浦色白於鉛谿非神鼎  
而長沸異龍池而獨涌灑胃滯腸興羸起瘠秦皇餘石  
仍爲雁齒之階漢武舊陶即用魚鱗之瓦山間湧水實  
表忠誠室內江流彌彰純孝豈若醴泉消疾聞乎建武  
之朝神水蠲疴在乎咸康之世嵩山三仙之館不孤擅  
於天池華陰百丈之泉豈獨高於蓮井

**增記**唐子西遊湯泉記曰忠州過水十餘里得白水又  
山行一里許得佛跡院院中湧二泉一冷泉一溫泉相  
去步武間而東泉熱甚殆不可觸指西泉解之然後調

適可浴

冰一

**原**說文云冰水堅也韓詩曰說冰者窮谷陰氣所聚不  
洩則結而爲伏陰詩云二之日鑿冰冲冲三之日納于  
凌陰二之日夏之十二月三之日夏之正月周以十一  
月爲正二

之日當夏正十二月也  
三之日當夏之正月

冲冲聲也凌陰冰室也十二月

之時天地大寒水化爲冰鑿取堅冰至正月納藏于室  
之中人君春夏祭祀及其常食卒有凶事則得以斂人  
臣無冰室其終卒君錫之以冰故左傳云日在北陸而  
藏冰西陸朝覲而出之其藏冰也深山窮谷涸陰沍寒

於是乎取之其出之也朝之祿位賓客喪祭於是乎用  
之其藏之也黑牡秬黍以享司寒其出之也桃弧棘矢  
以除其災祭司寒而藏之獻羔而啓之火出而畢賦自  
命夫命婦至於老疾無不受冰夫冰以風壯而以風出  
其藏之也周注周密也其用之也徧注徧及老疾也則冬無愆陽夏  
無伏陰人不天札是也風俗通云積冰曰凌冰壯曰  
凍冰流曰澌冰解曰泮易坤卦曰初六履霜堅冰至  
象曰履霜堅冰陰始凝也馴致其道至堅冰也毛詩  
曰誕寘之寒冰鳥覆翼之禮記曰季冬天子命有司  
冰方盛取而藏之

**增**

又曰仲春之月天子乃獻羔開

冰先薦寢廟 周禮凌人掌冰正歲十有二月令斬冰  
三其凌祭祀供冰鑑賓客供冰大喪供彛槃冰 家語  
曰霜降而婦功成嫁娶者行焉冰泮而農桑起婚禮殺  
於此 孝經援神契云高山之巔無樹深海之淵無冰  
剛太燥柔太溫也 山海經云中極之淵深三百仞冰  
彛都焉冰彛人面而身龍 **原**老子曰渙若冰將釋

楚辭曰菟兮歸來北方不可以止增冰峩峩飛雪千  
里 漢書曰晁錯上書曰夫胡貉之地積陰之處也木  
皮三寸冰厚六尺 淮南子曰見一葉之落知歲之將  
暮睹瓶中之冰而知天下之寒以近喻遠也 孫卿子

曰冰生於水而寒於水 論衡曰夫難一炬火爨一鑊水終日不熱也倚一尺冰置庖廚中終夜不寒也何則微小之感不能動大也今鄒衍之歎不過如一炬尺冰而皇天巨大不徒鑊水庖廚也一夫仰歎天爲降霜何天之易感霜之易降也

**增**

京房易傳曰三月冰歲不

成四月冰天下荒五月冰其國亡六月冰天下兵 西

京雜記曰漢制以酒滴爲書取其不冰以玉爲硯亦取其不冰也

**原**

魏子曰危殆之國治不益之民是猶薄

冰當白日聚毛過猛火也 鄧析書曰明君之御民若乘奔而無轡履冰而負重也 博物志曰削冰令圓舉

以向日以艾承其影則有火出 束皙集曰吾聞薄冰

凝池非登廟之寶零露垂林非綴冕之飾必將採素璧

於層山探圓珠於重泉也 **增**陸機洛陽記曰冰室在

宣揚門內恒有冰天子用賜王公衆官 戴延之西征

記云凌雲臺有冰井延之以六月持去經日猶堅也

述征記云北土涉寒下雨勁風鼓之不得流便冰合合

便厚數尺庾儵云余宅近南城有冰井方夏之月乃攜

友生登而遊從彷徨徘徊淒其以寒乃作冰井賦 酉

陽雜俎曰千歲積冰結爲玻璃 盧氏雜說曰薄餅卷

厚冰以刀切入迎刃而解 摭言曰袁參上姚崇書曰

昔蒯人爲商賣冰於市客苦熱者將買之蒯人自以得時欲邀數倍之利客怒而去俄而其冰亦散今君坐青雲之中平衡天下士皆欲附此亦君賣冰之秋而士買冰之際也

冰二

**原**史記周紀曰姜嫄爲帝嚳元妃出里見巨人跡而履之身動如孕碁而生子以爲不祥棄於冰之上鳥以翼覆薦之

**增**晏子曰景公伐魯得東門無澤問曰魯年穀如何對曰陰不凝陽冰厚五寸者寒溫節也寒溫節則政平政平則年穀熟請禮魯以息怨 左傳曰楚子

使蓬子馮爲令尹遂以疾辭方暑闕地下冰而牀焉重  
繭衣裘鮮食而寢 又曰春無冰梓慎曰今茲宋鄭其  
饑乎陰不勝陽也 **原**吳越春秋曰越王念吳欲復怨

非一旦也苦思勞心夜以接日冬寒則抱冰夏熱則握  
火愁心苦志懸膽於戶出入嘗之不絕於口 **增**列子

曰老子幼學於尹文先生能翻駁四時夏月造冰 **原**

孫盛雜語曰王祥字休徵性至孝後母苛虐欲危害祥  
祥色養無怠盛寒之月後母曰吾思生魚于時河水冰  
堅祥脫衣將剖冰求之有少處冰解下有魚出因以奉  
養 **增**異苑曰石勒伐劉曜於洛陽從大河南濟時河



凍將合軍至而冰自泮舟楫無闕遂生擒曜謂是神靈  
之助 南燕錄曰慕容德正月渡黎陽津其夕流澌冰  
合是夜濟師旦魏師至而冰泮鄴令韓軌言於德曰昔  
光武渡滹沱冰澌自合今大王濟河天橋自成德廼大  
悅 鶴林玉露曰南燕汝水不冰燕王慕容超惡之李  
超對曰良由逼帶京城近日月也燕王大悅 北齊書  
曰趙郡王叡爲定州刺史監築長城于時六月定州先  
常藏冰長史宋欽道以叡冒熱遣使倍道送冰叡對之  
歎曰三軍皆飲温水吾何義獨進寒冰遂至銷液竟不  
一嘗兵人感悅 又曰文宣時周人常懼齊兵之西度

恒以冬月守河椎冰 天寶遺事曰冬至日大雪至午  
雪霽寒結簷溜皆爲冰條妃子使侍兒敲下二條看玩  
帝晚朝回問之曰所玩冰筋也帝謂左右曰妃子聰慧  
此象可愛也 唐書曰或勸進士張彖謁楊國忠彖曰  
君輩倚楊右相如泰山吾當以爲冰山耳遂隱居嵩山  
開元遺事曰王休居太白山下日與僧道異人往還  
每至冬時取溪冰敲其精瑩者煮建茗共賓客飲之  
杜陽編曰順宗初拘弭國貢長堅冰其國有大凝山中  
有冰千年不釋乃賫至京師潔冷如故雖炎暑赫日不  
消 五行志曰穆宗長慶元年海州海水冰南北二百

里東望無際 又曰景福中滄州城墮中冰有紋如畫  
有竹木牡丹車馬人物樓殿臺閣之狀時人以爲地當  
有兵難近華孽也 酉陽雜俎曰李彥佐在滄景太和  
九年有詔召浮陽兵北渡黃河時冬十二月至濟南郡  
使擊冰延舟冰觸舟舟覆詔失李公驚懼乃令津吏不  
得詔盡死吏懼且請公一祝於河李公乃令具爵祝河  
伯曰明天子在上川瀆咸秩河伯當衛天子詔何反溺  
之天將謫爾吏酌冰辭已忽有聲如震河冰中斷可三  
十丈吏沈釣索一釣而出封角如舊惟篆印微濕耳  
唐史曰藍田縣歲貢冰常在冬杪如藍水不冰則主吏

宣命以祭一夕而成冰。周太祖乾祐中北征至澶州，驛河冰已解，浮橋難立，衆憂之。其夜西北風烈，凝凍，比旦津吏報冰堅可渡，步騎踐冰而行，衆謂之凌橋。日夕津吏報曰：「冰橋泮矣。」郭忠恕傳曰：「窮冬即鑿河冰而浴，其傍凌澌消釋，人皆異之。」大金國志曰：「金末河水凍成龜文，又有花卉禽獸之狀，巧過雕鏤，時人謂之天畫。」

冰三

**原**始冰

未泮

月令孟冬之月水始冰，詩迨冰未泮。

朝凝

時燠

寒

夜結亦曰朝凝，羊冬無冰時燠也。

狐聽

魚躍

述征記曰：「河水始合，狐聽無聲，方得。」

地部

詩益頁

冰

渡王祥事下

獻羔

祭韭

四獻羔而祭韭

皚皚

我我

見上

思元賦

象玉

比珠

曹植七念曰素冰象玉難可

下見楚詞

冬壯

春釋

禮記云孟冬之月冰益壯地始拆淮南子

曰夫水向冬則凝而為冰迎春

六尺

百丈

上見前

朔神異經曰北方有冰萬里厚百丈鼯鼠在

霜堅

風壯

詳見

水複

泉沍

毛詩注曰冰盛水複則命取

行積冰之皚皚

魚負

鳥覆

易通卦驗曰大雪魚負

冰也

履霜

積雪

上見前楚辭曰桂棹兮蘭橈

下詳前

夕飲

朝餐

莊子葉公語沈諸梁

寒澌斫冰凍紛然

如雪言已勤苦

謝靈運苦寒行曰

蘇無風

飲鑿冰煮朝餐悲矣采薇唱苦哉有餘酸

增為樓

薦廟

三輔黃圖建章宮北積冰為樓下見前冰一

敲筋

作糜

上見前冰二

魏武帝詩芥冰持作糜

醒酒

煮茶

黃山谷詩饋婦初供醒酒冰煮茶乃王休太

白山事

原后稷鳥

王祥魚

並見前

闔廬室

琅邪

井越絕書曰吳闔門外郭中家者闔廬冰室薛瑩漢書曰靈帝光和六年冬北海東萊琅邪井中冰厚丈

餘河流漸海結凌

薛瑩後漢書曰光武至劉上王郎使兵至上發劉晨夜馳驚至

下曲陽游沱河導吏還言河流漸無船不可渡比至冰可乘帝遂得渡游沱河王隱晉書曰慕容皝上言正

月十二日征平郭遠海為冰

夏蟲疑

春魚上

莊子曰夏

蟲不可以語於道者束於教也孫綽天台山賦曰西夏蟲之疑冰整輕翼而

思矯禮記曰立春之日東風解凍又五日蟄蟲始振又五日魚上冰風不解凍號令不行魚不上冰兵甲不

藏北方鼠

東海蠶

上見百丈注王子年拾遺記曰東海員嶠山有冰蠶長七寸

地部

山部

冰

七

有鱗角以霜雪覆之始為繭其色五

**增**姑射肌

太

朱織為文錦入水不濡投火不燎

真淚莊子藐姑射之山有神人焉肌膚若冰雪

遺事太真初承恩召與父母別涕泣登車時天寒

天寶

瀲結

貢長堅

持一半

上見冰二李陵持一

飲

月窟

詠玉壺

李白詠蘇武詩渴飲月窟冰

**原**夏頒

秋刷

藏周用徧

鄭元周禮注曰暑氣盛王以冰頒賜

下

詳前

三倍為防

二日乃鑿

上風並見前

下

食祿

之家

凌人之職

上左傳下周禮並見前

春治冰鑑

祭供

彛槃

鑑盛水器也彛槃亦器也喪事供彛槃冰所以寒尸置牀也

老病必受

喪

祭亦霑

冰室春開

玉壺夏薦

取順沍寒

用資

清暑

雅協豳詩

未垂周禮

**增**

千年不釋

所貢

六月猶堅

凌雲臺所藏

厚賜汝南

亟輸趙郡

八王故事汝南

王莫詔賜冰五斛一條

琢山避暑

似畫名天

開元遺事

見前趙郡王獻一條  
揚氏子弟至三伏中取大冰成山夏

白取不償 宋

招難返

止戈集長安冰至夏月其價等金麟淮白少傳詩名甚重論筐取之不償價下見前楚詞

**原**慮蟲疑之時不可闕也 及狐聽之日于以藏之

致夏蟲之疑闕而爲罪 遇時燠之變責則難加

冰四

**原**寒

易曰乾爲寒爲冰

履薄 詩如履薄冰

涉春

書如涉春冰

東風

**解**

開冰

開薦

皆月令見前冰

**增**木冰

左傳成公十六年雨木冰

**原**四時不害

謂冬無愆陽夏無伏陰春無凌風秋無苦雨見左傳

棄而不用

傳云

地部

開監類白卷三十一

冰

三





室

文選

**增**玉井冰

杜詩敢望君王玉井冰

酒冰

黃山谷詩風力欲水酒

挺銀竹

黃山谷詩雪後排簷挺銀竹

冰才

性理正蒙海水凝則冰浮則漚然冰之才漚之

性海不得而與焉

冰壺

性理張子曰李愿中如冰壺秋月瑩徹無瑕非吾曹所及

冰人

孟蜀時潘正連以財結權要或戒之乃曰非是求拔不欲以冷語木人耳見小史

冰五

**原**詩

梁沈君攸詠冰應教詩曰日華照冰彩灼爍自相

明陰潭欲半解陽岸已全輕未釋苔文隱將銷草氣生

稍得觀魚上非獨見狐驚倘逢魏后術當驗可爲城

唐富嘉謨明冰篇曰北陸蒼茫河海凝南山闌干晝夜

冰素彩峩峩明月升深山窮谷不自見安知採斲備嘉

冰部

增

冰

三

薦陰房涸沍掩寒扇陽春二月朝始暎春光潭沲度千  
門明冰時出御至尊彤庭赫赫九儀備腰玉煌煌千官  
事明冰畢賦周在位憶昨沙朔寒風漲崑崙長河冰始  
壯漫汗陵崙積亭障豈豈鳴雁江上來禁苑池臺冰始  
開搖春涵綠映樓臺豳歌七月王風始明冰藏用昭物  
軌四時不忒千萬祀

**增**

宋孔武仲食冰詩曰冬冰冽

冽雖可畏夏冰皎皎人共喜休論中使押金盤荷葉裹  
來深宮裏胸煩肺涸聊一蘇任爾青蠅相趁死經時不  
壞已可憐濟物之功尚如此人言霜雪比小人我謂堅  
冰似君子 楊廷秀敲冰詩曰穉子金盆照曉冰彩絲

穿取當銀鉦敲成玉磬林中響忽作玻璃碎地聲  
程伯淳食冰詩曰車倦人煩渴思長巖中冰片玉成方老  
仙笑我塵勞久乞與雲膏洗俗腸  
明楊基詠冰詩曰  
凌室啓深藏殊恩賜上方壺清透練色甌薄耀寒光當  
座人俱素登筵體共涼瑩含銀液潔甘薦蜜脾香淺碧  
迎歌扇微紅映舞裳明愁難作鑑堅恐易成糠瑞擬金  
窻雪勲高玉井霜屏慙雲母熱簾咤水晶長醉客狂思  
踏詞臣渴願嘗陳王方避暑突兀殿中央

**原賦**晉顧愷之冰賦曰激厲風而貞質仰和景而融暉  
清流離之光微邈雲英之巍巍爾乃連綿絡幕乍結乍

無翕然靈化得漸已麤縑白隨川方圓隨渠義剛有折  
照壺則虛託形超象比朗元珠一綜理而常全經百合  
而彌切轉若驚電照若澄月積如累空泮若隋節臨堅  
投輕應變縷裂瓊碎星流精練清越若乃上結薄映下  
鏡長泉靈葩隨流含馨揚鮮 庾儵冰井賦曰嘉陰陽  
之博施美天地之廣宣萬物雜而無越不易類以相干  
或專陽負暑或涸陰沍寒塗雖殊而同歸信協德而俱  
延於是孟冬之月羣陰畢升霜雪紛其交淪流波結而  
成凌啓南墉之重隩將却熱以藏冰山人是取縣人是  
承納遠宮之邃宇靜幽澹以清激抱堅精之元素發川

靈而長凝於是寒往暑來四時代序帝將攘患炎災是  
禦爾乃携我同類援我烝徒將涉寒數害氣是除攀靈  
艦而增舉爰自託於城隅仰瞻重構俯臨陰穴淒清驚  
冷發粟烈餘寒嚴悴淒若霜雪乃命有司啓彼潛戶  
寒風慘悴此焉清暑格炎靈之恣曜兮摧盛陽之暴怒  
弭和春之淒風兮遏溫夏之苦雨保百姓之艱難兮俾  
羣生之寧處及至股肱或虧卿士殞喪寧神扇暑肅厲  
清涼用處凶禮無失典常美厚德之兼愛兮乃惠存以  
及亡

**增**

唐陸環水始冰賦曰潤下之性有時可凝暑

歸寒集陽閉陰升吹寒風之遠派感凍雨而成冰俾巨

海以息浪胡涓波之足徵北陸陰涸寒泉井列天吳外  
搏靈胥自潔含貞抱虛旣瑩且澈斷流而稜稜劒威照  
日而片片霜切馭均曲陵湫穴蒼山甕石大冶流鐵圓  
光而蚌珠可掬朝涉而馬蹄可折旣否隔於風雲亦祕  
藏於魚鼈 又冰賦陰氣盛陽晶滅殺氣鴻洞嚴飈粟  
烈當此時也何水不凝何潭不結瞻山則萬壑俱閉歸  
海則百川潛泄諒造化之自然羞難得而備說佳其空  
冷愈堅風淒益壯汗漫稜層委積亭嶂交河則戰士加  
守合浦乃漁人迷望况乎天道無私所應多姿雲禽下  
覆彰后稷之聖德泉魚出躍表王祥之孝思然而題周

官順時令皎皎雪聚皚皚山淨盤重澗而疑鑿瀉圓池  
而若鏡與海鏡而混輝將玉壺而相映 侯喜玉壺冰

賦曰若其稟性溫如作器含虛正色則惟珍是務立操  
則匪貞不居爾乃嚴氣凝元陰作寒飈一振具物寥索  
川晶晶以凌滿林稍稍而木落日既暮兮金闈寂夜一  
寒兮玉壺陳素冰滿腹清光照人臨象筵而色媚入金  
鏡而影新對之者暢慮觀之者清神能勵貪夫何假盤  
盂之戒有同儒士長爲席上之珍 張皓藏冰賦曰國  
之造物時惟用天履在歲之窮紀知增冰之腹堅可以  
備用凌人主焉羞秬黍以爲薦率司寒而是先於是入



坎宮踰崢嶸乍逼側以徑險復趨起而不征爽氣旁達  
凝陰上清始峩峩而不見遽冲冲而有聲是伐是取登  
乎上京候朝風而益壯對夜月而俱明崇凌既啓陰井  
方泐含聲色而轉深拂霜威而逾潔不崩不剝如磋如  
切掩下方以涸沍匪上騰之發泄 王起開冰賦曰木

德司辰條風報春物惟求舊令乃謀新有頌冰之職有  
伐冰之臣安得深藏於重壤自當登御於一人有司奉  
明詔薦清廟啓其空觀其微連錡既下不作冲冲之聲  
厚土忽開已發峩峩之照獻羔之禮既宣祭韭之義克  
全將使陰不伏陽不愆詎有東風之解莫移北陸之堅

皎潔兮玉壺乍奪清瑩兮金鏡爭鮮鑒乎其中雖臨深  
而履薄積于其外終岳峙而峰連此輿人之所納縣人  
之所傳乃被以桃弧升於蘭殿凌陰去而寒盡御座來  
而春變其爲利也溥其爲用也徧羣察是錫足以表鴻  
恩百祀方修足以成嘉薦

**原啓**梁沈約謝敕賜冰啓曰竊惟司寒輟響眇自前代  
凌室曠官歷茲永久聖功闡物逸典備甄窮深旣採園  
池靡用有籍羔秬無災霜雹

**增狀**唐白居易謝賜冰狀曰伏以頒冰之儀朝廷盛典  
以其非常之物用表特異之恩况春羔之薦時始因風

出當夏蟲之疑日忽自天來煩暑迎銷清飈隨至受此殊賜臣何以堪欣駭慙惶若無所措但飲之慄慄常傾受命之心捧之兢兢永懷履薄之戒以斯惕勵用答皇恩謹奉狀陳謝以聞

**增**判裴幼卿藏冰不固判曰歲紀星迴時遵月令啓凌陰之室享司寒之神山人縣人即分官而有典北陸西陸將候日以無差乃採沍寒必於窮谷豈可未終見睨遽此晞陽望朝覲而未開與隆冬而共盡主司先標尺樣輸納當有程期豈三令之莫申何一言之匪効既乖守職詎可逃刑

淵鑑類函卷三十一



淵鑑類函卷三十二

地部十

川澤

藪附

湖

川澤

藪附

**增**

釋名曰川者穿地而流也

周禮地官曰注瀆曰川

爾雅曰水通流曰川

月令章句曰泉流注海曰川

釋名曰下而有水曰澤今兗州人謂澤曰掌水渟處

如掌中也

爾雅曰水所鍾曰澤

文子曰高莫高於

天下莫下於澤天高澤下醒人法之

風俗通曰藪之

爲言厚也有草木魚鼈所以厚養人君與百姓者也

周禮曰澤無水有草木曰藪藪一作擗

禮運曰麟鳳

在郊藪 左傳曰山藪藏疾

川澤二 藪附

**增**尚書禹曰予決九川距四海濬畎澮距川 國語曰

三川竭

河洛伊也

莊子曰禹治名川三百支川三千 妣

已川在靈臺縣舊傳妣已生於此 洋川戚夫人所生

處漢高祖得而寵之夫人思慕本鄉追求洋川之舊高

帝爲驛致長安蠲復其鄉 樊川在西安即樊噲食邑

朔州居延川一名居延澤蘇武嘗因此 若耶溪旁

有沈釀川舊志鄭弘應舉赴洛親友餞于此 牧馬川

在蜀之雙流縣劉先主置籍田牧馬故名 文川在涇

陽百頃原北水邨花卉遠望如畫乃唐李靖故居隴

州魚龍川川有五色魚人不敢取即杜詩所云水落魚

龍夜日斤川係隰州及蒲縣兩界水其水屈曲入黃

河酉陽雜俎云朱崖有一島民苦無井海水鹹不可

飲取草木汁飲之故名木飲川唐六典云江河之水

自西極達於東溟中國之大川其餘百三十有五水是

爲中川其千二百五十有二水是爲小川史記曰舜

漁于雷澤墨子曰舜漁獲澤禹貢曰九澤旣陂

詩曰東有甫草即圃田澤澤產麻黃草今開封之滎澤

是也左傳曰董澤之蒲澤在聞喜縣即董氏秦龍處



穆天子傳曰天子北征舍于珠澤 戴延之西征記  
曰巨澤魯之西界孔子獲麟處 管子曰北澤燒火照  
臺下管子曰萬乘之國不可無薪而炊今北澤燒農夫  
得賣其薪蕘一束十倍 史記曰漢武帝元封四年祠  
西時繇回中北出蕭關歷獨鹿鳴澤 後漢書云安帝  
永初元年以廣成遊獵地假與貧人于時馬融作廣成  
頌廣成澤在梁縣 郡國志云臨潼南有煮鹽澤符秦  
于此煮鹽 荊州記曰晉羊祜鎮荊州嘗取江陵澤中  
鶴教之翔舞以娛賓客因名鶴澤 輿地志曰梓澤在  
洛下王城西北與金谷相近 晉書曰陶侃少時漁于

雷澤網得一織梭以置于舜有頃雷雨至化龍去陶

淵明作彭澤宰故稱陶彭澤楚有七澤小者雲夢方

九百里左傳曰邲子之女棄子于夢中無雲字楚子

濟江寢于雲中無夢字是知雲夢乃二澤禹貢爾雅皆

曰雲夢者並舉二澤言之耳舊尚書雲夢土作又唐太

宗得古本作雲土夢作又遂詔從古本統志曰泗水

縣漏澤其穴有五春夏積水秋冬漏盡秦州記曰坳

澤河水之所潛也其源渾渾泡泡者也東去玉門陽關

一千三百里周禮職方九藪揚州曰具區荊州曰雲

夢豫州曰圃田青州曰望諸兗州曰大野雍州曰弦蒲

幽州曰獫狁冀州曰陽紆并州曰昭餘祁 淮南子曰  
何謂九藪越之具區楚之雲夢秦之陽紆晉之大陸鄭  
之圃田宋之孟諸齊之海隅趙之鉅鹿燕之昭餘 **原**  
爾雅十藪魯有大野晉有大陸秦有陽陁宋有孟諸楚  
有雲夢吳越之間有具區齊有海隅燕有昭餘祁鄭有  
圃田周有焦護三書所紀藪名大同小異

川澤三 藪附

**原** 爲澤

疏川

易筮爲澤 語疏川導滯 國

出雲

鍾水

禮山川 出雲

下爾雅 見前

通流

畫地

上爾雅見前 畫地成川

爲稼

采英

周禮

稻人掌稼 下地凡稼澤夏以水殄草而芟夷 之鄭注以澤爲稼 詩彼汾沮洳言采其英

詩彼汾沮洳言采其英

禹決

周竭

上書見前  
國語三川竭

禹治

秦專

上莊子見前  
商鞅專川澤之利  
秦任

國主

子在

傳國主山川  
論語子在川上

會海

滌源

吳都賦  
百川派

別歸海而會  
書九川滌源

積形

流血

家語川為積形  
莽時川谷流人血  
工

鱗宜

魚逝

大司徒辨五土之物  
二曰川澤

川涸而魚逝

灌注

韓愈文障百川  
易麗

沸騰

莊子百川灌注  
詩百川沸騰

增障川

麗澤

而東之  
障百川

沈釀

煑鹽

上川下澤  
並見前

漁雷

飲木

上澤見前  
下川見

前

偽遊

實表

漢高祖偽遊雲夢  
所生洋川鄉曰縣實表  
誕載之休

九兩

上爾雅  
見前

原叔在

物歸

詩叔在藪  
語藪物之歸也

耦耕

藏疾

耦耕幽藪  
下左傳

周禮九兩繫人九日藪以富

得人謂使人富藪中物也

耦耕

藏疾

耦耕

耦耕

耦耕

耦耕

耦耕

耦耕

前見

無水

不崇

上周禮見前

不崇藪澤崇高也

國語

增善談

為

為

為

謗

晉裴顏善談論時謂言談之林藪身居下流為謗藪

原隨山濬

閱水成

書隨山濬川陸機藪逝賦川開水而成川

以時入

不使居

禮以時入川而不禁

又禮曰聖人所以順山者不使居川

傳說濟

辛有適

說命若濟巨川用汝作舟

楫左傳辛有適伊川見披髮而祭于野者

有草木

蓄鳥獸

上詳前藪釋名內

周禮太宰九職四曰藪牧養蓄鳥獸

增賜孟諸

發逢忌

左傳楚子玉夢河神謂已

界子瓊弁于賜汝孟諸之糜梁惠王發逢忌之藪以賜民即逢澤也

川澤四

藪附

原利涉大川

易

在地成形

易

設險守國

易王公設險以守其

國

增通氣

易山澤通氣

原川澤澍澍

詩

居民

王制居民川澤

如沮

取材用

禮

為下必因

孟子為下必因川澤

川衡掌禁令

掌巡川澤之禁令  
而平其守見周禮

澤虞掌政令

掌國澤之政令為  
之厲禁見周禮

**增無曲防**

齊桓  
五命

**原守萑蒲**

左傳澤之萑  
蒲舟蛟守之

**增涸澤之**

精

管子曰涸澤數百歲水不絕者生慶忌其狀若人長  
四寸黃衣黃冠戴黃蓋乘水鳥好疾馳以其名呼之

可使千里外一日反  
報此涸澤之精也  
漁者諫入大澤迷不知所出問

漁者送公亟反國臣亦反漁所

漁者諫

新序曰晉公逐獸于陽

守劉翊為功曹時楊翟黃綱特程夫人權力

**原為民**

後漢書冲  
拂為潁川

賈讓曰大

**原不足衛**

蜀都賦山川不

**增無防**

不辭

汴

魏武汴秦

臨

文選悟臨

懷珠而媚

文選

盈

汴

魏武汴秦

臨

文選悟臨

懷珠而媚

文選

珠而

朗詠長川

六川

河水赤水遼水

八川

涇渭

涇渭

澧瀉

九澤

見前

七澤

見前

藪澤之利

穀梁築鹿囿山

他部

澧瀉

九澤

見前

七澤

見前

藪澤之利

見前

澧瀉

與人  
共也

**增**萃淵藪

左傳紂爲天下  
逋逃主萃淵藪

川澤五藪附

**增**詩宋楊萬里過雲川大溪詩曰菰蒲際天青無邊只  
堪蓮蕩不堪田中有一溪元不遠折作三百六十灣政  
如綠錦地衣上玉龍盤屈於其間前船未轉後船隔前  
灣望得到不得及至前灣到得時只與後灣纔咫尺朝  
來已度數百縈問知德清猶半程老夫乍喜權夫悶營  
有到時君莫問

**原**賦

魏文帝濟川賦曰臨濟川之魯淮覽洪波之容裔  
漉騰揚以相薄激長風而亟逝漫浩汗而難測眇不覩

其垠際於是龜龍神嬉鴻鸞羣翔鱗介霍驛載止載行  
俯唵菁藻仰餐若芳永號長吟延首相望美玉昭晰以  
曜暉明珠灼灼而流光於是遊覽旣厭日亦西傾朱旗  
電曜擊鼓雷鳴長驅風厲悠爾北征思魏都以偃息託  
華屋而遨遊酌元清於金壘騰羽觴以獻酬 晉應貞

臨川賦曰陟繇岡之迢邈臨窈谷之濬遐覽丹源之列  
泉眷懸流之清波漱元瀨而漾沚順黃崖而蕩搏激重  
巖之絕根拂崇丘之飛萼然後陰渠洞出邊澮旁開條  
嶂高鶩皓皜長懷盤溢鬱沒雲轉颺迴屏側爲之飛墮  
壁岸爲之陂隕列以青林蔭以綠枝樞松翁茸於其側



揚柳婀娜乎其下水則高溜承崖懸泉屬嶺別流分注  
冰瑩玉靜清波引鏡形無遁影

湖一

**原**說文曰湖大陂也水澤所仰以灌溉也 廣雅云湖  
池也 風俗通云湖都也流瀆四面所隈都也 周官  
揚州其浸五湖按張勃吳錄五湖者太湖之別名其周  
行五百餘里故以五湖名虞翻又云太湖水通五道謂  
之五湖或說以太湖射瀆湖上湖洮湖馮湖爲五湖按  
國語吳越戰於五湖直在笠澤一湖中戰耳則知諸說  
非也揚州記曰太湖一名震澤一名笠澤一名洞庭

越絕書曰太湖週三萬六千頃在吳興 風土記曰陽

羨縣東有太湖中有包山山下有洞穴潛行地中云無  
所不通謂之洞庭地脉也 **增**陸魯望云太湖上稟咸

池五車之氣故一水五名然湖中亦自有五名曰菱湖

游湖莫湖貢湖胥湖 **原**荊州記云宮亭湖即彭蠡澤

也亦謂之彭澤湖一名滙澤青草湖一名洞庭湖凡此  
並昭昭尤著又廣大也 總記湖名居巢縣有巢湖楊

泉湖 吳郡有臨平湖女墳湖 鄆縣有黃金湖 山

陰有鏡湖廻踵湖蘭湖華湖魚湖山陰湖 漂陽有長

蕩湖 阜陵有麻湖 建業有後湖一名元武湖又有

蔣陵湖高湖 潯陽有招湖 無錫有射瀆湖尸湖小

湖耆湖乘湖猶湖蕉湖雍湖昆湖 江東有渦湖 郢

縣有赤湖 蜀有白羊湖 山陽郡有樊梁湖射陽湖

津湖 新安有白馬湖 常熟有赤山湖夏架湖丹陽

湖張昭湖昭封婁侯又名婁湖又有高平湖太傅湖太

傅即謝安也又有著作簿湖劉南蠻湖侍中湖張侯湖

葛塘湖倪塘湖庾冰湖 東陽有徐湖 永嘉有蔣公

湖 武昌有長湖 琅邪有攝湖 錢塘有明暉湖淮

湖承湖承湖一名詔息湖 京口有醴湖孟佐湖半陽

湖龍目湖叔亭湖新豐湖 吳興有欣湖 武陵有丹

坡湖 始興有滄湖洋湖錡湖梅湖 荊州有大井湖

高沙湖大澹湖馬骨湖支湖陂湖赤湖沔湖 鄆縣有

鄆湖 南康有平湖 豫州有芍陂湖 南越有石湖

鄆春有菜黃湖 曲阿有後湖 **增**一統志云順天

府治西有太湖南流入洗馬溝與玉淵潭燕家泊諸水  
匯而爲西湖 又曰西湖在玉泉山下湖環十餘里荷  
蒲菱芡與沙禽水鳥隱映雲霞中不減江鄉佳境也

金陵記云建業後湖初名北河以壅北山之水劉宋初  
築堤南抵白塘以肄舟師元嘉中乃改名元武湖週四  
十里水兩派下入秦淮 郡國志曰溧陽長蕩湖一名

洮湖周處韋昭酈道元皆以爲五湖之一 統志云射

瀆湖在無錫名無錫湖一名芙蓉湖又或云即上湖

又曰丹陽縣北有後湖即練湖也南徐記晉時陳敏所  
開輿地記云曲阿出名酒皆後湖水所釀故醇冽也

劉楨京口記云龍目湖始皇東巡親相形勢云此有天  
子氣使繡衣徒繫湖中長岡使斷因改名丹徒 錢塘

記云臨平湖在鹽官亘五十里晉武帝咸寧中有星孛  
于大角占者云吳臨平湖自漢末壅至是當開又云此  
湖開天下寧是歲吳平天下混一 又曰詔息湖去邑

十里故老傳秦始皇巡狩經塗暫憇因名詔息 又曰

明暉湖週遶三十里漢時金牛見湖中以為明暉之瑞  
因稱明暉又以負郭而西稱西湖唐長慶二年白居易  
為杭州刺史築堤捍湖故自段橋至孤山為白公堤吳  
越王時置撈湖兵士千人至宋蘇軾為郡守取葑泥積  
湖中南北徑十餘里為長隄今稱蘇公隄西曰裏湖東  
曰外湖 舊志曰西湖本通海東至沙河塘南向大江  
故始皇東遊泛海艤舟于此今山麓有纜船石 輿地  
記曰鏡湖即鑑湖本名慶湖故賀方回號慶湖居士以  
避漢安帝父清河王諱改為鏡或云軒轅得寶鏡於此  
長沙志曰洞庭之水瀦七百里在岳州城西

**原荆**

州記曰巴陵有青草湖周廻數百里日月出沒其中因  
湖南有青草山故名

**增**

又統志云青草湖一名巴丘

湖北連洞庭南接瀟湘東納汨羅之水每秋夏水泛與  
洞庭爲一水涸則此湖先乾青草生焉 潯陽記曰彭

蠡湖在南康府南即今之鄱陽湖 又曰宮亭湖即彭

蠡其名宮亭也或謂因廬山三宮得名按爾雅大山曰

宮不必盡由三宮矣

**原**

裴氏廣州記曰廬山頂有湖

廣數頃有楊梅山桃止得于上飽噉不得持去 鄧德

明南康記曰平固縣覆笥山上有太湖周數十里靈果

異物皆不可識又有石鴈浮在湖中每至秋天石鴈飛

鳴如候時也 秦州記曰武都山前有湖冬夏無增減  
義熙初有白龍於此湖升天 神異經曰北方荒外有  
石湖其水恒冰 又曰亶州有温湖 拾遺記曰負嶠  
山有方湖

湖二

**增**史記曰黃帝登熊湘作咸池樂張于洞庭之野

**原**

吳錄曰書云三江旣入震澤底定震澤吳西南太湖也

**增**郡國志云彭蠡湖心有孤山石高數十丈大禹

刻石以紀功焉有乞烏隨船行舟人擲搏飯接之高下  
不失一粒 吳地記曰吳王葬女取土成湖又郡國志



云闔閭食蒸魚留半賜三女三女怨自殺王痛之葬於  
郭西文石爲槨金印玉牒銀罇朱盤悉以送葬因名女  
墳湖

**原**

風俗通曰越滅吳范蠡乘舟于五湖

**增**吳

錄曰范蠡湖在嘉興府治西南中有西施妝臺遺址相  
傳即蠡寓處 寰宇記曰車馬湖在如臯相傳范蠡爲  
五湖之遊棄車馬於此岸

**原**

淮南子曰夫歷陽之都

一夕反而爲湖歷陽淮南國名昔有老嫗常行仁義有  
兩書生過之謂曰此國當沒爲湖視東城門闔有血便  
走上山勿返顧也自爾此嫗數往視闔吏問之嫗對如  
其言至暮門吏殺雞以血塗門明日嫗早往視門血便

走上山國沒爲湖

**增**

金陵志曰莫愁湖在石頭城西

廣可二頃中植芰荷引古樂府莫愁家在石城西之名  
其實莫愁楚產石城楚地也 西京雜記曰會稽人顧

翱事母至孝母好食彫胡飯躬自採擷還家導水自種  
每有贏儲家亦近太湖湖中後自生彫胡無復餘草郡  
縣表其閭舍 吳地記云當湖在平湖治東周四十餘

里即漢時陷爲湖者亢旱水涸其街陌遺跡隱隱可見  
會稽記曰漢順帝永和五年會稽太守馬臻創立鏡  
湖在會稽山陰兩縣界築塘蓄水高丈餘周迴三百一  
十里溉田九千頃創湖之始多淹塚宅有千餘人怨訴

洪鏡類函卷三十一  
二

於臺臻遂被刑於市及臺中遣使按鞫總不見人驗籍  
皆死亡人名 神仙傳云東漢時廬山廟有神于帳中  
與人言語飲酒投杯能令彭蠡湖中分風船行者舉帆  
相逢樂巴爲豫章太守未到十數日廟間神不復作聲  
建康實錄曰吳孫皓寶鼎元年開城北渠引後湖水  
巡繞殿堂窮極伎巧 錢塘記曰石鼓湖在杭州府城  
東北桐扣山下晉武帝時岸崩出一石鼓扣之無聲張  
華命取蜀中桐木刻魚形扣之聲聞數里 郡國志曰  
鄴湖在衡州府城東其水湛然綠色取以釀酒極佳晉  
武帝薦之太廟吳都賦飛瓊觴而酌鄴綠即此 寰宇

記曰倉基湖在宿遷東南周四十五里石崇積貯之倉有閘曰石崇閘亦季倫時築以攤木爲樁好事者捫拭于水猶有鐵環可驗 晉書曰巴丘湖沅湘之會表裏山川荆蠻之所恃也杜預乃開楊口起夏水達巴陵千餘里內瀉長江之險外通郴桂之漕南土歌之曰後世無叛由杜翁孰識智名與勇功 寰宇記曰迎擔湖晉南渡衣冠席卷過江客主相迎行李塞于湖上後人因呼迎擔湖 又曰千里湖在漂陽東南產蓴菜卽陸機所謂千里蓴羹未下鹽豉者 武昌記曰武昌南湖通江夏于時靡所產植陶太尉立塘水自不竭因取琅邪

郡隔湖菱著湖內菱甚甘美 世說曰謝萬經曲阿後

湖問左右此是何水答曰曲阿湖謝曰故當淵注淳著

納而不流 **原**語林曰褚公與孫綽遊曲阿後湖狂風

忽起舫欲傾褚公已醉乃曰此舫人皆無可以招天譴

者惟有興公多塵滓正當以厭天欲耳便欲捉擲水中

孫遠無計唯大啼曰季野卿念我 述異記曰桓冲爲

江州刺史乃遣人周行廬山冀覩靈異旣陟崇巘有一

湖匝生桑樹有大羣白鵝湖中有敗編赤鱗魚 **增**宋

書曰會稽太守孟顛事佛精懇而爲謝靈運所輕東郭

有迴踵湖靈運求決以爲田太祖令州郡履行此湖去

郭近水物所出百姓惜之顛堅執不與靈運既不得回踵又求始寧岷嶲湖爲田顛又固執靈運謂顛非存利民正慮決湖多害生命言論毀傷遂構讎隙窮神祕

苑曰昭明太子薨封墳之際有燕雀數萬銜土以增其上墳側有湖後人因名燕雀湖圖經曰歙縣篁墩湖

其中有蜃常與呂湖蜃鬪程靈銑好勇而善射夢蜃化爲人告之曰吾爲呂湖蜃所厄君能助我必厚報東白練者吾也明日靈銑彎弧助之正中後蜃不知所之後人名其處爲蜃灘唐書曰褚無量字弘度杭州鹽官人也幼孤貧勵志好學家近臨平湖時湖中有龍鬪傾

里閑就觀之無量時年十二讀書晏然不動 又曰賀  
知章天寶初病夢遊帝居數日寤乃請爲道士還鄉里  
詔許之以宅爲千秋觀而居又求周宮湖數頃爲放生  
池有詔賜鏡湖剡溪一曲 李白郎官湖序曰尚書郎  
張謂出使夏口沔州牧杜公漢陽宰王公觴于江城之  
南湖方夜月如練清光可掇張公殊有勝槩四望超然  
乃顧白曰此湖古來賢豪遊者非一而枉踐佳景寂寞  
無聞夫子可爲我標以嘉名俾傳不朽白因舉酒酌水  
號之曰郎官湖 金陵志曰李白常遊丹陽湖酷愛其  
景乃張帆載酒縱意往來有詩云湖與元氣連風波浩

難止天外賈客歸雲間片帆起 酉陽雜俎曰歷城北

二里有蓮子湖周環二十里湖中多蓮花魏袁翻曾在  
湖讌集參軍張伯瑜諮公言向爲血羹頻不能就公曰  
取湖水必成也遂如公語果成時清河王諮公何義公  
曰可思湖目王未解主簿房叔道曰藕能散血湖目蓮  
子故令公思清河歎曰人不讀書其猶夜行二毛之叟  
不如白面書生 搜神記曰廬陵歐明從賈客道經彭  
澤湖每以舟中所有多少投湖中云以爲禮積數年忽  
見湖中有大道有數吏乘車馬候明云是青洪君使要  
須臾達見有府舍吏曰青洪君感君前後有禮故要君



必有重遺君勿取獨求如願耳既見乃求如願青洪君  
婢也明將歸所願輒得數年大富 五代史曰唐莊宗  
滅梁楚馬殷遺其子希範修貢京師上梁所授都統印  
莊宗問洞庭廣狹希範對曰車駕南巡纔堪飲馬爾莊  
宗嘉之 南唐近事曰金陵北有湖周圍數十里幕府  
鷄籠二山環其西鍾阜蔣山諸峰聳其左名山大川掩  
映如畫六朝舊跡多出其間一日諸閣老待漏朝堂語  
及林泉之事坐間馮謐舉元宗賜賀監三百里鏡湖信  
爲盛事又曰余非敢望此但賜得後湖亦暢得平生徐  
鉉怡聲而對曰主上尊賢下士常若不及豈惜一後湖

所乏者知章耳馮大有慙色 宋間人滋南湖紀略曰

樵李澤國也東南皆陂湖而南湖尤大計百有二十頃  
其禽多鴛鴦故名鴛湖又云兩湖相麗若鴛鴦然

**原**

鄭緝之東陽記曰北山有湖故老傳曰其下居民有徐  
公者常登嶺見湖水湛然有二人共博于湖間自稱赤  
松子安期先生有一壺酒因酌以飲徐公徐公醉而寐  
其側比醒宿草攢蔓其上及抵家而家人已服闋矣今  
其處猶名徐公湖

**增**聞見後錄曰孫何帥錢塘柳耆

卿作望海潮詞贈之內有三秋桂子十里荷花之句此  
詞流播金主亮聞之起投鞭渡江之想命畫工潛入臨

安圖西湖揭軟屏間貌已像策馬吳山之巔題其上曰  
萬里車書盍會同江南豈有別疆封提兵百萬西湖上  
立馬吳山第一峰紹興淳熙間君相縱逸耽樂湖山無  
復新亭之淚是以論者以西湖爲尤物比之西施破吳  
也 癸辛雜識曰庚寅五月連雨四十日浙西之田盡  
沒幸而不沒者則大風駕湖水而來田廬頃刻盡邨落  
名之曰湖翻

湖三

**原**青草

赤沙

上湖名見前  
經南安縣又東與赤沙湖會

荆藪

揚浸

荆州記曰雲夢澤一名巴丘  
荆州之藪也 下見前

芍陂

笠澤

劉澄之豫

州記曰陳縣北有芍陂湖魏將王陵與吳將張休交戰處

縣淪

城陷

華

吳越春秋曰海鹽縣淪為拾湖徙居武原鄉故越地也下見前淮南子

魚出

龍升

嘉永

記曰蔣公湖有祈禱者湖輒出大魚與之

分風

起雨

州見荆

南康仁空山上有平湖湖中舩底浮在湖面動搖便起風雨

秦愬

范游

並見前

三山

五渚

豫州記曰城父縣有巢湖周五里

石函

銅斗

吳志曰孫皓時吳郡言臨平湖邊得石函中有小石青白色刻上作皇帝字改元為天璽謝

綽宋拾遺曰張永開元武湖古塚上得一銅斗有柄太祖訪之朝士何承天曰此是新威斗王莽時王公亡皆

賜之一在冢內一在冢外于時江左唯有甄邯為白大司徒俄而又得一斗復有石書稱甄邯之墓

鷺

蘋鯉

劉澄之揚州記曰新城縣俱山上有湖湖中白鷺十隻時飛來周景式廬山記曰山

頂有一窮湖出鱣鯉

龍目

馬骨

俱湖名

賣藥

浮舟

劉向

傳曰東方朔楚人漢武帝時爲郎後有  
見于會稽賣藥五湖下即范蠡事

積水 安流

浮天 浴日

**增**郎官

太傅

見前湖名

淪雞

飲

馬半湯湖可以淪  
建九鯉湖是也

乘鯉

射蛟

漢有何氏兄弟九人各乘一鯉仙去今福

下見前程靈銖事

三城

五葉

江寧縣西南有湖湖中舊有三少城故名

豫章記張披五葉同居

長蕩

短汀

短汀見湖一

東陽州

塔影

倉基

塔影湖在泗州倉基湖即石崇建倉處

千里

五

部千里湖見前湖二

五部湖在無錫縣

源

源濁流清

**原**金銀塘

珠玉泉

伏滔發故臺詩序曰夫差姑蘇臺東有丹湖萬頃內有金銀塘陸費齋語曰舜捐珠玉

于五湖之泉以

**增**軒轅鑿

始皇憩

軒轅游蜀見水

蓋乃鑿湖注水洞庭其一

養武士

溺宮人

太子湖一名西

池在金陵城北吳宣明太子所創晉明帝爲太子時修  
西池養武士落星湖在彭蠡湖西北宋孟太后過此

宮人舟覆溺者十千頃練萬株金白樂天宿太湖  
數惟太后舟無虞詩浸月冷波千

頃練苞霜新柳姑廟道士莊陸放翁鏡湖歌柳姑  
橘萬株金

爲租狂客詔賜葦老家居賀知章號四明狂客詔  
湖陰夜見珠光及第夢兒亭古教妓樓新白香山

亭古傳名謝教妓樓新道姓蘇皆山川如畫燕雀  
西湖上故事謝名客兒蘇稱小小

助封元武湖山川掩映如十里荷花三秋桂子見  
畫下見前燕雀湖

柳耆卿錢分風爲二劈流成兩見曹毗彭  
塘湖詞

湖四

原禦之于笠澤左傳越伐吳吳子禦相忘莊子曰魚  
相忘于江

湖

湖

湖

**增**使其阿曲

曲阿湖本名雲陽秦始皇以為有王氣鑿北阮山伐其直道使其阿曲故

曰曲河也

望五湖

太史公登姑蘇望五湖

**原**始波

文選洞庭始波木葉微脫

**增**貢橘

太湖洞庭山產橘白刺史有揀貢橘詩

西施採

李太白詠鑑湖荷花有五月西

施採之句

五月涼

杜工部詩越女天下白鑑湖五月涼

東灣北塢

白刺史遊太湖

自陽塢入明月灣詩曰湖山處

草綠裊腰

白刺史杭州望春詩

誰開湖寺西南路草綠裊腰一道斜蓋謂孤山寺路在湖之西南草綠時望如裊腰也

蒸雲夢

撼岳陽

孟浩然洞庭詩氣蒸雲夢澤波撼岳陽城

巴陵漁父

張志和漁歌云青草

湖中月正圓

比西子

蘇太守詩好把西湖比西子淡妝濃抹總相宜

**原**

銅船

劉欣期文州記曰有一湖去台流北四里至陰日百姓獵捕見銅船出水上

金牛

見

湖西

**增**異螺

范蠡湖產異螺陰雨即紆五采

異蟹

分湖半屬嘉善半屬吳江產異蟹

尤物

南宋紹興淳熙間君相耽樂湖山故論者以西湖爲尤物比西子之亡吳寃哉

良將

出

狀元生

進賢縣有日月湖水濶分爲二漲則合爲一中石人灘古諺曰日月湖明良將出

石人灘合狀元生

湖有四白

蜀有白羊湖沔有白鷺湖邛有白鹿湖新安寶應各有白馬湖

原池魚之思

池魚有江湖之思

石雁之候

詳見前

湖五

原

詩晉李顥涉湖詩曰旋經義興境頓棹石蘭渚震澤

爲何在今惟太湖浦圓徑縈五百矚目渺無覩高天森

若岸長津雜如縷窈窕尋灣漪迢遞望巒嶼驚飈揚飛

湍浮霄薄懸咀輕禽翔雲漢游鱗憇中澣黯藹天時陰

岩堯舟航舞馮河安可殉靜觀戒征旅 湛方生帆入



南湖詩曰彭蠡紀三江廬岳主衆阜白沙淨川路青松  
蔚巖首此水何時流此山何時有人運互推遷茲氣獨  
長久悠悠宇宙中古今迭先後 宋孝武濟曲阿後湖  
詩曰宵登毘陵路旦過雲陽郭平湖曠津濟菰渚迭明  
蕪和風翼歸采夕氛晦山岬驚瀾翻魚藻頽霞照桑榆  
謝靈運石壁還湖中作詩曰昏旦變氣候山水含清  
暉清暉能娛人遊子澹忘歸出谷日尚早入舟陽已微  
林壑斂暝色雲霞收夕霏芰荷迭映曖蒲稗相因依披  
拂趨南逕愉悅偃東扉 謝惠連汎南湖至石帆詩曰  
軌息陸塗初柁鼓川路始連漪繁波漾參差層峰峙蕭

踈野趣生透迤白雲起登陟苦跋涉瞬盼樂心耳即翫  
翫有竭在興興無已 謝靈運彭蠡口詩曰春晚綠野

秀巖高白雲屯千念集日夜萬感盈朝昏攀崖照石鏡  
牽葉入松門 梁元帝汎蕪湖詩曰桂潭連菊岸桃李

映成蹊石文如濯錦雲飛似散珪橈度菱根反舩去荇  
枝低颿隨迎雨燕鼓逐伺潮雞 范雲治西湖詩曰史

氏導漳水西門漑河潮圖始未能悅克終良可要擁鍤  
勸年首提爵勞春朝平臯草色嫩通林鳥聲嬌已集故

池鷺行蒔新田苗何吁畚築苦方懼魚稻饒 劉孝威

登覆舟山望湖北詩曰紫川通太液丹岑連少華堂皇

更隱映松灌雜交加荇浦浮新葉漁舟繞落花浴童爭  
淺岸漂女擇平沙極望傷春日迴車空狹斜 陳陰鏗

渡青草湖詩曰洞庭春溜滿平湖錦颿張源水桃花色  
湘流杜若香穴去茅山近江連巫峽長帶天澄迥碧映  
日動浮光行舟逗遠樹度鳥息危檣滔滔不可測一葦  
詎能航 劉刪汎宮亭湖詩曰迴艦乘派水舉帆逐分  
風滉漾疑無際飄揚似度空檣烏排鳥路船影沒河宮  
孤石滄波裏匡山苦霧中寄言千金子安知萬里蓬

**增**唐李白登巴陵望洞庭詩曰清晨登巴陵周覽無不  
極明湖映天光徹底見秋色秋色何蒼然際海俱澄鮮

山青滅遠樹水綠無寒煙來帆出江中去鳥向日邊風  
清長沙浦霜空雲夢田瞻光惜頽髮閱水悲徂年北渚  
旣蕩漾東流自潺湲郢人唱白雪越女歌採蓮聽此更  
腸斷憑崖泪如泉 韓愈登岳陽樓詩曰洞庭九州間  
厥大誰與讓南匯羣崖水北注何奔放瀦爲七百里吞  
納各殊狀自古澄不清環混無歸向炎風日搜攬幽怪  
多冗長軒然大波起宇宙隘而妨巍巍拔嵩華騰躍較  
健壯聲音一何宏轟磕車萬兩猶疑帝軒轅張樂就空  
曠蛟螭露筍簾縞練吹組帳鬼神非人世節奏頗跌宕  
陽施見夸麗陰閉咸悽愴朝廻宜春口極地缺隄障夜

纜巴陵州叢芮纔可傍星河盡涵泳俯仰迷下上餘瀾  
怒不已喧聒鳴甕盜明登岳陽樓輝煥朝日亮飛廉戢  
其威清晏息纖纒泓澄湛凝綠物影巧相况江豚時出  
戲驚波忽蕩瀆 趙冬曦秋夜遊澠湖詩曰政理常多  
暇方舟此泝洄吹笙虛洞答舉楫便風催山暗雪猶辨  
潭幽月稍來清溪無數曲未盡莫先回 宋之問泛鏡  
湖南溪詩曰乘興入幽棲舟行日向低巖花候冬發谷  
鳥作春啼沓嶂開天小叢篁夾路迷猶聞可憐處更在  
若耶溪 盧處約題太湖詩曰三萬六千頃湖浸海內  
田逢山方得地見月始知天南國吞將盡東溟勢欲連

何當洒爲雨無處不豐年 白居易錢塘湖春行詩曰

孤山寺北賈亭西水面初平雲脚低幾處早鶯爭暖樹  
誰家新燕啄春泥亂花漸欲迷人眼淺草纔能沒馬蹄  
最愛湖東行不足綠楊陰裏白沙堤 又西湖晚歸回

望孤山寺贈諸客詩曰柳湖松島蓮花寺晚動歸橈出

道場盧橘子低山雨重棕櫚葉戰水風涼煙波澹蕩搖  
空碧樓殿參差倚夕陽到岸諸君回首望蓬萊宮在水

中央 又春題湖上詩曰湖上春來似畫圖亂峰圍繞

水平鋪松排山面千重翠月點波心一顆珠碧毯線頭  
抽早稻青羅袞帶展新蒲未能拋得杭州去一半勾留

是此湖 杜甫過南嶽入洞庭湖詩曰洪波忽爭道岸  
轉異江湖鄂渚分雲樹衡山引軸轡翠芽穿蓑蔣碧節  
吐寒蒲病渴身何去春生力更無壞童犁雨雪漁屋架  
泥塗欹側風帆滿微冥水驛孤悠悠廻赤躡浩浩略蒼  
梧帝子留遺恨曹公屈壯圖聖朝光御極殘孽駐艱虞  
才淑隨廝養名賢隱鍛鑪邵平原入漢張翰後歸吳莫  
怪啼痕數危檣逐夜烏 孟浩然遊鏡湖寄包賀二公  
詩曰試覽鏡湖物中流見底清不知鱸魚味但識鷗鳥  
情帆得樵風送春逢穀雨晴將探夏禹穴稍背越王城  
府椽有包子文章推賀生滄浪醉後唱因子寄同聲

白居易汎太湖詩曰煙渚雲帆處處通飄然舟似入虛  
空玉盃淺酌巡方匝金管徐吹曲未終黃夾纈林寒有  
葉碧琉璃水淨無風避旗飛鷺翩翩白鷺鼓躍魚跋刺  
紅澗雪壓多松偃寒巖泉滴久石玲瓏書爲故事留湖  
上吟作新詩寄浙東軍府威容從道盛江山氣色定知  
同報君一事君應羨五宿澄波皓月中 賈至與李十  
二白同泛洞庭湖詩曰楓岸紛紛落葉多洞庭秋水晚  
來波乘興輕舟無近遠白雲明月弔湘娥 李白和詩  
曰洞庭西望楚江分水盡南天不見雲日落長沙秋色  
遠不知何處弔湘君 宋蘇軾懷西湖詩曰西湖天下



景遊者無愚賢深淺隨所得誰能識其全嗟我本狂直  
早爲世所捐獨專山水樂付與寧非天三百六十寺幽  
尋遂窮年所至得其妙心知口難傳至今清夜夢耳目  
餘芳鮮君持使者節風采爍雲煙清流與碧巘安肯爲  
君妍胡不屏騎從暫借僧榻眠讀我癖間詩清涼洗煩  
煎策杖無道路直造意所便應逢古漁父葦間自黃綠  
問道若有得買魚弗論錢 陸游思故山鏡湖詩曰千  
金不須買畫圖聽我長歌歌鏡湖湖山奇麗說不盡且  
復爲子陳吾廬柳姑廟前魚作市道士莊畔菱爲租一  
灣畫橋出林薄兩岸紅蓼連菰蒲陂南陂北鴉陣黑舍

東舍西飄葉赤正當九月十月天放翁艇子無時出船  
頭一束書船後一壺酒新釣紫鰕魚旋洗白蓮藕從渠  
貴人食萬錢放翁癡腹常便便暮歸稚子迎我笑遙指  
一抹西邨煙 蘇舜欽望太湖詩曰杳杳波濤閱古今  
四邊無際莫知深潤通曉月爲清露氣入霜天作暝陰  
笠澤魚肥人膾玉洞庭柑熟客分金風煙觸目相招引  
聊爲停橈一楚吟 歐陽修西湖泛舟呈運使學士張  
揆詩曰波光柳色碧溟濛曲渚斜橋畫舸通更遠更佳  
唯恐盡漸深漸密似無窮綺羅香裏留佳客絃管聲來  
颺晚風半醉廻舟迷向背樓臺高下夕陽中 林逋西

湖詩曰混元神巧本無形匠出西湖作畫屏春水淨於  
僧眼碧晚山濃似佛頭青樂爐粉堵搖魚影蘭杜煙叢  
閣鷺翎往往鳴榔與橫笛細風斜雨不堪聽 秦觀遊

鑑湖詩曰畫舫珠簾出繚牆天風吹到芰荷裳水光入  
座杯盤瑩花氣侵人笑語香翡翠側身窺綠酒蜻蜓偷  
眼避紅妝葡萄力緩單衣怯始信湖中五月涼 明高

啓太湖詩曰長溪如白虹分走荆雲派具區納羣流襟  
帶三郡界太虛混鴻濛元氣流沆瀣初疑溟渤寬稍覺  
雲夢隘茫茫雁飛遲颺颺帆度快雨來鼉報鳴風起鷗  
鷺邁神龍作淵都豈復數鱗介珠光照水府不受白日

曬朝看砲車雲雲浪動澎湃聲吹地將浮勢擊山欲壞  
黃頭雖輕生挨舵不敢懈有時湛明鏡峰吐青幾塊煙  
中樹若莎波上舟如芥漁就沙岸炊客來水祠拜震澤  
思禹功夫椒記吳敗白魚逢夏出黃柑待秋賣我性好  
遊觀夙負雲水債欲尋鷗鷺舸不顧涉險戒人生亦何  
爲世故自拘械萬事風飄花百年露垂蠶何當叩林屋  
秉炬訪仙怪試探不死方爲人起疴瘵 郭武晚渡白  
馬湖詩曰輕風小寒吹浪花新柳茸茸啼乳鴉平湖一  
望幾千頃遠水連天飛落霞斜陽忽隨澄波底白鳥猶  
明山色裏嚴更何處鼓鼙聲未斷漁燈起 陳叔

紹丹陽湖詩曰積水涵太虛一望何瀾瀾風瀾漾輕縠  
霞光映文綺遙山鳥外橫孤棹沙邊艤漁家夜語聲深  
在蘆花裏

**原賦**吳楊泉五湖賦曰余觀夫主五湖而察其雲物皇  
哉大矣以爲名山大澤必有記頌之章故梁山有奕奕  
之詩雲夢有子虛之賦夫具區者揚州之澤藪也有大  
禹之遺跡疏川導滯之功而獨闕然未有翰墨之美余  
竊憤焉敢忘不才述而賦之其辭曰濬矣大哉於此五  
湖乃天地之元源陰陽之所徂上值箕斗之精與雲漢  
乎同模受三方之灌溉爲百川之巨都居揚州之大澤

苞吳越之具區南與長江分體東與巨海合流太陰之  
所賦元靈之所遊追湖水而往還通蓬萊與瀛洲爾乃  
詳觀其廣深之所極延袤之規方邈乎浩浩漫乎洋洋  
西合乎濛汜東苞乎扶桑日月於是出入與天漢乎相  
望左有包山連以醴瀆峯嶺崔嵬穹隆紆曲右有平原  
廣澤蔓延旁薄原隰陂阪各有條格茹蘆菹葢隱軫看  
錯衝風之所去零雨之所薄

**增**唐陸贄月臨鏡湖賦

日月配陽含虛而明湖止水體柔而平光無不臨故麗  
天並耀清可以鑒因取鏡表名月包陰以成象水稟月  
而爲精兩氣相合實不入而疑入二美交映伊本清而

又清色皎潔而秋天愈靜波演漾而宵風乍輕類泗濱  
之磬見疑合浦之珠明至明洞幽至清無垢同位澤無  
遠不遍等達人以虛而受滿不可恃望之足戒以虧盈  
形或未分鑒之則辨其妍醜輕靄不起纖塵莫過沈璧  
彩而爲鏡碎金輝以成波皓質未判空聞田鶴之唳香  
風乍度暗傳蓮女之歌萬象皆總湛清光而不動極望  
靡窮凝虛皓而如空照同心千里之外洞遊鱗百丈之  
中棹影乍浮如上天邊之漢桂華不定多因蘋末之風

**原**祭文隋盧思道祭灤湖文曰維開皇元年十二月朔  
甲子具位姓名遣某官以清酌庶羞之饋敬祭灤湖之

靈曰泱泱澄湖南服之紀斜通海甸旁帶江汜深過百  
仞潤踰九里彭蠡莫儔具區非擬揚越不庭多歷年紀  
王師薄伐六軍戾止戒期指日馬首欲東常陰作沴零  
雨其濛水氣朝合天雲夜同申之苦霧繼以嚴風塗泥  
已甚軌躅不通有稽天罰用沮元戎唯夫百神受職水  
靈爲大皇王御宇率土無外當使日月貞明天地交泰  
雨師止其淋瀝雲將卷其蔚蒼東渡戈船南聳鷗旆收  
尉佗之黃屋納孫皓之青蓋然後革車旋軫戎卒凱歌  
楚俘霧集冀馬星羅無德不報有酒如河神之聽之斯  
言匪蹉



**增**記唐樊珣絳巖湖記曰句容西南三十三里曰赤山天寶中改爲絳巖山以文變質也出外周流厥有湖塘舊址考於前志則曰吳人創之梁人通之矣洎金火有變積爲習坎灌莽之所我唐麟德歲邑宰楊嘉延亦纂前服利農爲名楊氏之後又餘百年實滋菰蒲莫植粳稻大曆十二紀縣大夫兼大理司直太原王公昕能蘇罷勞且易弊俗臨湖而歎吟使臣之清風酌良牧之高課將圖永逸匪顧暫勞因察其地形訪以輿誦謀始作則定徒撰工月在休農雲其荷鍤周匝百頃蓄爲湖塘置兩斗門用以爲節旱曠則決而全注霖潦則瀦而不

流收功濟時道甚明遠開田萬頃瞻戶九鄉洎成奧區  
頗無凶歲魚稻之盛公實爲之昔叔敖芍陂能張楚國  
史起漳水竟富魏邦秦稱鄭國漢歌郢杜皆謂是也每  
商羊罷舞龍見而雩比屋有憂於銷鑠連阡莫覩於耕  
耨此則黛波齋淪白鳥飛滅下洞庭之鳧雁泳中流之  
鱸鮓橫塘之右構爲新亭芬其芰荷樹以杞柳楊楚江  
嶺憧憧是途行李實獲於蔭庥歌詠或藉於觀覽懿乎  
哉君子之用心也孰愈崇其島榭侈以林堂此而莫文  
翰墨奚述大曆十二年十月三日記

淵鑑類函卷三十二

頁

序  
此  
類

淵鑑類函卷三十三

地部十一 陂 池 谿 壑

陂一

**增**說文曰陂阪也一曰池也 禮月令曰畜水曰陂

**原**毛詩曰彼澤之陂有蒲與荷 淮南子曰譬若同陂

而溉田其愛水均也 **增**孫子海人曰橫海有魚一吸

萬頃之陂 **原**續漢書曰郭泰入汝南交黃叔度至南

州先過袁奉高不宿而去從叔度累日或以問泰泰曰

袁奉高之器譬諸汎濫雖清而易挹也叔度之器汪汪

若萬頃之陂澄之而不清混之而不濁不可量也

**增**

夢溪筆談曰瓦橋關北與遼人爲隣素無關河爲阻往  
歲天宅使何承矩守瓦橋始議因陂澤之地瀦水爲塞  
欲自相視恐其謀泄日會僚佐汎船置酒賞蓼畫以爲  
圖人莫喻其意自此始壅諸淀熙寧中又開徐邨柳莊  
等灤皆以徐鮑沙唐等河叫猴雞距五眼等泉爲之原  
東合滹沱漳淇易白等水并大河於是自保州西北沈  
遠灤東盡滄州泥枯海口幾八百里悉爲瀦潦澗者有  
及六十里者至今倚爲藩籬 老學庵筆記曰陂澤近  
時最多廢吾鄉鏡湖三百里爲人侵耕幾盡閭州南池  
亦數百里今爲平陸墳墓千計雖欲疏濬復其故亦不

可得又非鏡湖之比成都摩訶池嘉州石堂谿之類蓋不足道長安民契券至有云某處至花萼樓某處至含元殿者蓋盡爲禾黍矣而興慶池偶存十三至今爲吊古之地

陂二

**增**皇覽曰楚大夫子思造芍陂 淮南子曰孫叔敖作

期思之水灌雩婁之野期思即芍陂也 水經注云淝

水東北逕白芍亭下東注爲湖故名芍陂 九域志曰

雞陂在蘇州齊門外吳王畜雞城也 戰國策曰荆軻

奉燕督亢地圖以獻秦王督亢陂在涿州其地沃美

原史記曰高祖母曰劉媪常息大澤之陂夢與神遇

增漢書云江都王建游雷陂使郎二人乘小舟入陂中  
船覆兩郎溺攀舟乍見乍沒建臨觀大笑註曰即雷塘  
也 通典曰漢元帝建昭中召信臣爲南陽太守于穰  
縣南造鉗盧陂開六石門以節水勢杜詩爲守復修其  
業民歌曰前有名父後有杜母 漢書曰汝南舊有鴻  
郟大陂郡以爲饒成帝時關東數水波溢爲害丞相翟  
方進以爲決去陂水其地肥美遂奏罷之王莽時苦旱  
郡中追怨方進童謠曰壞陂誰翟子威飯我豆食羹芋  
魁反乎覆陂當復誰 後漢書云建武中太守鄧晨使

許陽爲都水掾復修鴻却陂陽曰昔成帝夢上天天帝怒曰何故壞我濯龍淵今明府興立廢業願效死力數年陂成 又謝承後漢書曰人有譖陽取錢者晨繫陽于獄戶自開械自釋出獄日暮陂上火光引前清德之感也 **原**漢宮殿疏曰雁鷺陂溉地六頃承昆明池下

流 抱朴子曰葛仙公每飲酒醉常入家門前陂水中卧竟日乃出 **增**神仙傳曰壺公以竹杖與費長房長

房投杖葛陂成龍東漢置葛陂縣旋廢 **原**魏略曰明

帝出次摩陂有龍見於井中帝出觀因改摩陂爲龍陂

**增**異苑曰東鄉太湖吳時軍士五百人將破堰先以



酒肉祈神夜夢人云塘水速竭若見巨鱗慎勿殺也又有銅釜並不可發明往決水得白魚剖之見昨所祭餘食充溢腸內須臾復得釜又取發水便暴出五百人一

時沒溺唯督監得存今名此湖爲五百陂

**原**汝南先

賢傳曰鄭敬去吏隱居于蟻陂之陽以漁釣自娛彈琴詠詩常方坐於陂側 襄陽耆舊傳曰宜城縣東北角有鬲斗陂

**增**

唐志鄭州管城縣有僕射陂後魏孝文

賜僕射李冲因爲名 長安志曰漢陂出終南山諸

谷合胡公泉爲陂陂產五味魚甚美因誤名之唐寶曆間令尚食禁採捕其水仍令百姓灌溉 西陂見杜甫

詩為愛西陂好 教坊記云唐教坊前月陂形如偃月

陂三

**增**畜雞

放鶴

上見陂二 干此籠得白鶴

放鶴陂在武岡州梁崔穆

鴈鷺

鷓鴣

上見陂二 內黃縣最饒魚蒲之利

鷓鴣陂在

**原**奏罷

修

復

鴻却陂西漢翟方進奏罷 東漢鄧晨修復俱詳陂二

貫貸

引灌

甯成曰仕不至二千

石賈不至千萬安可比人乃貫貸陂田千餘頃假貧人役使數千家

張禹為下邳守引灌蒲陽陂成龍見前

與糧種種鄰郡 貧者歸之

見前

**增**投杖

禁魚

葛陂 漢陂禁民間漁

見前

游雷

偃月

並見前

**原**無漉

月令無漉陂池

不清

澄之

**增**獻督亢

造鉗盧

二陂俱見前

賜僕射

記大

農

上見陂二 韋璠有

穿渠溉田

負土種稻

晉青龍元

地部

大農陂記

陂

年穿城固渠臨陂溉田數千餘頃魏志夏侯惇為濟陽守斷大水作陂自負土率將士種稻人賴其利

泛漢吟雕名魚號鄭庭堅作雕陂歌魚君陂在任

丘縣唐令魚思賢鑿故名魚君陂故號鄭陂

陂四

**增**九澤既陂禹貢也愛其功敬其事愛敬陂在揚州方

守陳瑩所設時人愛其功敬其事故以名之**原**斷水為陂魏夏侯惇事

穿渠築陂晉青龍中事**增**方梁石洫汝南多陂池歲決壞費二千餘

萬鮑昱為太守作方梁石飛陂朝野僉載曰秦州數

陂四五里陂上桑白筍長嘯李太白遊白筍陂詩曰白

陂塘五百九十八所韋丹為江南西道觀察使凡為

頃

陂陀臺榭

左僕射劉仁軌謂御史狄仁傑曰古天子陂陀臺榭皆深宮複禁不欲百姓見

之恐傷其心而今列岸侈廊亘玉城之外豈愛君哉

印文三百里

宋黃庭堅雕陂詩曰雕陂

之水清且泚屈爲印文三百里

田頭春新穀

王庭珪寅陂詩田頭已打新春穀

陂五

**原**詩魏文帝於元武陂作詩曰兄弟共行遊驅車出西

城野田廣開闢川渠互相經黍稷何鬱鬱流波激悲聲

菱芡覆綠水芙蓉發丹榮柳垂重陰綠向我池邊生乘

渚望長洲羣鳥譁譁鳴萍藻汎濫浮澹澹隨風傾

唐杜甫漢陂西南臺詩曰高臺面蒼陂六月風日冷兼

葭離披去天水相與永懷新目似擊接要心已領彷彿

地部

詩鑑頁七卷三十一

陂

五

識鮫人空蒙辨魚艇錯磨終南翠顛倒白閣影酋率增  
光輝乘凌惜俄頃勞生媿嚴鄭外物慕張邴世復輕驂  
騶吾甘雜鼃黽知歸俗可忽取適事莫並身退豈待官  
老來苦便靜况資菱芡足庶結茆茨迥從此具扁舟彌  
年逐清景 李白遊秋浦白筇陂詩曰白筇夜長嘯爽  
然溪谷寒魚龍動陂水處處生波瀾天借一明月飛來  
碧雲端故鄉不可見腸斷止西看 杜甫漢陂行曰岑  
參兄弟皆好奇携我遠來遊漢陂天地慘黯忽異色波  
濤萬頃堆琉璃琉璃漫汗泛舟入事殊興極憂思集鼉  
作鯨吞不復知惡風白浪何嗟及主人錦帆相爲開舟

子喜甚無氛埃鳧鷖散亂棹謳發絲管啁啾空翠來沉  
竿續蔓深莫測菱葉荷花靜如拭宛在中流渤澥清下  
歸無極終南黑半陂已南純浸山影動裊窕冲融間船  
舷暝戛雲際寺水面月出藍田關此時驪龍亦吐珠馮  
彛擊鼓羣龍趨湘妃漢女出歌舞金支翠旗光有無咫  
尺但愁雷雨至蒼茫不曉神靈意少壯幾時柰老何向  
來哀樂何其多 岑參與鄠縣羣官泛漢陂詩曰萬頃  
浸天色千尋窮地根舟移城入樹岸濶水浮邨閒鷺驚  
簫管潛蚪傍酒樽暝來呼小吏列火儼歸軒 又與源  
少府泛漢陂詩曰載酒入天色水涼難醉人清搖縣郭

動碧洗雲山新吹笛驚白鷺垂竿跳紫鱗憐君公事後  
陂上日娛賓 王維泛前陂詩曰秋空自明迥况復遠  
人間暢以沙際鶴兼之雲外山澄波淡將夕清月皓方  
閑此夜任孤棹曩猶殊未還 宋黃庭堅雕陂詩曰雕  
陂之水清且泚屈爲印文三百里呼船載過七十餘寨  
裳亂流初不記竹輿嘔啞山徑涼僕姑呼婦聲相籜篁  
中猶道泥滑滑僕夫慘慘耕夫喜窮山爲吏如漫郎安  
能爲人作嚙矢老僧迎謁喜我來吾以王事篤行李知  
民虛實應縣官我寧信目不信耳僧言生長八十餘縣  
令未曾身到此 王庭珪寅陂行詩曰安成城頭烏夜

宿啼鳥未起雞登木傾邨入城來送君馬首摩肩袂相  
屬但有龐首不識名何物老翁出山谷老翁持酒前致  
詞家住西邨大江曲大江兩岸皆腴田古有寅陂置官  
屬自從陂廢田亦荒官中無人開舊瀆公訟故道堰橫  
流陂傍秔稻年年熟今年雖旱翁不憂田頭已打新春  
穀誰云此陂會當復老父曾聞兩黃鵠嗟哉如君不負  
丞躬行阡陌勸農耕監司項背只相望風謠滿路胡不  
聽胡不聽寅陂行爲扣天關叫一聲

**原**銘晉張載洪池陂銘曰開源東注出自城池魚鼈熾  
殖水鳥盈涯菱藕狎秔稻連畦漸臺中起列館參差



惟水泱泱厥大難訾

**增記**唐梁肅通愛敬陂水門記曰歲在戊辰揚州牧杜公命新作西門所以通水庸致人利也當開元以前京江崖於楊子海潮內于邗溝過茱萸灣北至邵伯堰湯湯渙渙無隘滯之患其後江派南徙波不及遠河流浸惡日淤月填長民者時興開鑿隨導隨塞百有餘年矣公相川源度水勢自江東而西循蜀岡之右得其浸曰句城湖又得其浸曰愛敬陂方圓百里圖以上聞帝用嘉允乃召工徒修舊防節以斗門釀爲長源直截城隅以灌河渠水無羨溢道不迴迂於是漕輓商旅以通其

夾隄之田旱暵得其溉霖潦得其歸化磽薄而爲膏腴者不知幾千萬畝野人誦曰撫撫原田自今以始歲其豐年都人誦曰沔彼流水我邦是紀鍾美不知按陂塘本魏廣陵守陳登所設時人愛其功而敬其事故以名之

韋瓘南陵縣大農陂記曰先時縣有廢陂曰大農積歲不理空規殘狀非鄉黨之壽耆不可歎識范君乃名鄉老里正尹而計之具畚揭列綆鋪筥礫礮堅披材輦壤日必巡丈周察勢便法以督姦勤以勸勞於是斬莽闢蕪撥腐曝淤事於農隙三旬而畢其大也驅江波六十里闢荒梗數萬畝厥功旣成乃有風雨暴鬪虺虺

沸會似聞構作及乎雨斬雲除則沙洲突出力捍嶺下  
信爲神物所相雖使江河合災驚濤稽山大浸崩驅暴  
猛來敵亦不能軼峻防而侵厚趾其或火雲蒸天旱魃  
爲虐而翠激搖岸澄瀾浴月溶溶浩浩獨落天光貫畦  
浮塍卒歲之漑千頃豈爲多哉

池一

**增**孔安國曰澇水曰池圓曰池方曰沼 **原**毛詩曰東

門之池可以漚麻 又曰王在靈沼於物魚躍 **增**莊

子曰南溟者天池也 淮南子曰日出于暘谷入于咸

池 又曰陰氣極則下至黃泉故不可鑿池穿井 **原**

顧子曰與子華遊東池子華曰水有四德池爲一焉沐  
浴羣生澤流萬世仁也揚清激濁滌蕩塵穢義也弱而  
能勝勇也導江疏河變盈流謙智也顧子曰我得汝於  
池上矣逸士傳曰堯讓天子於許由許由逃巢父聞  
之洗耳於池六韜曰殷君喜爲酒池迴船糟丘

**增**

呂氏春秋曰衛靈公天寒鑿池宛春諫曰天寒公曰天  
寒乎宛春曰公衣狐裘坐熊席陬隅有竈是以不寒

左傳曰晉人謀去故絳諸大夫皆曰必居郇瑕氏之地  
沃饒而近鹽注鹽產鹽池也又昭公十九年鄭大水

龍鬪國人請禱焉子產曰我鬪龍不我覲也龍鬪我獨

何覲焉固不許後人呼其處爲蛟龍池 春秋曰哀公

十三年公會晉侯吳子於黃池 **原**漢書曰賈山奏事

吳王曰吳有諸侯之位而實富於天子游曲臺臨上路

不如朝夕之池 **增**又曰宣帝詔曰池籩未御幸者假

與貧民 又曰宣帝神爵元年金芝生於涵德殿銅池

中 後漢書云馮異上光武書曰始雖垂翅迴谿終能

奮翼澠池 晉書曰荀勗久在中書專管機事失之甚

怏怏或有賀之者勗曰奪我鳳凰池諸君何賀也 又

晉王羲之書曰張芝臨池學書池水盡黑使人耽之若

是未必後之也 唐書曰杜亞拜淮南節度使泛九曲

池曳繡爲帆詭曰要當稱是林沼李衡曰未有錦纜云  
何亞大慙 酉陽雜俎曰蜀將軍皇甫直別音律好彈  
琵琶元和中嘗造一調乘涼臨水池彈之本黃鐘而聲  
入蕤賓因更弦再三奏之聲猶蕤賓也隔日又奏於池  
上聲如故試彈於他處則黃鐘也直因調蕤賓夜復鳴  
彈於池上覺近岸波動有物激水如魚躍直遂集客車  
水竭池索之泥下丈餘得鐵一片乃方響蕤賓鐵也

**原**

總載池名

紂有酒池

穆天子西征有元池瑶池

樂池與西王母宴所

齊景公有昭華池

秦有蘭池

鎬池

漢有建章宮太液池中築方丈瀛洲象海中神

山春二月黃鵠下池中 未央宮有滄池中築漸臺王  
莽死其上 漢上林有池十五所承露池昆靈池池中  
有倒披蓮連錢荇浮浪根菱天泉池上有連樓閣道中  
有紫宮戟子池龍池魚池牟首池蒯池菌鶴池西陂池  
當路池東陂池太乙池牛首池積草池池中有珊瑚高  
丈二尺一本三柯四百六十條尉佗所獻號曰烽火樹  
糜池舍利池百子池七月七日臨百子池作于闐樂樂  
畢以五色縷相羈謂爲相連愛 東漢有九龍池御龍  
池靈芝池白石池濯龍池天泉池 魏在鄴有淶水池  
瓊華池疏圃池元武池靈芝池在洛有天淵池池中築

九華臺流杯池幽泉池陰流池鳴鶴池 吳有太子池

孫權子和築至晉明帝呼爲太子池 西晉有舍利池

都亭池靈芝池濛汜池張載作賦者潛靈池淥池 東

晉有清游池流杯池 宋有天淵池華林池池有雙蓮

同榦芙蓉異花並蒂 後梁有靈泉池 後魏有鴻雁

池流化池 後燕有清淨池 前梁有閑豫池池有龍

影五彩遂鑄銅龍於其上 南燕有申池 赫連勃勃

有淥漣池 大梁有蓬池 襄陽有習池山簡所遊者

荊州有蔡子池 臨沅縣有明月池 益州有萬歲

池天井池千秋池雙龍池邛池 洺州有干將池華曲



池 於潛有蛟龍池

池二

**增**史記封禪書曰豐鎬有天子辟池索隱曰即周天子辟雍之地 **原**穆天子傳曰天子西征至于元池天子

三日休于元池之上乃奏廣樂而歸是曰樂池 又曰

天子觴西王母于瑤池之上西王母爲天子歌白雲之

謠 **增**史記曰秦始皇三十六年有人持辟遮使者曰

爲我遺鎬池君 又曰秦始皇微行夜出逢盜蘭池

三秦記曰秦始皇作長池引渭水東西二百里南北二

十里築土爲蓬萊山刻石爲鯨魚長二百丈 漢書曰

昆明有滇池方三百里漢將伐昆明以通身毒使謫卒  
伐棘上林象滇作昆明池以習水戰昆明池中有二石  
人如牽牛織女有戈船樓船各數百艘 又漢武鑿昆  
明池極深悉是灰墨無復土問東方朔答曰可問西域  
胡人後有西域來者問之曰天地大劫將盡則劫燒此  
劫燒之餘灰也 拾遺記曰漢武引太液之水更穿淋  
池時命水嬉製汎洪波折芟荷曲使宮人歌之 太平  
寰宇記曰武帝作酒池以誇羗胡飲以鐵杯重不能舉  
皆抵牛飲 西京雜記曰梁孝王作兔園園有雁池池  
中有鶴洲鳧渚奇果異樹瑰禽怪獸畢備王日與宮人

及賓客弋釣其中 琅環雜記曰倉公夢遊蓬萊山見  
宮室崔嵬金碧璀璨忽一童子以杯水進倉公飲畢五  
內寒徹仰首見殿榜曰上池仙館始知飲乃上池水也  
由是神於胗脉 寰宇記曰渥洼池在黎州蠻部內池  
產龍馬 又曰彈子池在南陽相傳光武彈蛙于此池  
至今不鳴 水經注云蔡州西蔡倫故宅傍有蔡子池  
倫漢黃門郎順帝之世始擣故魚網爲絇用代簡素  
益州記曰三雅池在閬中昔有人于此得三銅器狀如  
杯盞上各有篆字一曰伯雅二曰仲雅三曰季雅魏文  
典論曰靈帝末斗酒直萬錢劉表一子好飲乃製三爵

大曰伯雅注一斗次曰仲雅注七升小曰季雅注五升  
今池所得乃劉氏酒器也

**原**魏氏曰黃初三年穿靈

芝池四年有鵜鵠集池上詔曰詩人所謂汗澤也曹詩  
刺共公遠君子而近小人豈有賢智之士處於下位乎  
否則斯鳥何爲而至

**增**文選曰魏文帝夜游西園于

芙蓉池作詩 郡國志曰浣筆池在沂州舊傳王羲之

浣筆處 綱目集覽云望江縣王祥池雖極凍其中有

人形 **原**襄陽記曰漢侍中習郁于峴山南大魚池依

范蠡養魚法種楸梧芙蓉菱芡山季倫每臨此池輒大  
醉而歸恒曰此我高陽池也城中小兒歌之曰山公何

所往來至高陽池日夕倒載歸酩酊無所知

**增**列仙

傳云葛洪經贛州興國縣境見山靈水秀遂結廬築壇

鑿池洗藥

至今茲池  
各洗藥

留詩曰陰洞泠泠風佩清清仙居

永刼花木長榮

統志云貴池在池州梁昭明太子以

其魚美封爲貴池

世說云遼州漚麻池石勒嘗與李

陽爭此地及勒爲王引陽語云孤往日厭卿老拳卿亦

飽孤毒手

益州記曰摩訶池在成都隋蜀王秀取土

築廣子城因爲池有胡僧見之曰摩訶宮毗盧蓋梵語

呼摩訶爲大宮毗盧爲龍謂此池廣大有龍耳

魏徵

本傳曰太宗宴羣臣積翠池酣樂賦詩魏徵賦西漢其

卒章曰終藉叔孫禮方知皇帝尊帝曰徵言未嘗不約  
我以禮 劇談錄曰曲江池本秦隄洲開元中疏鑿煙  
水明媚中和上巳之節綵幄翠幃匝於堤岸京兆府大  
陳筵席長安萬年兩縣以雄盛相較百辟會於山亭恩  
賜太常及教坊聲樂池中備綵舟數隻唯宰相與翰林  
學士登焉每歲傾動皇州以爲盛觀 明皇雜錄曰祿  
山犯闕王維等爲賊所執一日逆黨大會於凝碧池奏  
樂王維聞之賦詩曰萬戶傷心生野煙百官何日更朝  
天秋槐葉落空宮裏凝碧池頭奏管絃賊平維以此詩  
得免 德宗實錄曰貞元十三年浚魚藻池深五尺

李石開成錄曰文宗論德宗奢靡云聞得禁中老宮人  
每引泉先於池底鋪錦王建宮詞曰魚藻宮中鎖翠娥  
先皇行處不曾過只今池底休鋪錦菱角雞頭積漸多  
是也 李絳傳曰憲宗嘗畋苑中至蓬萊池謂左右曰  
絳嘗以諫我今可返也其見禮憚如此李德裕詩注學  
士初賜食皆蓬萊池魚鱠 唐書曰蔣鎮爲諫議大夫  
時戶部侍郎判度支韓滉上言河中鹽池生瑞鹽實土  
德之瑞上以秋霖爲患不宜生瑞 寰宇記曰懸瓠池  
在汝陽縣唐李愬攻吳元濟雪夜擊鵝鴨以亂軍聲即  
此俗呼爲鵝鴨池 湘潭記曰洗筆池在湘鄉唐褚遂

良貶潭州都督時洗筆於此宋咸淳間邑宰趙必槐于  
池中得斷碑上刻褚公湘潭偶題詩 吳錄云相國池

唐大曆中李晤官烏程其子紳方一歲墜此池若有物  
扶之出紳後爲相故名 柳子厚愚溪記曰池曰愚池

統志云墨池在廬州府無爲州治內米芾爲守時所  
鑿池中蛙聲聒人芾取瓦片書押字投之遂不鳴上有  
芾書墨池二字 蘇東坡集云王仲至謂趙德麟曰余

嘗奉使過仇池有九十九泉萬山環之可以避世如桃  
源 **原**華陽國志曰滇池縣有澤水周迴二百餘里所

出深廣下流淺狹如倒流故曰滇長老相傳池有神馬



與家馬交則生駿駒稱之曰滇駒日行五百里 續述  
征記曰大梁西南七十里尉氏縣有蓬池 梁州記曰  
明月池南二里有七女池 **增**郡國志曰合浦海曲出  
珠號曰珠池 拾遺記曰員嶠山西有星池周千里水  
色隨四時變化有神龜出爛石之上此石常浮水際方  
數百里其色多紅質虛似肺燒有煙香聞數百里煙氣  
升天則成香雲遍潤則成香雨

池三

**增**瑞星

皓月

瑞星池在雷州府南即寇萊公舊居也  
宋天聖間有星隕於池翌日求之得一

石皓月

確山縣西北樂山頂有池名  
中有四季蓮花可供遊賞

承露

浣雲

三秦  
記漢

上林苑有承露池 杭州舊報恩寺中有 金斗玉

舞鳳軒浣雲池今萬松書院其故址也 壺 金斗池在廬州按合肥縣入斗度獨多故號金斗城

僧法藏建普光 取此義 元元統間丞相莫華捨地與 庵中有玉壺池 醒水 仙源 杭州慈聖院有呂公池

水咒之以施病者輒愈號聖水池 宋乾道間高僧能取池 池在南溪縣北劉景鶴嘗用此水以煉丹 太子相

國 吳有太子池 相國 醒母 仙女 黔縣山聖母祠 池在烏程縣詳見前

訟者各執楮錢禱之實則沉虛則浮 柳 百子 七 州府象州東雷山之巔有仙女池深丈餘

女 漢宮中有百子池 影娥 落妃 漢武帝登俯月臺 洋縣有七女池 影娥池 楊貴妃 月影入池中如仙

人乘舟笑弄月影因名影娥池 楊貴妃 飲軍 浴 生於蜀嘗誤落池中後人呼為落妃池

仙 宜山縣城南有飲軍池宋景德四年軍校陳進叛圍 飲軍 浴 縣城時池水久涸偶爾湧出閣門使曹利平賊飲軍

於此池故名 南昌府子城東有浴仙池相傳有少年 見美女五人脫五彩衣於岸側浴池中少年戲藏其一

地部 附錄 卷之三十一

諸少女浴竟著衣化白鶴去獨失衣女不能去隨  
至少年家爲夫婦約以三年還其衣亦飛去  
飲馬

躍龍 含山縣有飲馬池在關東之巔相傳開羽飲馬  
於池 成都府東南有躍龍池相傳隋開皇中

伐陳鑿大池 留犢 靜蛙 壽州西南有留犢池魏時  
以習水戰 留犢 靜蛙 苗爲壽春令始之官犢牛

生一犢及去留之故名 安吉縣常樂寺有靜蛙池昔  
肇法師厭蛙聲聒耳驅而去之至今池中不生科斗又

善化縣微菴院前有池夏無蛙聲相傳 玩鶯 鳴  
宋張栻讀書於此厭蛙聲禁之乃息亦名 玩鶯 鳴

鶴 宜興縣南有玩鶯池相傳王羲之玩  
鶴 靈芝 嘉蓮 嘉蓮池 嘉蓮池 嘉蓮池

晉宮闕記有靈芝池 嘉蓮池 嘉蓮池  
在無爲州城北池多植嘉蓮 洗參 漚麻 林縣西

池相傳爲王母洗藥之所故名 採珠 漚麻 有洗參  
漚麻池在開封府詳見前 採珠 漚麻 有洗參

有珠母海中有平江懸梅青嬰三池池中有珠每月  
明之夜其光燭天即古合浦珠也人採珠者以長繩繫

腹携竹籃入水拾蚌置籃內則振繩令舟人汲取之不  
幸遇惡魚一線血浮水面則知人已葬魚腹矣 永州

郡後有池淬鐵爲

戎器名鐵作池

覆杯

洗鉢

覆杯池在金陵古臺城太初宮中昔晉元

帝頗以酒廢政

王導諫之帝因覆杯池中以爲

戒地記紫金山有洗鉢池應潮井道光泉

采鱗

浮文鷁

班固典引曰擾緇文皓質於郊升黃輝

原升

後遊於清池浮

承河漢

象扶桑

承河漢

張載濼記賦曰仰

京賦曰象扶桑與

肆舟師

奏廣樂

魏志曰太祖還

濼記詳昆明池

凝碧管絃

並見前

芙

肆舟師詳見池二

增積翠詩賦

押書蛙部

並見前

蓉夜遊

蓬萊嘗畋

並見前

押書蛙部

滌墨鷺羣

上詳采葑禁蛙事

王羲之

山騎酩酊

旭草淋漓

愛鷺于戢山鷺池內

下見

滌墨

張旭臨池池水盡黑

池四

池部

目蓋頁白卷三十一

池

**增** 監于商辛

西征賦酒池監於商辛

行船

西京記秦始皇造酒池漢武行船其中

織女機絲石鯨鱗甲

俱漢武昆明池中所製

大官供膳資天

泉

晉孝武太元間大旱井瀆皆竭大官供膳資天泉池

山水忘情

梁昭明太子于臺城東鑿

池名善泉汎舟池中嘗曰何必絲與竹山水可忘情

唱迴波諫失禮

唐中宗游興慶池侍

宴者迭唱迴波詞喧雜失禮次諫議大夫李景伯亦起歌曰迴波爾持酒卮微臣職在箴規侍宴既過三爵喧嘩竊恐非宜

于是罷坐

放生碑銘

唐肅宗詔天下近城郭處置放生池始于洋州興道迄于

昇州江寧凡八十所顏真卿爲碑銘

流杯

唐長寧公主有流杯池上官昭容遊汎賦詩

樓

臺氣色鳧鴈光輝

見沈佺期奉和聖製龍池篇中句

恩魚瑞鶴

蘇頌

應制詩恩魚不入昆明

淬劍詩

宋歐陽程爲永州郡吏淬劍於鐵作池有

釣瑞鶴長隨太液仙寒影倒吞凌漢樹冷光高浴半天星之句太守驚異使歸學成進士

送鯉文

宋天駘中醴泉縣人

有捕得角鯉者放之復

活盧載作送角鯉文

醒酒 宋洛陽董氏有大池中

噴瀉醉者輒

手譚

日本國有手譚池池上玉碁子不由制度黑白分明

池五

詩魏文帝芙蓉池詩曰乘輦夜行遨逍遙步西園雙

渠相灌溉嘉木繞通川卑枝拂羽蓋修條摩蒼天丹霞

夾明月華星出雲間遨遊快心意保已終百年 陳王

曹植詩曰逍遙芙蓉池翩翩戲輕舟南楊棲雙鶻北柳

有鳴鳩 宋謝瞻遊西池詩曰逍遙越郊肆願言屢經

過廻阡被陵闕高臺眺飛霞惠風蕩繁囿白雲屯曾阿

寒裳順蘭沚徙倚引芳柯美人愆歲月遲暮獨如何

梁武帝首夏汎天池詩曰薄遊朱明節汎漾天淵池舟  
楫互容與藻蘋相推移碧沚紅菡萏白沙青漣漪新枝  
拂舊石殘花落故池葉軟風易出草密路難披 簡文

帝山池詩曰日暮芙蓉水聊登鳴鶴舟飛艫飾羽氄長  
幔覆緹紉停輿依柳息住蓋影空留古樹橫臨沼新藤  
上挂樓魚游向閣集戲鳥逗楂流 庾肩吾山池應令  
詩曰閨苑秋光暮金塘收潦清荷低芝蓋出浪湧燕舟  
輕逆湍留棹唱帶谷聚笳聲野竹交臨浦山桐迥出城  
水逐雲峰閣寒隨殿影生 王臺卿山池詩曰歷覽周  
仁智登臨歡豫多穿渠引金谷闢道出銅駝長橋時跨

水曲閣乍臨波巖風生竹樹池香出芰荷石幽銜細草  
林末度橫柯 鮑至山池詩曰望園光景暮林觀歇氛  
埃荷疎不礙檝石淺好縈苔風光逐榜轉山靄向橋開  
樹交樓影沒岸暗水光來 後魏溫子昇春日臨池詩  
曰光風動春樹丹霞起暮陰嗟峨映連壁飄颻下散金  
徒自臨濠渚空復撫鳴琴莫知流水曲誰辨游魚心

周庾信奉和山池詩曰樂宮多暇豫望苑暫迴輿鳴笳  
陵絕浪飛蓋歷通渠桂亭花未落桐門葉半疎荷風驚  
浴鳥橋影聚行魚日落含山氣雲歸帶雨餘 又奉和  
初濟池成清晨臨汎詩曰千金高堰合百頃浚源開翻



逢積草浪更識昆明灰虎嘯風還急鷄鳴潮即來時看  
青雀舫遙逐桂舟迴 王褒元圃濬池詩曰長洲春水  
滿臨汎廣川中石壁如明鏡飛橋類飲虹垂楊夾浦綠  
新桃緣逕紅對樓還泊岸迎波暫守風漁舟釣欲滿蓮  
房採半空於茲臨北闕非復坐牆東 又山池落照詩  
曰竹館掩荆扉池光晦晚暉孤舟隱荷出輕棹染苔歸  
浴禽時侶竄驚羽忽單飛 徐陵山池應令詩曰畫舸  
圖仙獸飛艫挂采旂榜人事金牒釣女飾銀鈎細萍時  
帶櫂低荷乍入舟猿啼知谷晚蟬咽覺山秋 又奉和  
山池詩曰羅浮無定所鬱島屢遷移不覺因風雨何時

入後池樓臺非一勢臨翫自多奇雲生對戶石後挂入  
欄枝 陳陰鏗經豐城劔池詩曰清池自湛淡神劔久  
遷移無復連星氣空餘似月池夾篠澄深淥含風結細  
漪唯有蓮花萼還想匣中雌 **增**唐陳子昂于長史山

池三日曲水詩曰摘蘭籍芳日被宴坐迴汀汎灑清流  
滿葳蕤白芷生金絃揮趙瑟玉柱弄秦箏巖榭風光媚  
郊園春樹平煙花飛御道羅綺照昆明日落紅塵合車  
馬亂從橫 白居易官舍內鑿小池詩曰簾下開小池  
盈盈水方積中底鋪白沙四隅甃青石勿言不深廣但  
足幽人適泛灑微雨朝泓澄明月夕豈無大江外波浪

連天白未如牀席間一片秋天月 唐杜審言遊義陽

公主山池詩曰逕轉危峰逼橋斜缺岸方玉泉移酒味

石髓換粳香綰霧青條弱牽風紫蔓長猶言宴樂少別

向後池塘 上官昭容遊長寧公主流杯池詩曰暫爾

遊山第淹留惜未歸水窓明月滿澗戶白雲飛書引藤

爲架人將薜作衣此真攀玩所臨睨賞光輝 崔湜唐

都尉山池詩曰曲渚颺輕舟前溪釣晚流鴈翻蒲葉起

魚撥荇花遊金子懸湘柚珠房拆海榴幽探惜未已清

月半西樓 王維和伊諫議史館山池作詩曰雲館接

天居霓裳侍玉除春池百子外芳樹萬年餘洞有仙人

籀山藏太史書君恩深漢帝且莫上空虛 李白游昌

禪師山池詩曰客來花雨際秋水落金池片石寒青錦  
疎楊挂綠絲高僧拂玉柄童子獻霜梨惜去愛佳景煙  
蘿欲暝時 杜甫與任城許主簿遊南池詩曰秋水通  
溝洫城隅進小船晚涼看洗馬森木亂鳴蟬菱蕪經時  
雨蒲荒八月天晨朝降白露遙憶舊青氈 白居易題

東林寺雙池詩曰向晚雙池好初晴百物新裊枝翻翠  
羽濺水躍紅鱗萍汎同游子蓮開當麗人臨流一惆悵  
還憶曲江春 温庭筠盧氏池上遇雨贈同遊詩曰簟  
翻涼氣集溪上潤殘葦萍皺風來後荷喧雨到時寂寥

閒望久飄洒獨歸遲無限松江恨勞君解釣絲 沈佺  
期興慶池侍宴應制詩曰碧水澄潭映遠空紫雲香駕  
御微風漢家城闕疑天上秦地山川似鏡中向浦廻舟  
萍已綠分林蔽殿槿初紅古來徒羨橫汾曲今日宸遊  
睭藻雄 韋元旦詩曰滄池漭沆帝城邊殊勝昆明鑿  
漢年夾岫旌旂疏輦道中流簫鼓振樓船雲峰四起迎  
宸幄水樹千重入御筵宴樂已深魚藻詠承恩更欲奏  
甘泉 沈佺期奉和睭制龍池篇曰龍池躍龍龍已飛  
龍德先天天不違池開天漢分黃道龍向天門入紫微  
邸第樓臺多氣色君王鳧雁有光輝爲報寰中百川水

來朝此地莫東歸 蘇頌詩曰西京鳳邸躍龍泉佳氣  
休光鎮在天軒后霧圖今已得秦王水劍昔嘗傳恩魚  
不入昆明釣瑞鶴長隨太液仙願侍巡遊同舊里更聞  
簫鼓濟樓船 方干于秀才小池詩曰一泓激灑復澄

明半日功夫斲小庭占地無過四五尺浸天應入兩三  
星鷁舟草際浮霜葉魚火沙邊駐水螢纔見規模識方  
寸知君立意象滄溟 杜甫天池詩曰天池馬不到嵐

辟鳥纔通百頃青雲杪層波白石中鬱紆騰秀氣蕭瑟  
浸寒空直對巫山出兼疑夏禹功魚龍開闢有菱芡古  
今同聞道奔雷黑初看浴日紅飄零神女雨斷續楚王

風欲問支機石如臨獻寶宮九秋驚鴈序萬里狎漁翁  
更是無人處誅茅任薄躬 明黎民表西山玉泉池詩

曰圓淳知異脉方折紀靈蹤濯月金規滿含風石鏡融  
平湖隱作浪曲澗瀉爲淙一入昆明去千秋照綺櫳

**原賦**晉張載濛汜池賦曰麗華池之湛淡開重壤以停  
源激通渠於千金承灑洛之長川挹洪流之汪濊包素  
瀨之寒泉旣乃北通醴泉東入紫宮左面九市右帶閭  
風周墉建乎其表洋波洄乎其中幽瀆傍集潛流獨注  
仰承河漢吐納雲霧綠以綵石殖以嘉樹水禽育而萬  
品珍魚產而無數蒼苔汎濫修條垂榦綠葉覆水元蔭

軫岸紅蓮煒而秀出繁葩艷以煥爛遊龍躍翼而上征  
翔鳳因儀而下觀想白日之納光覩洪暉之皓盱於是  
天子乘玉輦時遨遊排金門出千秋造綠池鏡清流翳  
華蓋以逍遙攬魚釣之所收纖緒挂而鱸鮓來芳餌沈  
而鯁鯉浮豐夥踰於巨壑信可樂以忘憂 郭璞鹽池

賦曰水潤下以作鹹莫斯鹽之最靈傍峻岳以發源池  
茫爾而海濔嗟元液之潛洞羗莫知其所生狀委蛇其  
若漢流漫漫以漭漭吁鑿鑿以粲粲色皎然而雪朗揚  
赤波之煥爛光盱盱以晃晃隆陽映而不焦洪濔沃而  
不長磊崔嶒確鏗刻碁方玉潤膏津雪白凌岡粲如散



璽煥若布璋爛然漢明晃爾霞赤望之絳承即之雪積  
翠塗內映頰液外羃動而愈生損而滋益若乃煎海鑠  
泉或凍或漉所贍不過一鄉所營不過鍾斛飴戎見珍  
於西隣火井擅奇乎巴濮豈若茲池之所產帶神邑之  
名嶽吸靈潤於河汾總膏液乎澮涑 宋謝莊悅曲池

賦曰北山兮黛栢南谿兮頰石頰岸兮若虹黛樹兮如  
畫暮雲兮十里朝霞兮千尺步東池兮夜未久卧西窓  
兮月向山引一息於魂內擾百緒於眼前 **增**唐太宗

小池賦曰若夫素秋開律碧沼凝光引涇渭之餘潤縈  
咫尺之方塘竹分叢而合響草異色而同芳徘徊躑躅

淹留自足疊風紋兮連復連折迴流兮曲復曲映垂蘭  
而轉翠翻輕苔而動綠牽狹鏡兮數尋泛芥舟而已沉  
湧菱花於岸腹劈蓮影於波心減微涓而頓淺足一滴  
而還深于時景落池濱霧黯疎筠卷舒澄霞彩高低碎  
月輪露宿鳥之全翻隱游魚之半鱗岸隨年而或故流  
與日而終新雖有慙於溟渤亦足瑩乎心神 許敬宗  
小池賦曰爾其潺湲繞砌激濫縈除擬高陽而不足比  
蹄涔而有餘游瑩劒之微鳥躍露頂之纖魚乃若綺井  
傍通桃溪俯映仰天津兮共澹潔秋景兮俱淨倒列宿  
以凝珠含望舒而似鏡覩江使之潛處翫波臣之沉泳

於是翻光甕牖漾影蓬門溜激石兮長嘯鳧鼓浪兮相  
喧竹凝露而全弱荷因風而半翻足以澡瑩心神澄清  
耳目對昆明而取况喻春蘭與秋菊不羨寶於河宗豈  
希大於暘谷 王起墨池賦曰伊昔伯英務茲小學棲  
遲每親乎上善勤苦方資乎先覺俾夜作晝日居月諸  
挹彼一水精其六書或流離于崩雲之際乍滴瀝於垂  
露之餘由是變黛色涵碧虛浴玉羽之翩翩忽殊白鳥  
濯錦鱗之澈澈稍見元魚則知自強不息允臻其極何  
健筆之成文變方塘而設色映揚鬚之鯉自謂奪朱沾  
曳尾之龜還同食墨沮洳斯久杳冥不測受涅者必染

其緇知白者咸守其黑蘋風已歇桂月初臨恢弘學海  
輝映儒林將援毫而閱目豈泛舟而賞心 浩虛舟盆  
池賦曰達士無羈居閒剏奇陷彼陶器疏爲曲池原夫  
深淺隨心方圓任器分玉甃之餘潤寫蓮塘之遠思空  
庭欲曙通宵之瑞露盈盤幽徑無風一片之春冰在地  
想乎泥滓無染泉源本清盛之而細流不泄鼓之而圓  
折長生蛭穿則別派潛通想漏卮之難滿雨落則古痕  
全沒知小器之易盈及夫岸灑灑以初平水汪汪而羅  
漲韜雲分白璧之色映竹寫圓荷之狀光翻曉日誰謂  
覆而不臨底露青天孰假戴之而望至若煙靄沉沉莓

苔四侵方行潦而不濁比坳塘而則深遂使好勇之徒  
暗起憑河之想無厭之士潛懷測海之心故得汲引無  
勞泓澄斯積環織草以彌澈泛流萍而更碧悠哉智者  
之爲心聊覩之而自適

**原**銘陳江總芳林園天淵池銘曰歲次執徐月維大呂  
爰命梓匠廣修畚鍤標置舊址開浚昔基東西彌望雲  
霧之所澄蕩南北紆縈虹霓之所引曜曉川漾辟似日  
御之在河宿夜浪浮金疑月輪之馳水府前瞰萬雉列  
榭參差却拒三襲危巒聳峭瓌鳥異禽自學歌舞神木  
靈卉不知搖落但叔皮覽海序螭蛟之汎濫吉甫臨舟

美樛松之蓊茸尚復著在吟咏緘彼緹緗况我君門盛事未紀謬頒待詔謹製銘云石溝溜密蘭渚潮平九華閣道百丈層盈液搖殿色殿寫波明

**原表**晉江逋諫鑿北池表曰伏承當鑿北池及立閣道雖湫阨陋小用功甚微又役不擾民賦不及外至簡至約誠不可加然於愚懷實有眷眷

**增頌**唐張九齡龍池聖德頌曰洪惟龍池蓋天之所以祚聖即今上下居之舊里京師爽塏之地傍無竇澤中忽檻泉非常而靈液涓流無機而神池浸廣榮光休氣所未嘗有臣不敏敢獻頌曰體侔天地阜育羣化茫茫

元昊載凝載薄在帝庖犧繼天而作浩浩洪水包山襄

陵舜亦命禹夏氏以興龍圖龜書二王是膺湯武以下

夫何足徵右元命於鑠巨唐乘運而起纘禹之統系堯

之紀五睪在天丕命曾孫高視河洛同符混元亦有黃

龍出於靈沼明明穆穆天子之表右睪德倬彼東井昭

彰於天沉精降液下爲靈泉靈泉有泚其深無底泌之

洋洋其甘如醴清德之鑑柔道之體洪源濬規實天所

啓右靈泉濯濯靈泉冥冥皇祇滋液流衍化爲神池曰

止曰行惟睪之作匪鱣匪鮪惟龍之躍植物斯生動物

斯樂天根有見曾是不涸右神池靈有休氣紛紛郁郁

如山之苞如雲之族潛龍在下瞻鳥在屋兆云其吉周  
爰咨詢既契我龜又叶我人鎬雖舊京其命維新右休  
氣蜿蜿黃龍神池自出靈化惚恍噴雲沃日告帝之符  
其儀孔佶或潛於泉或見在田與時順動亦應于天克  
配我皇無得稱焉

谿一

**原**爾雅曰水注川曰谿山瀆無所通曰谿

**增**春秋說

題辭曰谿者隱也 說文作谿亦作溪或作磳 宋均

曰無水曰谷有水曰溪 家語曰丘陵爲牡溪谷爲牝

老子曰知其雄守其雌爲天下谿 文選曰玉隱瑤



谿 魏都賦曰賞如甘泉罰如深谿 吳都賦曰戶藏

煙浦家具畫谿蓋謂罨畫谿也 **原**武昌記曰樊山東

有小溪夏時溪裏常有寒氣故謂之寒溪 裴氏廣州

記曰管溪周圍丈餘水極沸湧如猛火煎油聲 荊州

記曰酈縣北五十里有菊溪源出縣西北五十里石澗

山東南流會專水兩岸多甘菊飲此水延壽 又曰桂

陽郡西南宿山水出注大谿號曰橫溪水甚深冬夏不

乾俗謂之貪泉飲者輒冒於財賄 **增**寰宇記曰延谿

柘樹枝條暢茂嘗烏集其上枝下垂及地烏去枝偶折

羣烏號嘯不已土人取其枝爲弓名曰烏號 圖經曰

茗溪在餘杭夾岸多茗花故名 又曰霅溪在湖州府

城霅者以衆流合集霅然有聲故名 又曰餘不溪在

德清縣東餘不者言其水之清徹餘溪則不也 又曰

長興有箬溪分上箬下箬取下箬溪水釀酒極醇 古

今注曰漢元和中明月珠出豫章之海昏即南康都昌

縣之珠溪是也 寰宇記曰弋溪以水形橫斜似弋字

圖經曰薌溪又名貴溪因出鬱金香縮酒降神制用

甚貴也 統志曰南荒有黑溪閩漳又有烏脚溪涉者

足皆如墨 水經注曰山陰縣有二溪東溪廣一丈九

尺冬暖夏冷西溪廣三丈五尺冬冷夏暖二溪北行三

里至徐邗合成一溪溫涼不雜 又曰武溪源出武山  
流注於沅故爲歌曰武溪深復深飛鳥不能渡遊獸不  
能臨 又曰白馬谿水出宜陽山有大石厥狀似馬故  
谿澗以物色受名

谿二

**增**尚書大傳曰呂望於磻溪釣得一魚腹有璜玉文曰  
周受命呂佐今石上隱隱見兩膝痕 成都耆舊傳曰  
玉妃與五丁同生父母棄之溪後聞呱呱聲就視乃一  
女五男女即蜀妃男即五丁故名玉妃溪 **原**管子曰  
齊桓公北征孤竹國將至卑耳谿見一人長尺許具冠

右祛衣走馬前導管仲曰此登山之神走馬前導示前有  
有水右祛衣示右方淺也及至溪從左方涉其深至冠  
右方涉至膝桓公拜曰仲父之聖至此

**增**寰宇記曰

彭水有五溪謂酉辰巫武沅等溪也古老相傳楚子城  
巴巴子兄弟五人流入五溪各為一溪之長 郡國志

曰豫州吳房縣有堂溪即吳王闔閭之弟夫槩王朝楚  
楚封之於堂溪也 吳地記曰吳有香水溪俗謂西施

浴處人呼為脂粉溪吳王宮人濯妝於此溪上水至今  
猶香 吳錄云越來溪在吳縣相傳越師侵吳自此入

戰國蘇秦說韓王曰劔戟出于棠谿谿在今西平縣

述異記曰出虞淵八十里有甜溪水味如蜜東方朔  
得水數斛以獻武帝投水於井井水嘗甜寒洗沐則肌  
理柔滑 越州記曰越若耶溪古歐冶子鑄劍之所漢  
鄭弘採薪得一遺箭頃之有人覓箭弘與之問弘何所  
欲弘知其非常曰患若耶溪載薪爲難願朝南風暮北  
風後果然世號其舟所經行處爲樵風涇其風至今猶  
然 又曰剡溪在嵯縣王徽之雪夜從此訪戴逵 郡  
國志曰漢邑人董黯早孤事母盡孝母疾嗜大隱溪水  
遠不能常致乃築室溪濱板輿就養厥疾旣瘳因名慈  
谿 寰宇記曰前溪烏程縣南東流入太湖謂之風渚

後溪在市北餘不亭晉車騎將軍沈充家於前溪樂府  
有前溪曲則充之所制其詞云當曙與未曙百鳥啼忿  
忿後宋少帝續爲七曲其一曲曰憂思出門戶逢郎前  
溪度莫作流水心引新都捨故 廬山記曰惠遠法師  
送客過虎溪虎輒鳴號一日送陶元亮陸靜修與語道  
合不覺送過虎溪因大笑世傳三笑圖 寰宇記曰任  
昉爲新安太守因行春至此愛其雲溪累日不返百姓  
因名其溪爲昉溪大中十年刺史盧藩改曰任公溪  
**原**世說曰知僧遊青溪中汎到一曲之處輒作詩一篇  
謝益壽見詩笑曰青溪之曲復何窮盡 **增**武陵溪晉

武陵漁人入桃源即此。輿地志曰浣紗溪在青田長壽峰相傳謝康樂入此溪見二女浣紗嘲曰我是謝康樂一箭射雙鶴試問浣紗女箭從何處落二女答曰我是溪中鯽暫出溪頭食食罷又遷潭雲踪何處覓遂不見。列仙傳曰琴高善鼓琴所居溪側有石臺即控鯉上昇處故名琴溪。圖經曰無錫有溪發源惠山甚狹小梁大同中重濬名梁谿。傳燈錄曰梁天監初天竺僧智藥汎舶曹溪口聞異香掬嘗其味曰上流必有勝地尋之遂開山立刹名寶林乃云百七十年後當有無上法寶在此演法今六祖南華寺也。郡國志曰西溪

在華州時人目爲小曲江以杜子美爲州司功時所嘗  
遊也 統志曰磨鍼溪在彭山縣象耳山下相傳李白  
讀書山中學未成棄去適過是溪逢老嫗方磨鐵杵問  
何爲曰欲作鍼白感遂還卒業 方輿勝覽曰浣花溪  
在成都一名百花潭有石刻浣花夫人像夫人姓任氏  
崔旰之妾也方旰爲成都節度使入朝楊子琳乘虛突  
入成都旰妾散財募兵自帥擊走之朝廷加旰尚書賜  
名寧任氏封夫人 輿地志曰初陽有浯溪元結愛其  
山水因家焉作大唐中興頌顏真卿書石世稱二絕  
寰宇記曰龍溪在奉化舊有虛白觀唐開元間葉靜能



講經於此忽南海龍神化一髯叟聽講旣而訴曰胡僧以呪力欲竭海取寶語甚哀切靜能乃書朱符遣弟子持往海上救之於是海水復還觀在原上無井遠汲爲難至是龍神感其恩乃於觀左穿一渠泉流不絕遂成大溪因名龍溪 郡國志曰海陽鱷溪有鱷魚四足黃身修尾其形如鼉似龍無角似蛇有足尾有三鈎極利遇人豕以尾戟而食之生卵甚多韓昌黎知潮州爲文祝令去是夕暴風震雷起溪中數日水盡涸而徙六十里自是潮無鱷患 圖經曰麗水縣惡溪溪內多怪唐大中時刺史段成式有美政水怪自去因改名好溪

統志曰初門縣西南有溪甚險商旅經此多覆唐縣令  
路旻開斗門以殺其勢號路公溪 倪瓚荆溪圖序引

蘇子瞻曰一入荆溪便覺意思豁然欲買田其間種橘  
作小亭卒不遂其志 郡國志曰濂溪在道州有山曰

安定山西石竇深廣不窮有泉溢竇而出是爲濂溪周  
元公惇頤生於此後卜居廬山之下不忘故鄉亦名濂

溪 又曰丁溪在泉州德化縣諺云水畫丁羅簪纓宋  
時一夕雷雨決流一縱一橫宛然丁字也邑人程揚休

果高第 又曰高溪在永州府城北宋有唐叟者世居

溪上一日厭其喧雜登舟而去伏臘則暫歸受子孫謁

見如此者三十餘年 古夜郎國相傳一女子浣紗溪  
上見浮竹中有啼聲取視之則孩也及長主夜郎封竹  
溪王

谿三

**原**

為牝

守雌

上家語

下老

鈞璜

隱玉

上見溪

一見溪

訪戴

送陶

並詳前類

講道

蕩塵

文中子講道

蕩遺塵

於旋流

**增** 雙月

七星

陽朔縣南有雙川

七星

浣花

罨畫

成都浣花溪杜子美作草堂之

香稻

甘棠

橫州西有香稻溪

沐鶴

蟠龍

沐鶴

青田

縣相傳浮丘伯沐鶴於

躍馬

斬蛟

劉備困于

夔州府梁山竹蟠龍溪

劉表乘的

盧至檀溪一躍而過

磨鐵

浣紗

並見前

黃浦

白洋

黃浦溪在山陽縣南  
白洋溪在宣城縣南

四安

九曲

長興縣四安山有四安溪

彘山九曲溪在武

段式去怪

路旻平險

並詳

刺史

牽鼎

茂叔濯纓

南越志天清水澄見溪中鼎鉉刺史劉道錫過此溪繫其耳而牽之耳脫

而鼎潛入溪中民以為神  
濂溪在道州之西周茂叔家世于此黃山谷濂溪詩序茂叔老於湓城有水發源

花峰之下茂叔濯纓而樂之築室其間用其平生所安亦名曰濂溪也

太守修禊

仙

人投丹

安岳縣西太守彭乘臨溪繫石為曲水每歲修禊於此融縣南仙人嘗投丹於溪中飲者皆

壽得山影棹聲

沙平石淺

宋張子野西溪詩浮萍破處見山影小艇歸時聞棹

聲唐岑參東溪詩沙平堪器足石淺不勝舟

四水激射

雙澗合流

湖州雲溪

合四溪水激射虎蹄溪在宣平時南雙澗合流

一縱一橫

十溢十竭

丁溪

地部

嶺南

銘

卷

一縱一橫見前 王韶之始興記  
連州內有斟溪一日十溢十竭

### 谿四

**原**赴百仞

家語東流之水不息

流行赴百仞之谿也

**起臺**

楚靈王起章華之臺于乾谿國

入潰

**增**濯塵

西子浴于香水谿古詞云安得香水泉濯郎衣上塵

**原**征蠻

漢馬

援征五

**增**歌滔滔

馬援門生善吹笛援作歌和之曰滔滔武溪一何深

**蠻**

**聚落**

五溪蠻皆盤瓠子孫古謂之蠻蠻聚落

**書突星瀨**

王右軍游惡溪道中歎其奇絕

遂大書突星瀨于石上

**五十九灘**

謝靈運與弟書聞惡溪道中九十九里有五十九灘

**舞愛**

前溪乃南朝習學之所崔顯詩舞愛前溪好

**三餘謠**

梁武帝時童謠云王氣在三餘

乃于餘干餘姚餘杭等處為厭勝之術而長興一邑有餘干山餘魚浦餘巽溪陳武實當之也

**一道**

**士**

文選青谿干餘仞中有一道士

**不憚惡**

李白詩遠尋惡溪去不憚惡溪惡

**自號**

六逸

李白與孔巢父韓集裴政張叔明陶隱居日沉飲號竹溪六逸

名五雲

徐李海遊

會稽

歎曰曾子不入勝母之里吾

天關

刻藤紆元輿

豈游

若耶之溪因改名五雲溪

元結

因水為語

文刻

溪藤可作紙今之錯

漢因

山為語山

為文

者皆天關刻藤者也

三吾

自命

作室

曰吾亭三者皆命

鑿字

粵西通道縣境有鑿字

以吾

明吾所自有也

映水

蘭花

王恩

齊征蠻鑿石以紀

草杜

樊川詩映水

歲月

土人名以鑿字

別駕

黃庭堅謫涪州

蘭花

雨燕尾分

涪翁

涪翁後安

散香

燕尾分

宋黃

庭堅謫涪州

置戎

州樂一溪

沙縣

七峰之下有太史溪

水即

號涪溪

宋李

綱以太史謫此故名

南賦

虎福建龍巖縣有溪幽勝比之武陵宋元祐間里

稱曰

劉棠陳備

漳南

賦虎後劉及

易陰

文村谿

第陳

則隱居溪上

不測

臨不測之

谿

以爲固

易陰

易陰

谿五

地部

開盤頁函卷三十三

谿

五

**原**詩梁任昉汎長谿詩曰徇祿聚歸糧依隱謝羈勒絕  
物甘離羣長懷忽去國長谿永東舍震區窮水域道遇  
垂綸叟聊訪問津惑弭檝申九言無爲累牽纏長汎滄  
浪水平明至曛黑 又落日汎舟東溪詩曰黝黝桑柘  
繁芄芄麻麥盛交柯谿易陰反景澄餘映吾生雖有待  
樂天庶知命不學梁父吟唯識滄浪詠田荒我有役秩  
滿余謝病 **增**唐王維過清溪水詩曰言入黃花川每  
逐清溪水隨山將萬轉趣途無百里聲喧亂石中色淨  
深松裏漾漾泛菱荇澄澄映葭葦我心素已閑清川澹  
如此請留盤石上垂釣將已矣 孟浩然耶溪汎舟詩

日落景餘清輝輕橈動溪渚澄明愛水物臨汎何容與  
白首垂釣翁新妝浣紗女相看似相識脉脉不得語

沈佺期入少密溪詩曰雲峰苔壁遶溪斜江路香風夾  
岍花樹密不言通鳥道鷄鳴始覺有人家人家更在深  
巖口澗水週流宅前後遊魚瞥瞥雙釣童伐木丁丁衆  
樵叟自言避喧非避秦薜衣耕鑿帝堯人相留且待鷄  
黍熟夕卧深山蘿月春 岑參終南東溪作詩曰溪水  
碧於草潺潺花底流沙平堪濯足石淺不勝舟洗藥朝  
與暮釣魚春復秋興來從所適還欲向滄洲 杜甫溪  
上詩曰峽內淹留客溪邊四五家古苔生迳地秋竹隱



疎花塞俗人無井山田飯有沙西江使船至時復問京  
華 張籍雪溪遠望詩曰雪水碧悠悠西亭古岸頭夕  
光陰遠岫斜照逐迴流此地動歸思逢君方倦遊吳興  
耆舊盡空見白蘋洲 項斯汎溪詩曰溪船汎數里便  
覺少炎暉動水花連影逢人鳥背飛深猶見白石涼好  
換生衣未得多詩句終須隔宿歸 劉長卿上巳日泛  
舟若耶溪詩曰蘭橈萬轉望汀沙應接雲峰到若耶舊  
浦遠來移渡口垂楊深處有人家永和春色千年在曲  
水鄉心萬里賒君見魚船時借問前洲幾路入煙花  
王勃泥谿詩曰弭棹凌奔壑低鞭躡峻岐江濤出岸險

峰磴入雲危溜急船文亂岩斜騎影移水煙籠翠渚山  
照落丹涯風生蘋浦葉露泣竹潭枝泛水雖云美勞歌  
誰復知 宋孫覲晝溪行詩曰老特浮鼻水中歸綵  
雉應媒桑下飛蘿萋冥冥山四起數家鷄犬煙樹裏一  
支新涼漲晴溝楊柳中間繫小舟晝溪頭烏鳥樂呼  
風喚雨不能休 蝶趁花飛爭入坐倚空百尺游絲隨  
亂山銜日半船明斷雲載雨前邨過蕨芽戴土小兒拳  
漁市人歸柳貫鮮晝畫溪頭人語好烹魚煮蕨餉春田  
沙頭綠暗已藏鴉竹裏猶殘一兩花蝸廬抱柳開新  
國燕語窺簾憶舊家春風有信自年年晝畫谿邊柳繫

船陶情滿滿酒如泉醉與長瓶藉草眠  
翠木蒼藤繚白沙槿籬茅店野人家  
了無狡兔營三窟只有黃蜂趁兩衙  
樹頭獵獵酒旗風罨畫谿邊賣酒翁  
銀餅快瀉清若空令君一笑面生紅  
梅堯臣東溪詩曰行到東溪看水時  
坐臨孤嶼發船遲野鳧眠岸有閑意  
老樹著花無醜枝短短蒲葑齊似剪  
平平沙石淨於篩情雖不厭住不得  
薄暮歸來車馬疲歐陽修黃溪夜泊詩  
曰楚人自古登臨恨暫到愁腸已九迴  
萬樹蒼煙三峽暗滿川明月一猿哀  
非鄉况復驚殘歲慰客偏宜把酒杯  
行見江山且吟詠不因遷謫豈能來  
陸游沂谿詩曰射

的峰前禹廟東短篷三扇卧衰翁閒攜清醑濁賢酒重  
試朝南暮北風水落痕留紅蓼節雨來聲滿綠蒲叢衝  
煙莫作怱怱去擬看溪丁下釣筒 明高啓汎南溪詩  
曰山折水暫旋山開水仍往東陂匯初成秋色瀾然廣  
碧蘿花茸茸月映石壁上此夕試沿洄一理煙中舫  
吳鼎芳前溪詩曰野風迎白衲隨步已前溪落日在流  
水遠山青不齊花寒聊自蹕鳥倦偶然啼何處茶煙起  
漁舟繫竹西

**原賦**宋謝靈運長溪賦曰潭結綠而澄清瀨揚白而戴  
華飛急聲之瑟泊散輕文之漣羅始鏡底以如玉終積

岸而成沙

**增**記唐元結右溪記曰道州城西百餘步有小溪南流數十步合營溪水底兩崖悉皆怪石欹嵌盤屈不可名狀清流觸石洄懸激注佳木異竹垂陰相蔭此溪若在山野則宜逸民退士之所游處在人間則可爲都邑之勝境靜者之林亭而置州已來無人賞愛徘徊溪上爲之悵然乃疏鑿蕪穢俾爲亭宇植松與桂兼之香草以裨形勝焉溪在州右遂命之曰右溪刻銘石上彰示來者

**增**序唐柳子厚愚溪序曰灌水之陽有溪焉東流入于

瀟水或曰冉氏常居也故姓是溪爲冉溪余以愚得罪  
謫瀟水上愛是溪故更名之爲愚溪夫水智者樂也今  
是溪獨見辱于愚何哉其流甚下不可以灌溉又峻急  
多坻石大舟不可入也幽邃淺狹蛟龍不屑不能興雲  
雨無以利世而適類于余然則雖辱而愚之可也

壑一

**增**爾雅曰水通谷曰壑 禮記大蜡之際辭曰土反其  
宅水歸其壑 **原**山海經曰東海之外有大壑 列子

曰渤海之東不知幾億萬里有大壑實惟無底之谷

莊子曰藏舟於壑藏山於澤謂之固矣然而夜半有力

者負之而走昧者不知也 離騷曰降望大壑 **增**馬

融長笛賦曰嶰壑澮峽

注小山別大山曰嶰澮峽嶰壑深平貌

郭璞江賦

曰淙大壑與沃焦又曰豁之以洞壑 注洞壑海也 張協七命

曰畫長壑以爲限

壑二

**增**左傳曰鄭伯有嗜酒爲窟室而夜飲酒擊鐘焉朝至

未已朝者曰公焉在曰吾公在壑谷 國語曰叔魚生

母曰虎目豕喙鳶肩牛腹溪壑可盈是不可厭 **原**莊

子曰諄芒東之大壑遇苑風于東海濱苑風曰子將之

大壑奚爲夫壑之爲物注焉而不滿取焉而不竭 **增**

晉書曰明帝問謝鯤君方庾亮何如鯤曰端委廟堂使百僚準則鯤不如亮一丘一壑自謂過之唐傳云李嗣業初討勃律也方通蔥嶺有大石塞隘以足蹶之抵穹壑識者以爲至誠所感隱逸序云唐典賢人在位衆多其遁者雖各保其素非托默于語足崖壑而志城闕也

壑三

**原**在

臨

孟子志士不忘在溝壑文選臨沒壑而怨遙

**增**聳

湯

房元齡昂霄聳

壑

柳宗元文擊山盪壑

**原**通谷

藏舟

上爾雅

**增**聳

下莊

可盈

宜置

上國語見前

謂謝鯤宜置丘壑中

顧愷之

**增**歸墟

成浦

列子大壑



無底之谷名曰歸墟郭璞

貞觀

夙愛

謝靈運詩

江賦獨澗開渠激壑成浦

爭譏

降望

孔稚圭北山移文曰

列壑

欺我

笑公

又北山移文曰

欺我

雲壑

無底

將

之上

詳列子

蔭竹

聞樵

張協七命尋竹

蔭其

時聞樵

浮千仞

抱兩岑

李白詩

兩岑抱東壑

寓耳目

蟠風霜

謝靈運詩

岩壑寓耳目

黃山谷題

作老木

捨塵物

躋花界

謝靈運詩

遺情捨塵物貞

花界

叩虛牝

平巨量

殷仲文游九井詩

哀整叩虛

之量

無人跡

度松聲

張協詩

溪壑無人迹李

壑四

**原**鄰壑

孟子鄰國為壑

必盈

易林速壑必盈

**增**澗潯賈隆

相如上林賦隆

砥注壑澗潯賈隆

**原**巨魚縱

王褒聖主得賢臣頌沛乎若巨魚縱大壑

**增**錯繆

盤紆

張衡南都賦絡盤錯繆而盤紆

為之一罄

左思吳都賦罄為之一罄

登

翠臨丹

張協七命登翠阜臨丹壑

斂暝色

謝靈運詩林壑斂暝色

險過呂

梁

同上險過

未能廢

同上昔余樂京華未能廢丘壑

看雲

杜甫詩暮看雲

平

風吹面

同上步壑風吹面

千崖無人

同上千崖無人萬壑靜

崢

嶻嶭

李白詩萬壑與千巖呼嶻嶭湖裏

雲松埋

韋應物詩陰壑雲松埋

壑五

**原**賦

梁簡文帝大壑賦曰渤海之東不知幾億大壑在

焉其深無極悠悠既湊滔滔不息觀其浸受壯其吞匿

地部

淵壑

壑

早

歷詳衆水異導殊名江出濯錦漢出珠瑛海逢時而不  
通河遇暝而知清嗟乎使夫懷山之水積天漢之流駛  
彭潛與渭濕俱臻四瀆與九河同至余乃知巨壑之難  
滿尾閭之爲異

淵鑑類函卷三十三